

Robertus Bunting. ex Adm. Chm.

OXONIENSIS ACADEMIÆ

Funebre Officium

JN

MEMORIAM
HONORATISSIMAM

SERENISSIMÆ ET BEATIS.

SIMÆ ELISABETHÆ, NVPER

Angliæ, Franciæ, & Hiberniæ

Reginæ.



OXONIÆ,

Excudebat Iosephus Barnesius, Alma

Academiæ Typographus. 1603.





SERENISSIMO POTENTISSI-
moq; Monarchæ, I A C O B O, Angliæ,
Scotie, Franciæ, & Hiberniæ Regi, Fi-
dei defensori, Domino ac Regi
nostro clementissimo.



ST aliquid pietas: sæpè inter gaudia fluxit
Vera per hæredis lachryma lapsa genam.
Tu quoq; florètes inter, Rex magne, triū
Cõcedes aliquē luctibus esse locū. (phos
Queq; tibi ferimus Domine monimenta prioris,
Affectu socio carmina nostra leges.
Non ut letitiam mæstum contaminet omen:
(Mæsta damus rapidis omnia ferre Notis)
Non tua permisto careant nè gaudia luctu:
(Impermista malis gaudia semper habe)
Non quasi nos moriens sine spe liquisset Eliza:
(Vndiq; Spes surgit leta, Iacobe, Tui)
Sed quæ semper amans fuerat nostriq; Tuiq;
Digna eadem nostro semper amore coli.
Vnanimis studijs vixistis, sanguine iuncti;
Tu ceu frater ei, ceu soror illa Tibi:
Nunc quoq; (quæ sola est exanguis gratia busto)
Virginium memori nomen honore tenes.

Quò magis et nostri, Rex, arbiter æquus amoris,
(Extinctæ tumulum quo veneramur) eris.
Carminibusq; satur varijs, plenusq; legendi,
Non tamen hæc spernes quæ tibi dona damus.
Sic dominæ quales veteri, dum vixit, eramus,
Imperio tales experiare tuo.
Sic tibi cum regnis nostrum quoq; firmet amorem:
Quæq; illi steterat, stet tibi nostra fides.
Sic tibi, si tandem terris migrare necesse est,
Plurimus in serâ morte supersit honor.
Sic proprio æternum de corpore masculus hæres
Sit Tibi: qui cineres, & tua busta colat:

Maiestatis tuæ

**humilimi atq; observan-
tissimi alumni.**

**Procancelarius & reliquis cæteris stu-
dentium in Almâ Academiâ Oxon.**

(1)

*Inobitum seravissima Principis Elisabetha, Anglia,
Fravcia; et Hibernia, nuper Augustissima
Potentissimaq; Regna.*

REX ut apertum, dubio dum fingit, & ore refingit
Omne quod in ceris sedula ponit apis,
Nec valet aut inferre fauos, aut carpere flores;
Aut hortos penna sollicitare leui:
Sic ego Sollicitus, dum solus fingo, refingo,
Quas Regi laudes Attica cantat apis,
Nec valeo vel ferre tibi, vel spargere dignos
In tumultu flores Elisabetha tuo.
Sed decus & nomen nullo delebile fato,
Semper (Elisa) tuum, gratus in ore feram.

*Iob. Hymfonus Sacra Theol. Doctor
Vicecan. Oxon.*

SI pietas, virtus, si stemmata clara parentum,
Si quid in his terris, quod veneremur, erant:
Si decus imperij, si sceptrum, et culmina rerum,
Si pudor, & probitas, flectere fata queant:
Omnia Regina natura locavit in vna;
Fortuna hic posuit, quod fuit, omne, suum:
Nil tamen ista iuvant, quin duræ spicula mortis
Senserit, & tristi funere merfa cadat,
Morte cadit Regina potens, clarissima stella,
Cura dei, mundi gloria, Gentis honos.
Elisabetha iacet crudeli funere merfa,
Splendor it in tenebras, gaudia luctus habet
Sic quia fata volunt, quia sic peccata merentur
Anglorum, et Paræ sic voluere truces:
Nil tamen ista nocent, quia sole cadente Britannis,
Sol novus Arctoo est visus adesse polo.
Lux abiit, lux alma redit, descessit Eliza,
Rex novus exoritur, gentis et orbis honos.
Elizabetha iacet, gentis pia gemma Britannæ
Ecce novo rursus sydere cuncta micant.

A

Sic

Sic rota fortunæ; Phœben sic Phœbus Apollo,
 Nubila sic solem, nox sequiturq; diem;
 Tristia sic latis miscentur, dulcia amarisi
 Funera reginæ rex novus ecce beat.
 Felix Elisabeth, quæ nunc super astra triumphat:
 Cuius vita deus; morsq; corona fuit.
 Felix illa parens patriæ, pietatis asylum,
 Virtutis specimen, virginitatî honos.
 Quæ tot quælitis sine labe excelsa trophæis,
 Victrix virgo virum, cœlica regna tenet.
 Nos miseri, varij: qui tempestatibus acti
 Linquimur, ut medijs naufraga puppis aquis.
 At vos Papicolæ, gens insidiosa Britannis,
 Quæis pietas fraus est, religioq; iocus,
 Quos solio reges, sceptroque, movere Monarchas,
 Cunctaq; pro libito volvere regna iuvat,
 Dicite quid Papæ nocuerunt fulmina Elizæ?
 Tot Salmonæa fulmina nulla manu:
 Discite quam graue sit superis indicare bellum?
 Dicite, quæ geminam sæcla tulere parem?
 Fœmina, virgo, hæres regni sine cæde paterni,
 Quod suscepir ovans, salva reliquit anus.
 Hoc tua (Christe deus magni dominator Olympi)
 Dextera fecit opus; laus tibi, Christe deus,
 Hanc tibi post Christum pacem gens Anglia debet:
 Semper & acceptam (dive Iacobe) refert.
 Ergo vale ô Princeps, quondam mihi magna patrona,
 Ultima & hæc servi suscipe vota tui,

*Edmundus Lilius Sacra Theol. professor, Magist. Collegij Balliol. &
 eiusdem Sereniss. Reginae humilissimus capellanus.*

Corpus inane animæ (lux quôdam & vita tuorum)
 Illustris Princeps Elisabetha iaces,
 Cuius ad exequias plenus singultibus ibo;
 Supremum Lachrymæ pignus amoris erunt,
 Nil potero solvisse minus, cui debeo cuncta;
 Victus amictusq; est, munus id omne tuum.

Nec mea fors tantum est; veneranda & chara fuisti
 Nobilibus satrapis, Præsulibusq; parens.
 Quorum sublimes fasces, & splendor, honorq;
 Gloria, & ingentes inde oriuntur opes.
 Quin et confusæ plebis circumflua turba,
 Quos favor, & fidei texerat umbra iux,
 Te Fortunarum fulcrum columenq; suarum
 Lugentes, falsis imbribus ora rigant.
 Deniq; Religio, Pax, & Respublica florens;
 (Cui non videntur seclâ priora parem)
 Per te sunt fundata, tuo & transmissa Nepotî;
 O precor, ista Dei sint stabilita manu.
 Nunc viue æternum felix, cœloq; beata;
 Inq; Abrahæ placido tuta quiesce sinu.

*Nicolaus Bendus Sacra Theol. Doct. & Profes
 Coll. Magd. Oxon.*

*In Obitum Elizabethæ Angliæ, Fran. &
 Hibern. nuper feliciss.
 Reginae,*

ELizabetha tuum tria fert insignia nomen:
 Beth Domus, El deus est, formina at Ischa sono est.
Villa virens, Richmond, te nunc Aula alba reliquit:
 Pro lutea, arx cœli est iam tibi facta domus.
 In terris mulier, morte es tu Cœlica facta,
 El tuus in Cœlis hæc tibi dona dedit;
 El Elohim deus ille tuus, cui Ecclesia vivâ
 Nunc lachrymas fundens militat Angla fide;

Post annos mille, & centum bis ter repetitos,
 A Christo nato in terris, annoq; secundo;
 Post ex quadraginta actos, & quattuor annos
 Imperij, menses quatuor, solesque viginti
 Quattuor & noctes, Aries dum vellera siccet,

Vere ineunte novo cincto florente Corona,
 Regina Elizabeth a terra ad sydera rapta est,
 Magnifico ut clari frueretur lumine olympi,
 Ut pedibus nubes calcarer, & orbis honores
 Splendidulos fragilis, vitrei & ludibria mundi.
 Filia pacis erat viuens, Anglisque Columba
 Persimilis, quam olim Patriarcha admisit in Arcam,
 Gestantem rostro folium viridantis oliuæ.
 Rettulit imperio Deborah, pietate Dauidem.
 Regina in terris fueras, nunc morte peremptum
 In cineres abiit corpus: mens orbe recepta
 Stellifero, Christum sequitur per templa Sionis;
 Expectans corpus rediivum, morte redemptum
 Christe tuâ; cui laus, & honos per secula detur.

*Thomas Hollandus Sacra Theol. Doctor
 Professor Regius Theolog. in Acad.
 Celeberrima Oxoniensi.*

ΕΙΣ ΤΑΦΟΝ ΕΛΙΣΣΑΒΕΤ ΚΡΑΤΙΣΤΗΣ,
 ΜΕΡΙΣΤΗΣ, ΕΥΘΥΒΕΙΑΤΗΣ ὅψ Βρεταννῶν Κελευθῆς καὶ
 Ἰβήρων Βασιλίσσης Ἐκκλησία.

Εὐλόγητοι χάριτες καὶ Εὐφρονας εἴπατε Μῆσαι,
 Τίς θ' ὑμῖν, ἄλλοις τε γόνε τόνον ἱερόν ὦρε;
 Πάντοδι μυρομένης χαπιδὲν ὡς πλεῖστα Βρεταννῆς.
 Πανταδὴ πῶν ἀνδρῶν ὀρήγων καὶ ὁμματα μετὰ.
 Αἰδ' ἂ παμειβόμενα ἅμα τοῖσιν, ὅτι καυλῇ εἶποι:
 Δυσσπλὲς εὐρέμενοι δαράτῃ, καὶ Γέραθ' ἄλγεα,
 Σκῆπτρα ἐπ' ἡθοῖσι δὲ πᾶσι ἰσα πᾶσιλοις:
 Ἡμετέροις σείρας τι φέρων, καὶ τίμα βροπίσι,
 ὧς ἅμ' ἀριζήλον μινύδων, ἀρατῇ τ' χαλίστων.
 Κεῖται ΕΛΙΣΣΑΒΕΤ μοῖρα, διήσκουσα ἀτρέσθῳ,
 Τῶν Βρετάνων Βασιλίσσα καλλή, καὶ Ἀνασσα Ἰβήρων,
 Ἡς ἦν Ἀρχομένης ἐπὶ πᾶσι μάχμαρα ἡ Ἀρχὴ,
 Ἔστι Θεὸς ζῆτης ἐκεί ἱουκῆς, ἡ καλὴν ἀνδρῶν.
 Ἡς Ἀρχῆς ἀρχὴ, πάντων ἀγαπῶσι Θεὸς ἄρχης,

Ἐιρήνης μετέχουσιν πόλεις Πολέμων ἀφείσα.
 Τῶν περὶ ὅσον παρεχάς διὰν παῖσα Γαλήνην.
 Παρθεναὶ βίδας εἰσι, σιμὸν μὲν θυμῷ,
 Πρῶτα λιπὰς τε θυεσσα-θύον καθαράς ἀπὸ γυναικός,
 Ἐιδύλοισι θυσίαις τε λιπῶσιν, ἐντάλματα Πάσσωπον,
 Οὐτεκὰ Λιρεπκῶν ἢν πολλὰν αἶνὰ παῖδῶσα,
 Δυσμενέων κρατίεσσα δόλων, ἐπὶ πᾶσι νικῶσα.
 Εἴδω. Ἐιρήνης, οἰκείοις αἵτιον ἦλθε,
 Καὶ τῷ ἐκ ξείνων κούδης τε λάσαν, ἐξ οἰκίας.
 Παιδείαν, γλῶττας τ' ἔταφρονέουσα ἐν αὐτῇ,
 Ποικίλας ὡς ἔδνη, χάρις ἰδύμα, ἀρεστέων.
 Τῶν Μουσῶν πῆγαις φίλα τῶν ἑρδισκα καὶ ἔργα,
 Ὡς ἐπιδυτοῖς μόνον ἀθλα ἰδύμα ἀπειρα,
 Ἀλλὰ ἐξ οἱς Μέσας ἰδύμας, ἐξ αὐτοῖς ἐπικτε,
 Ἀξία Κοιρανικῶν ἴνα θάλλη Γραμμάτα δώρων.
 Ταῖς χήρας πόσις ἢν πνιχραῖς, ἐξ οἰκίας μήτηρ.
 Πᾶσι δίκαια γέμειν, ἐξ ἐπὶ τῷ πατρὶ ἀγορεύειν.
 Ἀρχεμένους πολλὴν πῶσι φίλην, ἀρετῆς τε, δίκης τ'
 Εἰρηνας, ποφροσύνην ἀσκήν, ἀσχερῶν τ' ἀσκήν.
 Οὐτε γὰρ ἀδικῶντα εἴδω, ἀδικεῖν ἢ ἐκνητι.
 Καὶ ἔτα παμπλῆκ' ἔτη, ἀρχουσα Βρεταννῶν,
 Τῆς χάριτος μὲν τῷ πάντων, ἐξ οἰκίας ἔχθρα,
 Ὡς ἔτα εἰς νῦν γὰ παῖσα κακὴν, ὀλοήντα,
 Ἡ ἀνία, ἢ ἡνίκα ἀδύς, καὶ τλήμων θυμῷ,
 Εὐπρῶς θανάτῳ τ', ἔτα σὺν ἀρόφρονι εἴκα,
 Ψυχὴ δ' ἐκ ρεδίων πᾶμμεν, εἰς ἀσφα βεβήκει.
 Καὶ Σ' (ΙΑ' ΚΩΒΕ) γέρον φωνοῦσα μέδοντα Βρεταννῶν,
 Ἦ ἀρετῇ, ζευχθεῖσα τῷ χῆρῳ, καὶ Γούσας ἀλκῇ,
 Θρησκεία τε θιῶν καὶ θάνατῳ, μὲν ἄν ὅλκω πάντα
 Στήσῃ, ἐπὶ σκήπτρῳ σὺς σὺς, ἢ, καὶ βίος αὐτῆς.

אבן קבר ברכה
 על מרח אלהי שבע
 המלכת:

בני אדם כלל כתי חומר אשה
 מי יתר כל-בשר יבסה העפר:
 משה על מרח אשה שוכבה

אלישבע המלכה ככל-בדרכה:
 אשר בה חפזה בהורת אלהים.
 כל-יצר לבת על ישע לאמים:
 על-כן עדן מקום נוחה/
 ביד שיר תלין רוחה:
 אה-בי חי המלך יעקב בחמה
 הללויה וגילג אישים בסובר:

*Ioannes Perin Theolog. Doctor Gra. Ling.
 Professor Regius. Ioannensis.*

*Qua mihi sufficiunt lachryma, qua flumina flenti,
 Desito dum cineres Elisabetha tuos?*

QUæ fuit Henrici ter-maximæ filia Magni,
 Quæ magis ingenio nobilitata suo,
 Magna ortu, maiorque animo, sed maxima cultu
 Christe, Tui, & Celsi cognitione Dei,
 Docta loqui varijs (vnquam si scemina) linguis,
 Nata velut manibus pleura ferire suis,
 Cum per lustra novem sanctæ & feliciter acta
 Gestasset facili sceptræ Britannia manu,
 Accersente Deo, cœlo & dignante supremo,
 Desinit in terris degere, iuncta polo.
 Sed dum carne fugit, dum cœlos mente capessit,
 Illius æternum fama superstes erit.
 Non nox, non tempus, non invida lingua malorum
 Obruet, aut Stygium qui colit vsquæ Iovem.
 Quanta fuit bellis, Hispanus, Gallus, & Indus
 Occiduus, Scotus, Belgæque testis erit.
 Sed quæ pace fuit, felices novimus Angli,
 Aurea dum nobis secula virgo daret.
 Vera parens patriæ, patrona pijsissima Musis,
 Iustitiæ cultrix, sobrietatis amans.
 Illa tamen laus est homini per grata Deoque,
 Quæ nec in extremo est interitura die,
 Quod sine Papismi facatâ fraude maligni

Quod

Quodd sine Romigenum traditione Patrum,
 Verba Dei, populo dedit, haud permixta venenos:
 Puro è fonte sacri verba petita libri.
 Sic vivens Christum coluit, sic orbe recessit,
 In sanctâ stabili religione Dei.
 Nunc capit in cœlis solatia grata laborum,
 Nunc requiem æterni carpit in arce poli.

Georgius Abbat. Sacr. Theol. Doctor, Magister Collegij Universitatis, Oxon.

Ad Famam.

Fama loquax olim, nàm quid nunc muta silescis?
 Nec tibi de linguis mille, vel vna sonat?
 An quia te vivæ nomen lassavit Elizæ,
 Lassari metuis post pia facta magis?
 An quia de sanctâ mentiri turpia vitâ
 (More tuo) ne queas, invidiosa taces?
 Quâ vitam maculâ, quâ mortem labe litures?
 Nil in vtrâq; probri est, hinc pude facta siles.

At (scio) rumperis, nisi voce silentia rumpas:
 Ni loqueris, moreris; Vox tua vita tibi.
 Quare age, & Augustâ loquitor (benè-garrula) Elizâ,
 Secula quò vivat fera superstes anus.
 Nec metuas exhausta fiet ne vena loquendo,
 Oceanum citius muscave musue bibat:
 In laudes rediviva seges tibi pullulat vsq;,
 Et bona si carpas plurima, plura manent.

Quodd si digna tuis deposcas præmia factis,
 En te (nec dubites) munera magna manent.
 Quæ non demisit quenquam sine munere viva;
 Tenè indonatam Diva redire finet?
 Non author, sed testis eris, sed nuntia veri
 Solius, posthac commerciare fidem.

Nam

Nam de diuinâ quæcunq; loqueris Elizâ,
(Ni fors prava velis,) dicere ficta nequis.

*Iob. & Agathonis Sacra Theol. Doct. & Princip. Aula
S. Edmundi, Immortalis officij ergo.*

Magna canent de te vates, maiora tacebunt,
Diva super specimen magna, superq; fidem.
Virtutum ô immensâ seges, laudumq; tuarum;
Iamq; cinis tanta, & tanta superstes eras.
Vos monitis parere meis, nec scribite vates;
Qui minus, ille nihil: qui nihil ille fatis,

Jobannes. Kings Sacra Theol. Doct. Archidiacon. Notingh.

Si mea cum vestris valuissent vota, Britannî,
Nulla mihi iam Musa foret de more cienda,
Tu vitâ dulci, nos te potiremur, Elisa.
Quod quia fata mihi vobisq; inimica negarunt,
Quæ melior tuba sublatam decanter Elisam,
Quam, per quam vixit, viuetq; perennis Elisa?
Ergo age, Diva, precor, tu nostræ illabere menti,
Quanta alijs, vel quanta mihi qualisq; solebas
Aspirare olim, cum te, fretusq; iuventâ,
Illius immensas audebam dicere laudes,
Et parvis tenuare modis ingentia facta.
Concute desuetum pectus, torusq; calescam
Te subigente intus, sine te nihil ipse, nec ausim,
Hec possum, nec fas quicquam dixisse decori
Te semel invitâ; faueas modo Diva, vel ipsam
Haud equidem verbis ornare verebor Elisam.
Iamq; ades, agnosco scintillam in fomite raptam;
Quo feror? aut vbi sum? quæ pectore carmina volvo?
Quæ quibus anteferam? quæ nunc exordia sumam?
Corporis an laudem dotes, animivè sereni,
Fortunæve prius? num tot miracula rerum?
Sed quid, Diva, paras? ah desine; desinis cia,
Sensi; languescant flatu mihi vela remisso,

Ex.

Extinctâq; iterum cineres tepuere fauillâ:
 Tu Dea, certè afflare potes, sed nec meatantos
 Cimba ferat fluctus, nec tantum lintea ventum.
 Testa vetus multo diffindor, & obruor vndis
 Vna superfusis minor, & mihi pectora tanto
 Deficiunt æstu, divinò exusta calore.
 Non ea vis animo est curis, annisq; subactò,
 Non ego par moli; res hæc, mentemq; solutam,
 Immunemq; malis, secessum, atq; otia poscit.
 Nec forsan deceat iuvenum tentare laborem.
 Vos, quibus ingenium viget, & quibus integer ævi
 Feruet adhuc animus, quibus otia fecit Elisa,
 Instaurate aliquid limatum, dulce, canorum,
 Materiz quod par sit opus; cui, quæ sumus, ætas
 Invideat, laudesq; ferat, quod deniq; vivat.
 Vni Rex Macedo fuerat pingendus Apelli,
 Et nisi Lysippo fingendus: sic & Elisæ
 Non nisi præstanti celebranda encomia vari,
 Grande peto, fateor, sed quod debetur Elisæ.
 Quod nisi præstamus, studium scribendo benignum
 Prodimus, ex meritis nunquam laudamus Elisam;
 Qualem nulla tulit, nec postera viderit ætas.

Expectata diu, votisq; petita nefandis,
 Longè præ reliquis sed Iesuita tibi;
 Et tibi, Parsoni, imprimis (infamia sæcli,
 Opprobrium vestræ propudiumq; Scholæ)
 Anno sera suo mors tandem venit Elisæ;
 Ecce iacet cælebs, sic quoq; tota iacet.
 Quid nunc lucrari? quâ commoditate sequutâ?
 Audiit, an spreuit tam pia vota Deus?
 Scilicet ablatâ pro Principe calibe, & vnâ,
 Ecce adsunt multi, quippe Iacobus adest,
 Egregiâ pater & numerosâ prole beatus.
 Quæ tibi post illam spes, Iesuita, manet?
 Hanc cine tu perdas? I nunc (vacat ire) per Indos,
 Nil hic, post quod agat, jam tua pestis, habet.

Guilhelms Gager in LL. Doctor.

DVM funus celebrare piæ conabor Elizæ,
 Nil mihi cum Phœbo, cum fictis nil mihi Musis:
 Qui Deus es, solusq; potes prestare, quod opto,
 Ecce tuum supplex, Deus, ô Deus, invoco numen.
 O dilecta Deo Regina, & numine plenæ,
 Et numen, (Sic te Pietas sic Gratia tollit)
 Percipiant nostros tua fata extrema dolores:
 O dilecta Deo (cuius mors invida vitam
 Non tollit, vel morte in vitâ viuis Eliza)
 Si mea me miserum paterentur tempora, vitæ
 Fausa tux canerem lachrymoso tempora versu:
 Te tua facta canunt, ego nil nisi nota referrem,
 Te quoq; quid pariunt tam tristia tempora dignum?
 Flumina non retinent oculi, fuit vndiq; luctus,
 Quod tibi digna satis mihi solvere Iusta negatur.
 Quid facio? frustra lacerant præcordia nostra
 Curæ: Pacis amans placidâ tu pace quiescis:
 O quantum doctrina tibi, (doctissima Virgo)
 Publica res quantum, quantum ipsa Ecclesia debet?
 Illibata cohors quantum tibi debet Eliza,
 Quæta sui sexus summum perijsse decorem?
*Elisabet*ha fuit, fuit heu: nec sustinet ultra
 Lingua loqui, recolens quod non fiet illa superstes,
 Clarius in terris nomen quo nomine nullum est.
 Bis. septem moritur lustris iam pene peractis,
 Grandia longævæ deuitans damna Senectæ;
 Infracto Regina animo venit obvia morti,
 Occurritq; lubens, currit secunda, quod ipsi
 Mors lucrum: In terris nil præter coelica spirat;
 Felices animæ quibus est in funere lucrum?
 Si bene quæ moritur, bene vixit, nemo videtur
 Indicium melius liquisse nec aprius vnquam:
 Si bene quæ vixit, rectè moriatur, & inde
 Vita beata necem felicem denotat esse:
 Inter felices animas Regina quiescis.
 Rex tibi condignos cumulat successor honores,
 (Quò tibi maiores cumulat magis ipse colendus)
 Ingentes cumulat: Pullatâ veste Iacobum,

Lugentem ante alios, nullo diademate Regem
 Et nullo insignem sceptro, lachrymosa tegentem
 Ora videre licet, (si vult tamen ipse videri.)
 Ingens est luctus: Non hunc nova regna tumentem,
 Non tiruli efficiunt, neq; nomen honoribus auctum:
 Alius hunc tangit charæ iactura Sororis,
 Alius hunc angit charæ iactura Parentis,
 Illa Parens fuerat, sobolis si cura Parentem
 Indicat, illa Parens fuerat tibi vera, *Iacobe*;
 Quam nunquam potuit Regina, Oratio, rerum
 Quam neq; lethiferi potuit violentia morbi,
 Certaq; nec certæ poterant discrimina mortis
 Immemorem fecisse tui: Tua splendida Virtus,
 Religio, Pietas, Proavorum insignia, Sanguis,
 Ius tibi dant; Iustum nobis commendat *Eliza*;
 Illi iusta facis (pietas rarissima Sæclo
 Hoc duro) si luget Rex, quid ex tera turba?
 Quia præ lachrymis desunt, & carmina desunt:
 Anglia quod plangat, quod plangat Hibernia, certū est,
 Gallia cum Belgis comitem se iungit vtriq;
 Vndiq; fit planctus, resonat clamoribus æther,
Elisabetha vale, pia, prudens, iusta, pudica

*Redolph. Huchensson Coll. S^{ci}. Ioannis
 Baptista Oxon. Praeses.*

Distrahor, et dubiam versat sententiā mentem,
 Quid loquar aut faciam in funere *Lisa* tuo:
 An mortem & parcas crudeles nomine dicam,
 Parcere quæ viræ non didicere tuæ?
 Hoc tritum est: Ego non illas in cūso, nec illam,
 Gratulor ast ambas succubuisse tibi.
 An potius lachrymas miser, & suspiria fundam?
 Non oculi satis his, his neq; pulmo satis.
 An tuba virtutum fiam, vel buccina laudum?
 At virtus numeri nescia, lausq; modi est.
 Anne querar miseros te iam caruisse Britannos?
 Gaudeo felices te tam habuisse diu,

Nec vitam laudare, obitum aut lugere necesse est;
 Cum tibi sit laudi vita, obitusq; lucro.
 Ergo quid ut faciam superest? hoc dicere tantum,
 (Ipse bonus faxit, sint rata dicta, deus)
 Vive diu nobis in successore Iacobo,
 Vivis ut in Christo (diva) perenne tibi.

*Georgius Summaſterus Aule Late-ſor-
 tenſis Principaliſ.*

*Deſenſu ſphærarum ad ſereniſſimam Principem
 Divam Eliſabetam Ang. Fraſ. & Hib.
 Reginam ſurripiendam.*

SYdera nunc terris curſu propiore ſeruntur
 Quam prius, Aſtronomi ſi modo vera docent.
 Quid tamen impulerit doctos ita dicere, dudum
 Hæſimus, at nunc eſt res benè nota ſatis.
 Quum Cœli aſpicerent Reginam ſceptra tenentem,
 Virtutum tanto concomitante choro;
 Obſtupere omnes, ſimul admirantur Elizam,
 Et iuxtà admotis orbibus ire parant.
 Hanc rapiunt gaudente polo, cœloq; beata
 Sédit vbi cathedram Caſſiopéa tener.
 Dum tamen abripitur, nobis pax alma remanſit,
 Pace inijt regnum, pace obijtq; diem.
 O Cœli, terris nimis invidioſa, poteſtas!
 Quis putet, invidiam ſic tetigiſſe polum?

*Richardus Boughtonius è Coll. Magd.
 Sacra Theol. Baccal.*

PROH dolor, ut dubio volyunt ſua ſtamina ſulo,
 Propenſæ ad nixium triſtia penſa Deæ?
 Nulla dies aliquo ſine partu illuminat orbem:
 Occidit abiq; aliquo ſunere nulla dies.

Quæ Princeps dudum tot lustris præfuit Angliæ,
 Fæmina prælustris, mortua Eliza iacet.
 Mortua Eliza jacet; inoverunt cætera cunctæ,
 Quæscunq; aspiciat Phœbus vterq; , plagæ.
 Proh fata: an virtus vivax, an summa potestas,
 An potuit pietas alma subire rogos?
 Parcite divini vates, ignoscite sancti,
 Si iam virtutem nil nisi verba putem.
 Hoc cineres suadent, & Iusta iniusta piorum:
 Quæis dira accelerant fata clementia necem.
 Fallor ego: æternum vivet post funera virtus
 Nunquam funereis intumulanda rogis.
 Nam quæ terrenâ nuper fuit Anglica stirpe
 Angelico facta est Diva beata choro.

*Henricus Christia Art. Magist. d. Coll.
 Magd. Oxon.*

A Ngliæ mæsta genas, comptos lacerata capillos,
 Atrata luctus indice veste tui
 Defunctæ nomenq; fleas, ac numen Elizæ:
 Fac iusto decores funera cum gemitu.
 O virgo dilecta deo, dilecta Britannis,
 Fœminei sexus splendor, et orbis amor.
 Quis fando memorare queat virtutis honorem
 Immensumq; decus, quo tua fama nitet?
 Gallia prudentem celebrabit, Belgia mitem:
 Ista patrociniis sæpe levata tuo.
 Inviçtas animi vires victriciaq; arma
 Sensit Iber, gelidis cum trepidaret aquis,
 Gadibus auspicioq; tuo defixa tropea,
 Exæquant famam viribus Herculeis.
 O quam te memorent Angli? patriæve parentem?
 Virginis aut habitu numen inesse ferent?
 Blanda Venus faciem decorabat, pectora Pallas:
 Sedit & in labijs mellea Suada ruis.
 Virginis intactæ laudem dat casta Diana,
 Summa pudicitia iunctaq; forma fuit.

Dum rapiunt alias gentes incendia Martis,
 Vicinofq; omnes bella cruenta premunt,
 Te duce fida diu fovit concordia cives,
 Te duce pax & amor, regna Britannia beant,
 Quam pietatis amans? testes Mariana refixa
 Decreta excussum Pontificisq; iugum,
 Non stabulum Augiæ fœdatum sordibus æquæ,
 Ac fuit Italicis Anglia fœda stupris.
 Anglia, sed postquam tua sceptrâ capessit Eliza,
 Biblia sacra patent, Religioq; viget.
 Et meritò Italicæ spreto Meretricis amore,
 Idola è templis diruta fœda sacris.
 Chara Deo, populoq; Dei, sic vixit Eliza:
 Vixit, at æthereas iam tenet illa domos.
 Vita prior mortalis erat, mortalia sceptrâ;
 Vivit at æternum sceptrâ beata tenens.

*Richardus Crakanthorp Sacra Theol. Bacc.
 è Collegio Regina Socius.*

Mitte sales, gratosq; aliàs fuge, Musa, lepores:
 Non est conveniens luctibus ille color.
 Quin tristes elegos, & singultantia profer
 Carmina, luctifonos funde, re funde modos.
 Eheu (sed reprimo, quid enim nova gaudia vano
 Planctu inturbem? Rex novus ecce venit)
 Eheu (parce precor: premere alto corde dolorem
 Præstar, at Elizam plangere cogit amor)
 Eheu dulcis Eliza nimis, super omnia dulcis,
 Cui gens non habuit, non habet vlla parem;
 Quis tua (proh funesta nimis) dum funera spectat,
 Multifluo tristes non rigat imbre genas?
 Dum tibi vita fuit, ne successore Iacobo
 Mutasset fasces Anglia fausta tuos:
 Mortua cum iam sis, & successore Iacobo
 Pensentur duplici damna priora lucro;

Nescit adhuc cessare dolor, sua gaudia nescit
 Anglia, ob Elizam plena dolore suam.
 Sed quid, dum nostras denigrant tristia mentes,
 In solito rident tempora lata modo?
 Crediderim cœlos nostra hæc mala tanta misertos
 Solari aspectu nos voluisse bono.
 Aut potius, quod Eliza adsit, tanto hospite lætos
 Lætitiâ vultu significare suam.
 Quicquid id est, cœlo ridente Britannia mœret,
 Nec vultum cœlis assimilare potest.
 Non decet (ô populi nutrix longæva Britanni)
 Nos facile immemores non decet esse tibi.
 Nunc mihi fas memorare tuas, Virgo inclita, laudes,
 Cum blandituros præmia nulla manent,
 Prædico (vos Itali, vos hoc & credite Iberi,
 Omnia ni forsan credere vera piget)
 Prædico (sunt nobis Germania, Gallia testes)
 Huic similem gens nec vestra, nec vlla dedit.
 Quam merito dilecta suis, quam clara per orbem,
 Quam verè vero sit deamata Deo,
 Anglia persensit, præsentia sæcula norunt,
 Et (ni ingrata hæc sint nostra) futura scient.
 Fœmina sic rexit (licet haud aptissima sceptro
 Fœmina sit) summos ut superarit avos.
 Fœmina, Virgo, Senex, ita publica commoda rexit,
 Rectius ut nunquam fœmina, Virgo, senex.
 Nil ego dissimulo, si quid Respublica culpet
 Iniustus nimium sæpe gravata modis:
 Nullum excuso nefas, si Ecclesia læsa queratur
 Sacrilegâ toties attenuata manu:
 Excusent quorum intererit: Nihil istud Elizam
 Tangit: Nam totum hoc noluit illa nefas.
 Sat scio; ni nostras constanter amasset Athenas,
 Prædam hastecissent Aulica monstra suam.
 O, bene qui meritæ meritò succedis Elizæ,
 Et spes maiores, quam dedit illa, paris:
 Pelle hominum pestes, & publica scandala mundi:
 Sacrilegos, regnis pelle, Iacobe, tuis.

Sic superes ipsam, quam nemo æquavit, Elizam;
 Temporis & plus quàm vixerat illa, regas.

Io. Lee, Sacra Theolog. Baccal. Ioannensis.

FVnereâ populi crines umbrate Cupresso,
 Deposita lauro, pullus adesto color.
 Nunc litui rebdēt luctus, nunc plestra gemiscant,
 Barbita condoleant, tympana triste sonent.
 Docta; præ reliquis doleant habitacula cunctis
 Tam citò Patrona se caruisse suâ.
 Iam, iam Reginam (proh fata) Britannia luget,
 Luget pura Caput: Religioq; suum.
 Siccine crudeli mors crudelissima telo
 Hanc decuit tantam te rapuisse deam?
 Siccine Eliza tibi secuit cor cuspide fatum?
 Fila tibi Parcæ sic secure truces?
 Heu video veluti marcent cum gramine flores
 Sic tegere illustrem fœda sepulchra deam.
 Hoc decus est nostri, pompa hæc, hæc gloria mundi,
 Fiat ut in nihilum, quod fuit ante nihil,
 Formina marmoreo iacet hic claudenda sepulchro,
 Fœmina Nestoreos vivere digna dies.
 O mors dira nimis iaculum cur figis in illam?
 Tam citò non potuit commeruisse necem.
 Siccine lethiferas dicam tres parcere Parcas?
 Vix bene parca satis de tribus vna fuit.
 Vrtica infœlix passim succrescit in agris,
 Purpureas violas non habet omne solum.
 Quocunq; in populo reges quocunq; sub axe
 Reginalq; vides; hos dabit omne solum:
 Sed nec talis erit, nec tali rarior vsquam
 Exitit, aut patrij tanta columna soli.
 Debora, Alexander rari, rariq; Camilli
 Rara avis & Cæsar, rarior ista fuit.

Nic. Hys, Sac. Theol. Bacc. & Coll. Bal.

An-

Anglia sit tristis, nec non Hibernia tristis,
 Induat & pullas Curia tota togas,
 Deplorent Clerus lugens, Academia lugens,
 Principis amissæ funera mœsta suæ.
 Namq; pari ingenio cum nobilitatis honore
 Prædita mortalis scemina nulla fuit.
 In qua coniunctæ Pietas, Doctrinaq; certant,
 Cuius ei maior gloria crevit ope.
 Civibus illa suis mirandam fecit Elizam
 Hostibus & claram reddidit ista suis,
 Chara bonis, & Clara malis cum vixerit; ista
 Quis non orbatus Principe, tristis erit?
 Nite, quem Pietas, Doctrinaq; nobilis ornant,
 Dixerit Hæredem (*Rex Iacobe*) suum.
 Vive diu felix felicitis Principis Hæres:
 Anglo-Scotorum, Magne Monarcha, Ducum!

Regina in terris nuper, nunc Cælica Civis,
 Pro fragili, æterno gaudet Eliza throno.
 Anglica, dum vixit, Princeps: sed morte perempta
 Angelica est sancto Virgo recepta choro.

*Nicolaus Lymby Ioannensis, Sacra
 Theolog. Bacchalaureus.*

Infaus è templo sacrum baptisma petebat;
 Hæres è templo patris diadema recepit;
 Regina à templo Natales, atq; Coronas
 Audivit quatuor post quadraginta sonantes.
 Pro tribus his templo reddit, iam neutra, cadaver.
 Hic fleo, dum tēplum mens hic videt atq; cadaver.
 Gratia sit superis; castum, atq; senile cadaver:
 Sit dolor Angligenis, plusquam regale cadaver.
 Sceptra ligo sepelitis: cesserunt byssina saxis:
 Contractura situs hæc aures; sparsa per Anglos
 Plurima, in hoc omnis nunc clauditur Aula sepulchro;
 Hic fleo, dum video, (quanquā regale) Sepulchrū,
 Ex infante illā non natis gaudia nata:

Ex hærede illâ nobis, nostrisq; potiti;
 Ex reginâ illâ sua quiq; ad vota regebant;
 Ex languente illâ, res, gaudia languida nostra.
 Ex defunctâ illâ, mortem Anglia tota timebat.

Illi do! lachrymas, mihi quæ res gaudia quondam.
 Namq; ego ni dederò, lapis hic dabit; idq; sepultam
 Vt vituam visens, modo plebs feriata videbit.
 An quisquam accessit siccis ad funus ocellis?
 Certum est, nec pater hunc, nec matrem fleverit ille.
 Officium iussit virtutes dicere, laudes
 Reginæ supra laudem; verum illico mutus
 Non possum; historici non possunt: fama carebit
 Linguis; vnum aliquid, quæ debet, lingua loquatur
 Singula, & interea tot deficientibus ibo
 Inter laudantes lachrymans, lachrymabo magisq;
 Quod lachrymare magis non possum. Vixit Elizæ
 Nec tantum vixit, pia, felix, vixit, obivit;
 Nunc solum Cælum sic vivere cernit Elizam.

*Georgius Rainsfore in Sacra Theol. Bacch.
 Iohannensis Oxon.*

Natura mater peperit æternum nihil.
 Sic cecinit Orpheus Thraciam tangens chelyn.
 Verum hoc Eliza victa iam letho docet,
 Nil profuit pietas ei, virtus nihil.
 Nil docta Musarum cohors, proavi nihil.
 Nil profuerunt merita, quæis Anglos beat;
 Nil vel trophæa quæ hostibus victis tulit,
 Nil vota profunt supplicis turbæ pia.
 Hæc singula, hæc et iuncta valuerunt nihil.
 Perijt Eliza, perijt Anglorum decus:
 Nec tamen Eliza perijt omnis, pars modo
 Melior superat astra, & chorum angelicum tenet.
 Suis Eliza perijt, haud perijt sibi.
 Perijt licet mundo, attamen Vivit deo.

ENquam nil valeant Romani fulmina patris,
 Fulmina, quæis longum iam totum terruit orbem,
 Exemplo

Exemplo discant cuncti felix Eliza,
 Illa licet virgo, tamen ausa est spernere leges
 Romanas: & plena deo Papale removit
 Angligenum cervice iugum, quod ponere frustra
 Conati proavi, sexuq; armisq; valentes.
 Iuppiter at Latius, tantum quod foemina Princeps
 In sua regna ausit, frendens itomachatur, & ardet,
 Et ronat, et celsa iaculatur fulmen ab arce,
 Impius atq; caput factum Eliza devovet atris
 Diris: Sic impune Iovem contemnere nulli
 Romanum fas est: sic ille vlciscitur hostes.
 Interea Elisabetha viget felix, fruituq;
 Irato Iove, qua nemo felicior vnquam
 Inventus proavos inter, regesq; Britannos.
Elisabetha Eadem, manet imperterrita *semper*
 His sanctis studijs, *eadem* & successibus æquis.
 Ergo Iovem Italicum cuivis impunè licebit
 Odisse, & Papæ brutum modò spernere fulmen,
 Tantum quippe valent Romani fulmina patris
 Adversus summi decreta verenda Iehovæ:
 Quantum, cum vano nisu lapis evolat altus
 Adversus celsæ fortissima mœnia turris,
 Librantisq; caput repetito vulnerat ictu.
 Qualis Eliza fuit, qualis causa, exitus, ipse
 Resq; probat; quòd enim semper per tempora longa
 Vitæq; & regni, præsentis numinis illa
 Auxilium sensit, quod sit felicibus vsa
 In bello & pace auspicijs: nemo ista negabit
 Et iustæ causæ, diuini & signa favoris.
 Displicuit Papæ, placuit sed Eliza Iehovæ.

Thomas Phipps. Baccb. Theol. è
 Colleg. Magd. Oxon.

Carmen funebre.

P Ompa: Triumphales currus ductura Iacobi
 Tardes, oro, gradum, siste parumpèr equos:

Gaudia, quæso, brevi concedant longa dolori,
Parvam dent lachrymis, exiguamq; moram.

Henrici soboles, & filia sola superstes
Ostavi, sexus gloria magna sui,
Virgo pia, ut serpens prudens, ut pura Columba,
Maestas & Amor cuius in ore sedent,
Quæ cultrix, Vindex, Defensatrixque perennis
Veræ & sinceræ Religionis erat,
Quam doctrina suam, atq; suam Clementia dixit,
Iustitia atq; suam dixerat esse Deam,
Regnatricis Pacis, Victricis Bellique stupenda
(Notum hoc Hispano, Papa tibi; satis,)
Hoc tumulto *Elizabetha* iacet, quid? tanta ruina?
Inq; sepulchro vno? Tota iacere potest?
Fallor: in immensas ter felix spargitur Oras,
Et superas scandit Diva beata domos.
Huius non Asia est, non Africa nescia Famæ,
Europam taceo, testor at Antipodas.
Hic Musæ calamos, hic marmora, & æra fatigent,
Fœcundum hic carmen, perpetuumq; canant,
Pergite nunc Pompæ; perfolui Iusta sepultæ:
Rex salve, & longum dulcis Eliza, vale.

CVM Barbarosam, Papa submissum videt,
Pedibusq; prostratum suis:
Vsurpat audax Regium-extemplò melos,
Et sic triumphos occinit:
„Securus ibis Aspides nigras super;
„Et pignora super Tigris dum:
„Tutus Dracones calcibus petes tuus,
„Catulosq; Nemees impigros.
Misere triumphi, Papa: Calceo, Osculo,
Felicitas pendet tuo?
Paulisper audi, verba perpendas, rogo,
Ne, *Non Putaram*, diceres.
Regina virgo lustra iam tenuit novem
Imperia felix Anglica,
Cuius Dracones, et Leones Regij,

Tygres tuas & Aspidēs
 Domuere lēvas. Virgo sic Vitā exiit,
 Animāq; cœlo reddidit.
 At ecce, primis alter accessit Leo,
 Nec absq; comitatu venit
 Forti Ferarum. Pontifex in posterum,
 Væ Tigridi; væ atq; Aspidi.

*Prosopopœia, sive Elizabethæ, fato funila, Angli-
 genis Vita fruentibus.*

IL LA ego quæ quondam terrena carne morata,
 Non hominis solum, sed Virginis ora ferebam,
 Nectantū virgo, sed Regia Diva vocabar,
 Quæ Regina fui (nil amplius) **ELISABETHA**,
 Alloquor Angligenas; vos ô mea cura saluto.

Histitulis proavorum, Regnorumq; beatam
 Esse putatis me: verū vos fallitis ipsos.
 Quod Christus famulam non aspernatur Elizā;
 Quod Christo vixi, Christum quod morte resumpsit,
 Dicite felicem: nil cætera Stemmata Prostant:

Vos fundavi, protexi, tandemq; reliqui
 In summa pace, ac sincera Religione:
 Quem Regemquæ dedi, Deus & Natura dederunt:
 Hunc colite, inservite Deo, & estote Beati.

*Law. Humphredus Arcturæ, Magistr.
 à Coll. Magd.*

NON Deus æternus mortales dixit ineptæ
 Reges esse Deos; vox ea vera fuit.
 Mente revolve, precor, Reginam hanc Elisabetham;
 Mox illam verè confiteare Deam.
 En, super excelsum solum, sublime locatur:
 Sceptra tenens manibus, iura dabat populo.
 Illinc Iustitia, hinc solum Clementia cinxit;
 Et pariter vitæ iustulæ atq; necis.
 Pacem firmavit gladio bellumq; fugavit:
 Pectore tam docto, ut singula nosse putes.

Virgo pia & sapiens, Divino cuius in ore
 Mixta supercilio Gratia pulchra stetit.
 Quis negat esse Deam? dixit Deus ipse: quid vltra?
 Vidimus hoc ipsi; Cedimus esse Deam.
 At Deus æternus Dijs ilis Regibus inquit,
 Sors hominum Reges, Mors eademq; manet.
 Aspicite hunc Tumulum, hanc Terram, quid queritis vltra?
 Num lachrymas? ingens non finit vsq; dolor.
 Aspicite & Cœlos, vbi nunc felicior illa est,
 Quam fuit in Solio Regia Virgo suo.

Quid flere cessas? quidve siccantur genæ?
 Mœrere fas est, facilis hoc Princeps probat,
 Et suadet etiam, laudat & luctus pios:
 Haud mortuæ invidet Sorori gloriam,
 Et ipse summam voce sincerâ hanc dedit.

*Regina prudens pariter & felix sua
 Sic sceptrâ trahat, simile quod nemo vspiam
 Aut legit, aut audivit, Augusto tenia.*

Vox Rege dignè digna Regiæ data.

Richardus Loe, Art. Magist. è Coll. Magd.

Ponant lætitiæ modum
 Tantisper lachrymæ, veraq; gaudia,
 Quæ tu Rex tribuisti tuis,
 Veræ tristitiæ nunc habitum induant:
 Regiæq; Pix, modis
 Funus flebilibus, ceu comites, trahant.
 Quis siccis oculis, (siet
 Quamvis is silice, aut pumice durior,)
 Immensum recolat bonum,
 Quo, mortæ (*Elisabet*) exiit tua.
Jacobus licet omnia
 Compenset meritis, & superet, mala:
 Verus, non nisi lachrymis
 Expletur, lachrymis egeritur dolor.

S Chebanam, extremo traxit Salomonis ab Austro
Reginam, sapientia:

Regioꝝ nuper pellexit vt vndiq; reges

Arctōꝝ sapientia!

Nunc infelices, ipsum testabimur orbem,

Quam Magna occubuit Dea,

Nec nostrum, Oceanus totis circumflus esset

Deflendo lachrymis malum;

Par nisi *Prudenti solus Iacobus Elisa*

Arctōum regeret polum:

Ille etenim lachrymas nostras, maiore redemit

Dono letitiæ, pias.

Ergo felices, ipsum testabimur orbem,

Quam Magnus Deus ortus est.

Externâ Australes collustrat *lucæ* Iehova,

Internâ Boream beat.

O Generis spes vna Tui, quâ tota Parentis
Est collapsa Domus; Nam cum natura profudit:

In Te, quicquid erat coelesti Principe dignum,

Perfectum fabricavit opus; quodq; ipsa videret

Non Tibi posse parem veteri de stirpe creari,

Edere dedignata aliam est nimis invida prolem:

Ergo Tui tecum perijt spes summa Parentis.

Qui mortem celebrabo tuam dignissima Phœnix!

Aurea si mihi penna tuæ præstabitur alæ,

Exibit forsan Te non indigna camæna.

Pauper odoriferas plantas & cinnama ferre

Non possum, atq; rogam tibi consecrare perennem.

Rege opus hoc dignum est, & solo digna *Stuarto*

Materies; mortem Phœnicis carmine solus

Scit magno illustrare; mihi nimis arcta supellex.

Ergo mihi tua Rex doctas Panchaia ministret

Divitias, vt sic ingrata silentia rumpam,

Et saltem inscribam mutato idiomate vestrum

Phœnicis nostræ tumulo. Rex inclyte, carmen.

Hic tumulata iacet, cui per diuortia mortis,

Æternam vitam vivere Apollo dedit.

Edoꝝd, Iames ex Ade Christ. in Art. Mag.

Vestrum.

Vestrum grande nefas extat, fera turba Sororum,
 Quæ trahitis nigrâ tristia pensa colô.
 Quàm vos purpureum Reginæ stamen Elizæ,
 Dedecuit celeri præcipitasse rotâ?
 Sed nimis importuna fuit truculentia Mortis,
 Inijcit & Plebi Principibusq; manum.
 Heu quantam cladem, quantam est perpeffa ruinam
 Publica-Res obitu, Dulcis Eliza, tuo.
 Nam fuit & tua vita salus & vita tuorum;
 Funus & hoc vnum funera multa dedit,
 Relligio cultusq; Dei sine labe; (fugatis
 Pontificum nugis quisquilisq; procul.)
 Maiestatis apex, stirps Regia, Mascula virtus;
 Fœmineumq; decus, virgineusq; decor;
 Linguarum studium; & divinæ Pallados artes;
 Paxq; domi, victrix laurea parva foris,
 Hæc tecum nasci, Princeps dignissima Cœlo,
 Teq; videbantur iam pereunte, mori.
 Hoc quoq; credideram, nisi qui successerit hæres;
 Dotibus his multum suspiciendus eat.
 E Phœnice satus Phœnix; ex Principe Princeps;
 Deq; Leone Leo est; & Rosa nata Rosis,
 Surgit Eliza tuo de trunco germen, vt olim,
Lencothœ, ex tumulo ibura virga tuo.
 Sicut & in cœlis nunc Elisabetha triumphas,
 Sic victo in terris hoste Iacobus ovet.

Iob, Sanford Art. Magist. à Coll. Magd.

Quis potest luctus cohibere iustos
 Myrmidon durus, Dolopumve miles,
 Subditos inter tot ubiq; fidos
 Triste gementes?
 Musa quid cessas? lachrymis obortis
 Irriga vultus! dolor ecce cogit.
 Occidit nuper quoniam Britannum
 Splendor, Eliza;

Ille, quæ semper vigil excubabat
 Limen ad Christi, pia Virgo, Templi;
 Ne quis intraret lupo, aut dolo
 Pectore vulpes.

Qua sub, occulto velut arbor ævo,
 Sparfit immensos, pia turba, ramos;
 Alma pax nullis agitata nimbis
 Tuta quievit.

Copijs quicquid potuere iunctis
 Papa vel dæmon simul intonantes,
 Sensit; elisit; nihil obfuerunt,
 Numine fausto

Vidimus bello quoties Iberum,
 Vicimus bello toties Iberum.
 Viximus tanquàm gremio salutis,
 Tempore Elizæ.

Quis potest cunctos memorare casus,
 Passa quas virgo est? stetit inter omnes
 Turbines rerum, velut inter vndas
 Saxea rupes.

Rebus adversis patiens; secundis
 Alteram sortem metuens; amicis
 Fida; sed nullis inimica; cunctis
 Mite levamen.

Proditor quicquam fabricans in illam,
 Prodidit sese citò proditorem.
 Noluit servam Deus æquus vntam
 Fraude perire.

Nunc tamen, sicut rosa sole adusta
 Sensit occasum fragilis fenestæ,
 Fraudibus tantis licet impetita,
 Pace quievit.

Hæc vices vitæ / brevis hora summis
 Imma permutat: fuimus beati
 Principe insigni; iacet illa, restant
 Vndiq; planctus.

Sit amor possit retinere noster
 Vixerat semper (generosa Virgo)

Nunc amor mæstus lachrymis obortis.

Debita soluit.

Tristis ut clanculo chelidon oberrat,

Funere ut patris gemit orbus infans;

Stridula ut casto viduata plangit

Turture turtur.

Sic anhelanti sonitu gemiscens

Anglia occasum celebrans Eliza

Vergit in luctus, repetens ab imo

Pectore fletus:

Eius, at docti a Patribus sonabunt

Filij laudes, recolens nepotes.

Nomen; & feri celebrabit ævi

Sera propago,

Gulielmus Helme Exoniensis Coll.

Soc. in Art. Mag.

Ad Pollinctorem sue Funeris Procuratorem,

Inter tot vatum divina poemata, faxis
Inveniant aliquem carmina nostra locum.
Exequiale paro donum, quod pignus amoris.
Officij q̃ mei pensile carmen erit,

Carmina funebria

Elisabetha mea veniam concede querela,
Quæq; tuam mortē verba queruntur, habe.
Cur pede tam celeri properas ad funus Eliza?
Anne tibi populi displicuere tui?
Tuve minus (Regina) tuis dilecta Britannis?
Anne quod Angligenis Mors struat atra dolos?
Sic est, fecundam Mortis truculentia messem
Principis extantæ sperat habere nece.
Crediderat pendere Tuo de Funere Plebem,
Posse vnâ Tecum vivere, posse mori.
Et Capite abicisso sperabat cætera Membra

Cum

Cum capite (vñ mos est) interitura simul;
 Hoc furor incensæ Mortu sperabat, at errat:
 Namq; solet *Christus* mitior esse Suis,
 Nec voluit Terram Populis orbare Britannam;
 Nec voluit nimios multiplicare rogos:
 Attamē hoc vñum nimium est nimiumq; sepulchrū,
 Est & adhuc numero *Mors* struclenta suo:
 Hoc ictu *Mors* perijt *Clementia*, *Vers*
Fulcmen, Castæ *Virginitatis* Honos,
Christi serva humilis, *Maiestas* regia; summum;
 Et *Tuderiaci* *Nominis* omne decus,
Nympha Parens Patria, *Lux* *Anglis*, *Horror* *Iberis*,
 Atq; eadem *Orbis* *Amor*, quæ *Stupor* *Orbis*, erat;
 Quam natam *Aurora* voluit præcedere *Christus*,
 Et Noctis tenebras luce fugare graves.
 In cuius teneris annis scintillula quævis
 Virtutum, accenso claruit igne magis,
 Quæ potuit varios hominum internoscere mores;
 Et novit lustos seposuisse Malis.
 Nec tantum patrio exercet sermone loquelam,
 Huic etenim quævis, patria, lingua fuit.
 Quæcum perpetuo cupierunt foedere iungi
Polonus, *Galli*, *Scotia*, *Belga*, *Davi*,
Russiacus *Princeps*, & magni nominis *Afri*,
 Et quos non poterit multa referre dies.
 Tantum *Hispane* fremis, tantum *gens* *Itala* frendes,
 (Vtraq; gens proprij causa, comesq; mali)
Mors * *Italum*, & quavis peius nece *Dedecus* vrget;
 Et *Gaditanum* iam tremit omne latus.
 Ad *Draci* nomen *Novus* horret *Americus* *Orbis*,
 Qui fuit auspicio miles (*Eliſa*) tuo:
 Qui cursu æquavit *Phæbum*, *Phæbiq;* *soorem*,
 Et lopes victo victor ab hoste redit.
 Cui par *Candisus*, par *Frobiservus* honore est;
 Arcoum videt hic, alter vtrumq; Polum;
 Et qui succubuit tam forti pectore *Grenvile*,
 Et *Norrisiacæ* stirps generosa *Domus*,
 Nobile *Sydnei* sidus; Tuq; inclyte versu

*Itali appu-
 lerunt in
 Hiber An.
 Reg Eli.
 22. & suc-
 cubuerunt.

Effexi multum collachrymande meos
 Et (quorum fureret producta ad nomina *Livor*)
 Centum, quos rapuit *Mors* violenta, Duces.
 Non satis est (*Mors* dira) tuo quòd vulnere tanti
 Occubere *virt*, quin & *Elisa* cadat?
 Ferrea *Mors*, ferro *Mors* ferrea durior ipso,
 Quam mitem & mollem *fermina* nulla facit.
 Ferrea *Mors* utcunq; , tamen Regina beata est,
 Ipsa quæ invitâ *Mors* triumphat ovans;
 Quam *Deus* hæredem Regni celestis adoptat,
 Cui *Deus* in tanta pace sepulchra dedit.
 Sed nec virtutum numerosa caterva Tuarum
 Hos etiam (*Princeps*) Tecum adiere rogos;
 Olim fatidico quam de Te carmine dixi.
 Vox est vera, * *sub hoc marmore virgo iacet*.
 Alit idem Princeps Regni successor et Hæres,
 Virtutes etiam possidet ipse Tuas.
 Pareite versiculis *Mauss* felicitis *Elisa*.
 Vix benè dimidius carmina scribit homo,
 Quin Tecum (*Regina*) Mei Pars vna sepulta est,
 Altera Pars vivit (*Rex Isaac*) Tibi.
 At si quis rigido mea carmina vulneret vngue,
 Ne laceret caveat Nomen (*Elisa*) Tuum

*Orat: ad
 Proceres
 in parlîam:
 habita.
 An. regni
 Primo.

Ed. Lapworth, è Coll. Magdal. Art. Mag.

Reginam celebrare tuam satis Anglia nescis;
 Illa tibi magni numinis instar erat.
 Nascenti primum tribuit *Natura* decoris
 Quicquid habet, tribuit Gratia quicquid habet.
 Quicquid Musa docet, quicquid docuistis Athenæ,
 Mirificè a cunis imbibit illa suis.
 Hinc linguas, quas Orbis habet, prope calluit omnes;
 Linguarum atq; Orbis maius *Elisa* decus.
 His ornata bonis regni Diadema recepit,
 Rettulit ornatum sic Diadema suum.
 Fortunas laudare tuas, satis Anglia nescis;
 (Dico tuas, quales fecit *Elisa* tuas)
 Yrginitas, Pietas, virtus, Pax longa, fidelq;

Vera.

Vera, Dei cultus, religionis amor,
 Ornamenta tui sunt hæc insignia sceptri,
 Hisq; beas Anglos Elisabetha tuos.
 Hi tibi erant *Flaves*; isti tua sceptra *Leones*
 Effecere foris splendida, fausta domi.
 His munitam armis nec perfidus ensis Iberi,
 Lædere nec poterant fulmina dira Papæ,
 At quoniam non numen eras, sed numinis instar,
 Non instar mortis, mors tua vera fuit.
 Numen at hinc verum es, nec iam tu numinis instar,
 Ne c tibi mors posthæc vera, nec instar erit.
 Nam Cælo felix melius Diadema capessis,
 Et meliora solo regna Iacobus habet.

STamina divinæ fatalia rupit Elifæ
 Parca, per antiphrasin; tam malè parca fuit,
 Hinc vos regali geniti de sanguine, quando
 Ferrea nec vobis parcere fata queant;
 Tunc, cum fata vocant patientius ire sub umbras,
 Inde licet precibus non remeare licet.
 Fidite nec sceptris, nec opes numerate, nec annos;
 Istis quæ poterat vincere, victa cadit.
 Non tamen illa cadit quam numen ad astra vocavit;
 Extulit hinc animam Numen, Elifæ, tuam.
 At vos Angligenæ, quos illa beaverat omnes,
 Ferte rosas illi, quæ Rosa vestra fuit.
 Principis ad tumulum succrescat Apollinis arbor,
 Mixtaq; cum violis liliis, cumq; rosis.
 Virginis ad tumulum Nymphæ Parnassides vdas
 Effundant lachrymas, Pallas & ipsa gemat.
 Ad talem tumulum quicquid lugere Minerva
 Quicquid Nympha potest, vix satis esse potest

Gualterus Bennet Novi Coll. Socius, in Art. Mag.

QUod sine nauclero navis quassata procellis,
 Hoc ipsum est iusto spoliatum principe regnum.
 Non ergo immerito dempsit Anglia Elizam,
 Nec populus frustra lugubri incedit amictu,

Quum constet iusti causam superesse doloris,
 Nam si fortunæ bona lubrica flemus adempta,
 Si natos, charosq; decet lugere parentes,
 Debita naturæ cum solvunt; æquius ipsum
 Lugemus mortis subeuntem limina, Regem,
 Cuius vita salus populo, mors dira sepulchrum,
 Publica sunt proprijs graviora incommoda damnis,
 Ergò quum regni cecidit spes sola Britanni,
 Princeps post nullos vnquam memoranda monarchas
 Elisabeta, sui lampas clarissima regni
 Fœmina, quæ prudens, recti studio, diserta,
 Relligiosa, dei debellans fortiter hostes,
 Iustitiæ Antistes, veræ pietatis amica,
 Cuius & Hesperijs, & fulsit lumen Eois,
 Famaq; convexi penetravit sidera cœli.
 Huius mortalis Divæ cum funeris instat
 Atra dies, poscens feralia iusta rependi,
 Atria cum vestit pullus color omnia, nemo
 Livida præduris nec tundit pectora palmis,
 Omnia cum mæsto tabescunt lumina fletu,
 Cum sequitur guttam sua gutta, rigantq; potentum
 Præcipites lachrymarum imbres sic ora virorum
 Ut tumefacta suo videantur flumina planctu,
 Immemor accepti ne sola Academia perstet
 Præsidij, decoris, splendoris, honoris ab illâ,
 Adsis Melpomene turbâ comitata sororum,
 Et turbæ quascunq; velis præscribiro leges,
 Quò melius tragico proclames cuncta boatus,
 Cleio gesta canat, quondam florentis Elizæ,
 Et gestis verè transactis tempora reddat:
 Comica lascivam ponatq; Thalia pœsin,
 Nec risus moveat vanos, nec ludicra iister,
 Sed populosa novo sit plena Orchestra dolore;
 Blanda; dulciloquis calamos quæ flatibus vrges
 Euterpe, cantum lachrymis mutato profundis,
 Et tua funereos tristis det tibia cantus,
 Ordine quæq; suo famulentur, & ordine clament,
 Musarum columen cecidit, morientis Elizæ

Funere & est extincta choris spes maxima nostri.
 Nos ergo musæ dabimus pro munere Elizæ
 Supremo, lachrymas, gemitus, suspiria, planctus.

Sampson Newton Mag. Art. è Coll. Magd.

TAndem deseruit terras terra stupor, orbis
 Splendor, deliciaq; Anglorū, & gloria sexus
 Fœminæ, nutrix Musarum, virginum Elisa
 Flos, Europæos inter celeberrima Princeps,
 Ergò deformare genas si turpe viriles
 Plendo putet quicquam: parcat. Non ipse recuso
 Sic fieri turpis. Num in funere principis, Eheu,
 Et tantæ talisq; erit vllus siccus ocellus?
 Si vel imaginibus maiorum Regia sulta
 Prodesset quicquam, quicquam si stemmata avita:
 Quos ego prælustres poteram producere reges
 Illius & proavos atavosq;? At origine solâ
 Quæ laus sola sita est, laus hæc tibi nulla videtur,
 Nec tua, Elisa, vocas, nisi quæ tu feceris ipsa.
 Ergò vt luna notho atq; alieno lumine, terris
 Non tu splendebas: proprio at splendore refulges.
 Quod pax, te regnante, fides, pietasq;, decusq;
 Artes, religio sincera, Academia, tota
 Publica-res, Christi, ecclesia, deniq; cuncta
 Florebant: Tua sunt hæc omnia, sunt tua certè,
 Vixisti foelix, famâ, virtutibus, annis
 Vel fatura. Et (quod per paucis contingere cernas
 Principibustantis) post tot discrimina vitæ,
 Tot post insidias, sine cæde & sanguine, siccâ
 Morte perempta iacens, foelix es mortua, Longum
 Anglia te vivâ gaudebat principe tantâ
 Defunctâ gaudet cœlum nunc hospire tantâ.

*Gulielmus Langton, Art. Magist. è
 Coll. Magdal.*

Ivre quidem, raptam nobis lugemus Ellsam,
Iure damus lachrymas, & sine fine novas;
Solamen tamen est, sanctas ad sidera mentes
Ire: nec infernos posse subire lacus.
Vivit in æthereo, quam nos hic flemus, Olympo;
Gaudet & humanas deseruisse domos.

Quicquid in antiquis laudabile regibus extat,
Inclyta dum prisca temporis acta lego:
Illa Deus, supraque alios, tibi detulit vni,
O virgo summis anteferenda viris.
Qualis in Abramo pietas spectata fideli,
Qualis pacifici Melchisedechis honor,
Qualis captivum fortuna secuta Iosephum,
Qualis in absorpto sorq; salusq; Ionâ,
Quo zelo Elias, qua mansuetudine Moles,
Victoris Iosuz gloria quanta fuit,
Qualis & invicti fuerat patientia Iobi,
Quam fuit in Ionathæ foedere fidus amor:
Talis es: & tantam (Princeps dulcissima) cladem
Morte tua infelix Anglia nuper habet.
Immo habuit: Deus ecce malis solamina tantis
Spem supra, pæne & vota, repente dedit.

Georgius Johnson Magist. Art. à Coll. Novo.

Vos ô Pieriz Corona Syluz,
Dulces Filiolz Iovis sereni,
Doctæ Mnemosynes faceta proles,
Turba candida, & elegantiorum
Et solatiolum, & decus virorum:
Si quid vel studijs laboriosis,
Vel blandis precibus, vel arte possum
(Felici minus, & minus polirà.)
Totus vester, ad imperata stabo
Promptus omnia, quin & obligatus,

Hac tantum vice nunc benigniores
 Ad partes Dominæ venite nostras :
 Hac tantum vice sim molestus vñâ ;
 Nil posthac faciles Deas rogabo.
 Quod si respuitis preces, nec aures
 Tam rectæ datis obsecrationi,
 Parete imperio severioris:
 Adeste, Officio vacate vestro; (nus.
 Vestrum est, quod moneo petoq; mu-
 Quæ doctas studijs suis Camænas,
 Doctas auspicijs suis Camænas,
 Et vestram Imperio suo salutem,
 Et vestram facili favore vitam
 Protexit, coluit, beavit, auxit,
 Vestros provocat, evocatq; cantus:
 Quantum nobilis umbra provocare
 Potest, & cinis evocare quantum.
 O, quæ vos vetuit perire viva,
 Defunctam prohibete vos perire,
 Expectatis ut ista planiore
 Exponam, & referam palam, loquelâ?
 Sed nec vos poterit latere, Musæ,
 Nec meus patitur referre luctus.

Sed victus nimio dolore luctus
 Victus officio pio, sinebat
 Quamvis crudior inde sit, referre.
 Quæ per lustra ferè novena nostras
 Princeps maxima, nobilis, diserta,
 Prudens, Religiosa, docta, Terras
 Rexit imprio perauspicato,
 Iam fati imperio potentiori
 Cessit, nec potuit nimis furentem
 Mortis flectere nuntium rogando,
 Quæ per læpè alijs, vel imperando,
 Mortem depulerat ferocientem.
 Ergo mortua nunc iaces *Eliza*?
 Iaces mortua: sed meo virebis
 Semper pectore, & ore visitabis.

Isto si placeat frui sepulchro,
 Vel te perpetuam dabit sepulchrum,
 Vel tu perpetuum dabis sepulchrum:
 Illo nomine tu satis beata,
 Virovis ego sim nimis beatus.
 Verum quid tibi cum meo sepulchro?
 Non est mens mea digna, quæ sepulchrū
 Defunctæ tibi præbeat: nec herclè
 Spirantes deceant sepulchra Divas.
 Laudes te deceant magis canorè,
 Nec laudes ego iam tuas tacere,
 Nec possum satis eloqui canorè.
 Quicquid lumine lustro diligenti,
 Plenum laudibus, & Marone dignum
 Cerno, atq; ingenio beatiore.
 Si cunas animo petam tenellas,
 Alcidem video manu prementem
 Angues, & video favos Platonem
 Infanti simul ore gestitantem:
 Et fortis specimen virile mentis,
 Et oris specimen suavioris.
 Constantesne iuvat dies videre?
 Præstantes licet hic videre mores.
 Qui sexum decorare fœminilem
 Possint, qui superare fœminilem.
 Verum Grammatici truces cachinnos
 Tollent, quod nova, dura verba eudam,
 Sic sexum geminando *fœminilem*.
 Verum Grammatici filete, verbum hoc
 Donavit Bona civitate Princeps:
 Quæ, cum pellere Civitate posset
 Et vos, & reliquos scholarum alumnos,
 (Quod fecisse alios liquet Monarchas)
 Nobis otia, tuta, mollicella,
 Docta, libera, ditiora multo
 Quàm sæclo dederant priore Reges,
 Sponte tradidit, atq; certiora.
 Non vnum poterit creare verbum,

Quæ nostras recreavit vna sedes?
 Verùm frendite, si velitis, ipse
 Posthac *famineum* parùm Latinum,
 Latinumq; putabo *famine*.
 Sed privata iuvat parùm tueri,
 Quamvis maxima; Principis creatæ
 Gestæ, & publica persequamur Acta.
 Fœlix imperij auspicantis omen,
 Pax se candida præbet osculandam.
 Non Pax, quæ viridi venusta veste
 Serta spicea gestat, & Corollam
 Ex primis teneræ comis Olivæ?
 Salve candida Pax, beata Salve,
 Semper splendida, semper expetenda,
 Tumultus inimica turbulentis
 Tunc summis tamen expetenda votis,
 Cum Dux Relligio, Comes Decorum,
 Et Musæ numerantur insequentes.
 Talis, auspicijs (Elisa) vestris,
 In nostra regione constituta est.
 Nam tùm Relligio diù fugata,
 Ad sacras redijt beatâ Sedes,
 Castâ pace recepta gratiâq; ,
 Doctâ pace retenta gratiâq; ;
 Quamvis fulmine Pontifex profano,
 Hispanus tonitru superbus atro,
 Divinum violare vterq; Cultum,
 Et pacem voluit fugare nostram.
 Hoc factum auspicijs Elisa vestris.
 Verùm *peffimus ille*, Subditorum
 Mentis in Dominam suam excitavit,
 Inq; Vnctam Domini impitius Sacerdos:
 Tum Bullâ furiosus execrandâ,
 Iuris rumpere vinculum sacratî
 (Quod vult perpetuum Deus ratumq;)
 Conatus, minimùm valere cernens,
 Quod tanto scelere ille concitasset,
 Novas ingreditur vias, & hostem

Hispanum facit, incitatq; factum :
 Sed nec publica vis satis cruento
 Visa est proposito ; sed arma furtim
 Privata exacuit, struitq; tectas
 Reginæ insidias ; docendo Cœlum
 Nulla commodius viâ parari,
 Quàm si Principis optima stupendo
 Vitam sustulerit Britannus ausu.
 Credit Pontifici Paræus audax :
 (Audax&umpius, impudens Paræus)
 Cœlum flagitio petit nefando.
 Venit cum pugione, cum sclopeto,
 Quæis belli potuit Deum necare :
 Et solam aggreditur, sed illa sola
 Tecta præsidio Dei potentis,
 Nec tacta est pugione, nec sclopeto,
 Atq; hic Pontificem videtis ipsum
Errasse, & miserum magis Paræum :
 Si non veridicus fuisse vates,
 Cœlum pollicitus, Pater putetur :
 Quod cœlū, scelere hoc parum patrato,
 Præclaro obtinuit Paræus auso :
 Nam *Cælo regitur*, docente vate,
 Cui nec *urna* data est, nec est Sepulchrū.
 Sic cœlum teneant, precor, solumq;,
 Qui sunt Principibus minùs fideles.
 Verùm nostra diù diuq; vixit,
 Quamvis innumeris Eliza telis
 Occultisq; fuit petita technis :
 Nec vixit modò, sed beata vixit
 Hispanum, & reliquos Patris ministros
 Romani, & varios domi, triumphos
 Egite de rabido, sedens, Tyranno.
 Iam quid finitimis benigna tertis
 Suis auspicijs, suisq; bellis,
 Solâ Religione mota, sola
 Multis præstiterit, tacere nostrum est.
 Dicat Gallia, Belgumq; dicat :

Lusitania dicat, & Geneva,
 Dicat Scotia, Nam tacere Nostrum est.
 Tam sunt splendida, multa, multa valde
 Ut multò penitus tacere præstet
 Quam referre parùm: Hinc tacere nostrum est.
 Non quòd multa supèr canenda non sint,
 Sed nec Pagina plura comprehendit,
 Nec mens omnia comprehendit vna.
 Sed nec Musa capit pedestris illa,
 Quæ magnum capiunt fatis Maronem.
 Vos ò Pieriæ Corona Sylvæ
 Divam dicite, Nam tacere Nostrum est.

Jacobus Cooke in LL. Bacc. Novi Collegij Socius.

*Laus serenissima Regina Elisabetha ob constantem professionem &
 defensionem vera Christianæ fidei usq; ad extre-
 mum vita spiritum.*

NEmpe salutare ad multos affulserat annos
 Sidus diæ Angliæ Elisabetha suis:
 Dispuleratq; suis procul oris illius umbram
 Noctis, quam mundo turbida Roma tulit.
 Ut sol integro subiturus robore Cancrum
 Aestivo lucem cardine multiplicat,
 Ast ut in occasum Phœbus torquetur ab ortu,
 Nec potis est semper continuare diem:
 Utq; sub occasum quondam surgentibus austris
 Languenti Phœbo nubila se obijciunt:
 Sic a Tartareo tenebrarum principe claves
 Acceptas, falsò quas tibi (Petre) refert,
 Papa sibi assumens, inferni janitor orci:
 (Ipse tamen cælum claudere posse putat,
 Et certe claudit miseris, quos devius error
 Egit deceptos eius in obsequium:)
 Speravit rursus nobis offundere noctem,
 Nosq; iterum in tenebris volvere Cimmerijs.

Nam referatâ iterum portâ nigrantisabyssi
 Mistâ è lésuitis Sacrificiq; simul,
 Effudit confertim in nostras agmina terras:
 Vîsa locustarum est altera nata lues.
 Protinus hitetro veluti fumum ore vomentes,
 Conati obscuris cuncta replere strophis.
 Moxq; istis tantum sibi prævaluisse videri,
 Vt, quasi de spolijs, seditio orta fiet.
 At Regina gravi quamvis ætate satiscens,
 Mente tamen pura & religione vicens,
 Comprimit edicto vana ratione tumentes,
 Hosq; fugam procul hinc accelerare iubet.
 Neu leve sit verbum iamiam morientis Elisæ:
 (Nam spe huius mortis turba proterva fuit.)
 Christo animam tradens, sceptrû & moderamina regni
 Angligenûm, tradit magne Iacobe tibi.
 Nempe tibi, quo non mage clarum ostenderat alter
 Christicolûm studium Papicolûmq; odium.
 Felix illa animi, quæ excellens omnibus ipsa,
 Dum verum cultum numinis assereret:
 Hunc successorem voluit, qui excelleret ipsi,
 Dum verum cultum numinis assereret.

Thomas Lydyate Novi Coll. Soc. in Art. Mag.

FLere iubes, & flere vetas, mea Musa: quid inde?
 Euripos varios heu mea corda cient.
 Flere iubes Phœben, Phœbi me flere sororem:
 Aoniâ raptâ virgine, flere iubes.
 Flere vetas Phœbum, Phœbes me flere sodalem:
 Aonioq; dato Principe, flere vetas.
 Luna latet: Phœbus solando lumina præbet.
 Luna cadit: Titan lampade lustrat humum.
 Nympharum regina perit, vos plangite Nymphæ:
 Non regit in terris diva Diana, perit:
 Diva Diana perit? selegit Iuppiter illam.
 Credere vix possum: diva Diana perit,

Nomine mutato tantùm migravit in alcum:
Cœlica regna, prius Delia, Luna colit.

*Thomas Maurice Magist. Art. ex
Aula Glocest.*

NVnc miser in lachrymas totus resolutus abirem,
Si quos expolcunt fletus tua funera, Princeps
Elisabetha darem, cui Curia tota parentat.
Sed stupet ad lachrymas dolor ingens; parva loquaces
Cura capit voces, & debacchatur ineptè.
Obruit attonitum pectus mœroris acerbi
Congestus cumulus, quid enim? jacet vltima proles
Henrici octavi, verissima patris imago:
In qua nobilitas à summis ducta Monarchis
Angliadum evasit maiorq; & pulchrior, vltra
Fœmineum sexum; si virginitatis honorem
Tam cupidè exoptent alix, castissima Princeps
Hæc potuit monstrasse alijs exemplar honesti.
Adjice Cecropix dotales Palladis artes;
Magnanimum pectus; cui munificentia dextræ
Accessit; pacis studium; cultusq; potentis
Numinis, adverso nihil impediante Papismos
Religionis amor; pietatisq; entheus ardor;
Quo simul incaluit (fremeret licet impia turba)
Dagone eieceto pia Princeps intulit Arcam.
Tum rara se salvam, firmum regnumq; futurum,
Cum foret excisum caput exitiale furoris,
Nec falso augurio spes illam vana fefellit,
Pace capit sceptrum, tranquillaq; regna gubernat,
Tandemq; in placida pace obdormivit Elisa;
Nunc sublimis ovat, subiectaq; sydera calcat,
Dum nos hic gemimus lachrymarum in valle dolentes.

*Franciscus Everton Magist. Art. &
Coll. Magd. Oxon.*

Tardior insurgit post lætos *Adusa* triumphos
 Ad tristes Elegos, hinc illius ardor hebescit,
 Enthea vis animi torpet, sacriq; furores
 Vatis indulti me deseruere dolentem.
 Ne tamen illustrem Reginam nuper, *Elisam*
 Sic *Libutina* ferat totam, neu fictilis urna
 Angustet sacros cineres, samamq; sepultam
 Occulat, invitis modulabimur ista Camænis,

Testor *Eōs* populos sub ortu
 Solis aurati procul hinc iacentes;
 Testor & si quos Ireta *Tingitana*
 Fluctibus vrgent:
 Num quod Augustum magis aut tremendum
 Nomen, illorum penetravit oras,
 Fama quàm *Diva* sacra, quàm *Britanna*
 Nomen *Eliza*,
 Sive quis spectet sociale fœdus,
 Regna quo pacem coeunt in vnam,
 O quot ignota: petiere gentes
 Fœdus *Eliza*?
 Sive quis Martis spolia; & triumphos
 Hostibus victis numerare malit,
 His adhuc, *Princeps Britonum*, per orbem
 Claret *Eliza*,
 Adde, quas hausit sitienter, Artes;
 Adde Linguarum Logodædalzæam
 Fæminam, Genti *sua cuiq;* promptè
 Verba sonantem.
 Adde tranquillum sine strage regnum;
 Virginis castos sine labe mores;
 Et Dei cultum sine fæce purum,
 Perpetuumq;,
 Ergò perdatur manus impiorum
 Ausa tam sanctum terebrare pectus;
 Vosq; qui rerum bibulas novarum
 Panditis aures
 Nuncium infelix capite hoc, *Eliza*

Quòd diem nobis obijt supremum,
Sed Deo semper, super astra rapta,
Viva triumphat.

Robertus Barnes è Coll. Magd. Art. Mag.

*In obitum serenissimæ principis
Elisabethæ.*

Non opus est, Eliza tuas post funera laudes
Insculpi saxo, quod regit ossa, tuo.
Ostendat nudum lapidis lata area nomen,
Vt pateat, quo sint membra reposita loco,
In laudes fat erunt pietas, & regia gesta,
Cognitio, virtus, religionis amor,
Sancta fides, regni pax, & constantia mentis,
Virginitas, linguæ gloria, forma, decus.
Deniq; vita gravis, pia mora, in pace quieta:
Hæc satis ad laudes, Nobilis umbra, tuas.

Champ. Gittius Art. Magistr. Baluolensis.

Qui sic oculis tua busta videbit, *Elisa,*
De duro rigidum marmore pectus habet.
Nam tumulo iacet alma tuo pietasq; , fidesq; ,
Sincerusq; sacrae religionis amor.
Quæq; tuos populos, mitis clementia, fovit.
Quæq; erat in vultu gratia blanda tuo,
Et quæ, cum tristis Musas virgeret egestas,
Sustinuit tennes provida cura Scholas.
Ergo sui non falsum Academia pignus amoris
Offert supremo carmina mæsta rogo;
Quæq; tuos felix populos, te principe, fovit,
Sit successor pax geminata, rogar.

E

Qui

Q Vis nobis lachrymas Padus ministret?
 Quis fletus Thamesis dabit perennes?
 Heu terræ cecidit iubar Britannæ,
 Europæ decus, exteris stupenda
 Princeps gentibus, & suis dolenda.
 Cuius imperium, iugumq; suave
 Per tot lustra tulit beata Tellus,
 Salsa quam Thetis ambit, extimaq;
 Cingit Oceanus Britannus oras.
 Cui cælo toties potens ab alto
 Prospexit Deus, et minis tumentes
 Sacro numine dissipavit hostes.
 Nequicquam Latij dolos Tyranni,
 Aut arma expediunt leves Iberi:
 Sublimes animos *ELISA* fregit,
 Detexitq; Lupi dolos Latini.
 At sub Præsede, læta, tam beatâ,
 Diras Anglia fulminationes
 Sprevit, & pelago graves carinas
 Risit fluctibus obrutas marinis,
 Nec raptâ cecidere spes *ELISA*,
 Regina facili, piâ, benignâ,
 Cuius iustitiam sacrasq; dotes
 Magnus moribus exprimit *Iacobus*.

*Rodolphus Barlow Magist. Art. à Collegi.
 Corporis Christi Oxon.*

VT cœlum omne suo et terras Sol lumine cõpleti
 Regia sic nulli facta latere solent;
 Sed tamen & sacro lateri qui Principis hæsit,
 Præcipuâ testem convenit esse fide;
 Tali ex teste loquor, quem falsi nemo repretat:
 Cuius fixa meo pectore verba manent.
 Sæpe ubi libertas privataq; copia veri,
 Prodigis in laudes visus, Elisa, tuas:
 Verbaq; conceptualq; preces, & *semper eandem*,
 Iustitiam meminit, consiliumq; sagax.

Ardoremq; fidemq;, & supra singula sexum:
 Et plenum patriæ pectus amore pio.
 Nonnihil hoc certè est: gaudebit & vmbra sepultæ;
 Postera cum dicent secula fuisse bonam.

*Gilbertus Haworth Collegij Corporis
 Christi Socius. in Art. Mag.*

*In obitum serenissima Regina
 Elisabetha Epicedium.*

EN quasi saxificæ conspexerat ora Medusæ,
 Muta metu gens Angla stupet, Iovis ignibus icta.
 Terra tremit, tremulasque faces sub nubila condit
 Cynthia, nec Phœbus radiantia lumina spargit.
 Distillat lachrymas resolutis nubibus æther,
 Sidera, saxa, solum, testantur singula luctum,

Mæsta triumphales reticere Britannia cantus,
 Et fletus Hecubæ, Niobesque resumere planctus
 Cogi. ur infœlix; charâ spoliata parente
 Principe præstanti, intemeratâ virgine-matre,
 Palladio cuius residebant pectore musæ,
 Eius ad exequias pia iussa capessere natæ.

Cingunt multisonâ Parnassia templa cupresso,
 Cingunt ceruleis pallentia tempora vittis,
 Et laxis veniunt ad regia busta capillis:
 Hæc stupet, illa filet, lachrymis introrsus obortis,
 Aptæ loqui solum tragicos prius edita gestus
 Melpomene loquitur; resonatq; per æthera planctus.

O quam te memorem, vitæ pars maxima nostræ,
 Albionis Cynosura, caput, spes vnica, mœstæ
 Fabrica naturæ pretiosa, columna Minervæ,
 Pieridum columen, charitum laus, lumen, asylum.
 Anchora certa tuis, & portus, & aura salutis;
 Huius & alterius Phoenix mirabilis orbis.

O quam te celebrem, Princeps, Dea, Regia virgo,
 Quidue prius celebrē? tot in illo corde micabant
 Coelica dona, fides, pietas, sapientia, candor,
 Arres cum linguis, & quas novus ille vel iste
 Continet orbis opes. o dignum Pallade pectus;
 O Iove digna hæres; quot, qualia, quanta sciebas?

O patre digna tuo proles, quot, quanta gerebas?
 Ter tria lustra tuis *dominata es* pace Britannis,
 Ter tria lustra hostes superasti Marte feroces,
 Et totidem famæ & fortunæ culmine summo
 Stans invicta tuis Saturnia regna dedisti,
 Obstupeo recolens; quam ingentia dona tulisti.

Haud mora, Tu patriæ, fuit & tibi patria chara,
 Annulus illa tibi, tuque illi gemma resurgens.
 Pacem, nomē, opes, placidam, sublime, fluentes,
 Te vivā nacta est, & in his Tu mortua vivis.
 Quid moror? insignis virtus tibi inhospita nulla,
 Nullaque virtuti fuerat Te charior hospes.

Ergo quid inde loquar? mens victa dolore fatiscit,
 Perdidimus gemmas, virtutem, atq; omnia, dum te
 Perdidimus, tumulata tuo sunt dona sepulchro
 Aurea, (*Elisa* potens.) lachrymarum de fonte perennes.
 Currite perpetuo, lachrymarum flumina tantum,
 Testentur damnum, gemitu feriamus olympum.

Deslere sisas funera principum,
 Deslere totās, optima principum,
 Quam dum vita superstitem fovebar,
 Musæ omnes, Charitesque nutriebant.

Heu quale sydus perdidit Anglia?
 Orbata quanta Ecclesia Principe est?

Talem nulla dabit dies parentem
 Qualem hæc abripuit dies Britannis.
 Ergo querelis prosequimur pijs
 Sortem invidentem principibus bonis.
 Sed cessent lachrymarum, vices bearas
 Florentesque dedit Deus Britannis.

Spes perit haud exspectamen est gens Angli; Iacobus
Spes iubet esse ratas, quia vivit *Elisa* Iacobo.

Se dignam heredem statuit Deus almus *Elisam*,
Se dignum heredem sicutuebat *Elisa* Iacobum:

Hic regit Angligenas, folio stabilitus avitor:

Illa beata regit, cœlo pro sede potita.

Mortua *Elisa* semel, sed bis reditiva, triumphos

Et cœlo et terra ducis vtrinque tuos.

Vt cœlis sis viva, dedit tibi gratia Christi:

Vt terris, virtus, non moriari, facit.

Nomen *Elisa* fuit, sed nomine numen in illo est,

Mente imitata Deos, cum Divis numen *Elisa* est.

Sors tua dextra dei est: *Eliz* fertur *Elisa*

In superum rapidis capitolia sancta Quadrigis.

Quid tot in orbe Deæ numerantur? *Elisa* sepulta est:

Nulla igitur toto est orbe relicta Dea.

Occubuisse Deam scelus est dixisse; quid ergo?

Dicere, se, fas est occubuisse Deam.

Ergo? *Elisa* perit? potius petit æthera; tantam

Sedibus in superis convenit esse Deam.

Τετραστιχον Τάφικον

Ἐστ' θεῶ δῶρον Τυδῶνα, θεοὶ καὶ βροτῶν ἀντὶ τοῦ,

Εἰς μεγάροισι θεῶν συμβασιλεύουσα θεῶν

Σῶμα γὰρ ἔσθ' ἰσχυρὸν πᾶσι τοῖς θανάτοις βίλεμενον.

Σῶμα Τάφος, ἰσχυρὸν θεῶν Ὀλυμπος ἔχει.

Chronogr. Ang. ad Reginam: A. D. 1603.

Mea Decessit terris Regina.

AH, mea decessit terris regina; quid obstat

Quò minus optatam carpat ad astra viam?

Aurea terra tui gemmæque nitore cornescans,

Sum marmor, gemma non radiante, stupens.

Cynthia nostra solum velut alma Aſtrea reliquit,
 Heu ſtatus Angliadum quam lachrymabilis ?
 Sol novus in noſtrâ ſpargit nova lumina ſphærâ :
 Euge vices Britonum ſunt ſtabiles ſatis.
 Sintq; diu precor; vt tam regna beata ſequantur
 Quàm dea Eliza dedit, vel magè proſpera.

Rich. Carpenter. Coll. Exon. Socini.

Virtus, Maieſtas, Mulierum gloria, Regum
 Invidia, & Chronicon laudis Eliza iacet;
 Funus ad illius lachrymas & vota parento,
 In laudem cuius carmina vita dabit.
 Nam, cum centurias dederim, reſtare videbo
 Centurias: tantæ laudis Eliza fuit.
 Quattuor historijs noſtris numerantur Eliſæ
 Symbola, quæ *Phoenix, annulus, æg, globus*,
 Poſtremum vero *ſciotaricon*: Aurea *Phoenix*
 Cum titulo, *Sine ſpe poſſe redire novam*,
 Prævidit mortem, mortalem agnovit Eliſa;
 Inq; iſtam cuncti cogimur ire fidem.
Annulus alter erat: *Solidum volo (verba) perenne*;
 Idq; tuæ ſortis Sacra Sybilla, tenes.
 Tertius inde *Globus*, cui triplex ſtella nitebat;
 Stellaq;, ſtelliferum, nunc tenet illa globum.
Me trahis Altum Honor: vox illi vera canebat,
 Quàm nitet in cœlis, altior vllus honor?
 Poſtremum ſteterat, numerans *ſciotaricon* horas,
 Voce, *Summus*: verè ſcribat Eliſa, *Summus*.
 Ante fuiſti, Erimus. Tu impermutabilis, illud
 Abſq; horologijs ingeminato *Summus*.

Tho. Adams in LL. Bacc. Iohanneſſis.

Nec abſq; merito: Nam quis immanis Cyclops,
 Potiusne dicas, quis ſilex durus genas

Lacrymis

Lacrymis rigare nolit in tantis malis?
 Regionis Anglæ splendor, Europæ decus,
 Mundiq; Phoenix cecidit in cineres; èheu
 Periphrasis ista, metuo, ne Elisabeth sonet.
 Ah dura fata, quam bonis raro bona!
 Nil nisi bonorum cumulus Elisabeth fuit,
 Pia, iusta, prudens, mitis, & cives amans,
 Interq; reliquas, casta, virtutes erat.
 Nec tamen Elizæ flammæ immittis dea
 Clotho pepercit: Tanta sub gremio fremit
 Invidia Clotho? nimis, & incassum fremit.
 Adhuc Eliza vivit, & vivet diu;
 Id fama curat scilicet, Clotho fremit.

Martinus Okin Sacra Theol. Bacc. Iohannensis.

Sicciné sacrilego Mors foedet vt omnia taetum
 Vtq; regat scepro Regia sceptrâ suorum
 Vt longâ serie Regum generosa Propago,
 Vt Virgo, vt Princeps, vt Dea Elisa cadat?
 Certa salus populi, Cor, Vorum, Viro, Britannis;
 Certa Ruina, Dolor, Carnificina Papæ:
 Egregiè dilecta Deo, sanctissima rerum,
 Deliciâq; hominum, cœlituumq; decus;
 Fama peregrinis cuius percrebuit oris;
 Indigenis cuius quàm pretiosa salus,
 Floruit imperio; Sed Mors famosa Tyranna
 Imperium imperio subiicit omne suo,
 Claruit eloquio: sed Suadæ nescia flecti
 Viribus, eloquium Mors reticere iubet.
 Legibus imperium stabilivit: sed (velut exlex)
 Omnia Mors nullâ lege perindè rapit,
 Religiosa fuit: sed Mors quæ cuncta prophanat,
 Ignorat, quis sit Religionis honos,
 Annorum benè plena fuit: sed negligit annos
 Mors fera, canitiem nec reverentèr habet.

Musarum Ara fuit : sed non ita candida Musis
 Mors, largo illarum nunc rigat imbre genas.
 In medijs vixit semper-secura periclis:
 Sed Mors securum vix finit esse Iovem:
 Hostes non raro vicit: sed vincere Mortem
 Non potuit; Mortis vincit vbiq; manus,
 Pacis Alumna fuit: Sed respuit impia pacem
 Mors, cum Pacificis esset bella gerens,
 Et nunc æternâ fruituris pace Britannis
 Linqueret vt Pacem Regia virgo suam,
 Non semel Hæredem testata est voce Iacobum,
 Iam iamq; Aethereas introitura domos.
 Solus is est, cuius meruit succedere virtus:
 Cuius & in nostro peñtore ludit amor.

Ioannes Raulinſon Ioannensis. Art. Mag.

Sic est: nec prodest luctus; decessit Eliza,
 Decessit, populi cura, dolorq; sui.
 In lachrymas se solvat Isis, tristeq; querelas:
 Fluctibus exhaustis, luctibus illa fluat.
 Mittat & ad Thamesim cognatam, flebile carmen:
 Quo plorent Nympham littora mœsta, suam.
 Musarum perijt Dea; sed successit Apollo:
 Quis posset Musam, credere, posse mori?
 Nec tamen Hæc perijt, tantum disparuit Illa:
 Manibus atq; pijs annumeranda manet.
 Non secus occiduss, cum sol pervenit ad oras,
 Lustrat adhuc radijs, infera regna novis.
 Nam pietas Mentem sanctis admiscuit vmbri:
 Elyſium felix intrat Eliza nemus,
 Æterno, stellas inter, Mens fulgeat Astro;
 Principis, & caleat thure favilla pio.
 Castaq; quod castis inservit Musa sepulchris,
 Regia dignentur carmine busta tegi.
 Non quod laus egeat nostro, tua, carmine; laudes
 Musâ, Nobilitas ipsa, tacente canet,

Mascu.

Mascula vis ; victrixq; manus; mens arte referta;
 Foemineum regimen; virgineumq; decus,
 Religiosa Deo; Bona sanctis; omnibus Equas;
 Casta sibi; regno Provida; Chara suis.
 Vidi ego, cum superas ascenderet Illa per auras;
 Conspersum fertis, omne rubebat iter.
 Tantaq; debetur castis reverentia; dignum
 Tanto, illibatum corpus, honore fuit.
 Nec sterilis, quamvis virgo; virtutibus aucta,
 E spica Virgo, splendida ferta gerit.
 In breve tam subito convertitur Aula sepulchrum;
 Aetheris at mentem, largior Aula tenet.
 Sic fuit; Henricus vicibus tot floruit olim;
 Hæc quot Regalis vox, elementa capit.
 Sed totidem periit; Duo sunt quos lugeat omnis
 Aetas; Elizæ est hic Pater, alter Avus.
 Sic erit; at serò veniat; duplicesq; Iacobus
 Ut regni fines, sic habeatq; dies.
 Exigerent (Princeps) vitam mea vota perennem;
 Sed rata vota magis, quæ moderata magis.

Richardus Andros Art. Mag. Iohannensis.

Anglia quis tanto poterit modus esse dolori?
 Cambria, quis lachrymis terminus esse tuis?
 Anglia defunctæ videas cum funus Elizæ,
 Cambria Tuderæ tristia fata tux.
 Vtraq; gens & habet, nomen quod ploret utrumq;
 Nomine tam felix omen utroq; fuit.
 Quinque quid hic tragicos in nomine cernimus actus
 Vtroq; ? atq; actum littera quæq; notat?
 Actum est foeminei sexus, decus omne peribit
 Hac vnâ vestrum virgine: quid superest?
 Actum est magnanimi ciues, nam gentis honores
 Hac vnâ pereunt principe. Quid superest?
 Actum est o sancti, lux religionis in vno
 Tollitur extincto lumine. Quid superest?

Eliza Tyder

G

Actum

Actum est ô procures, aufertur funditus omnis
 Nobilitas vno hoc stemmate; quid superest?
 Actum est ô Musæ, vestrarum præmia laudum
 Vno tolluntur tempore; quid superest?
 Vtraq; tam tragicos dant nomina partibus actus,
 Quæq; actum est partem pars putat esse suam.
 Actum est, quisq; sonat, pereō miser, ilicet actum est,
 Anglia tota simul te pereunte perit.
 Hæc Anglis Cambrisq; tragædia vera fuisset,
 Quam mors, & toti flebilis ista choro?
 Ni deus Angligenis vitam post funus Elisæ
 Misisset, tubitam post grave vulnus opem,
 Atq; Tuderæo natum de sanguine regem
 Cambris: quem genti misit vtriq; pium.
 Is superest Anglis, superest Cambrisq; superfit,
 Ne videant, actum est, saluus vtrisque diu,

Princede virginitas magnum est, in virgine magnum.
 Nobilitas, magnum est nobilitate decus.
 Nobilis es, virgo, Princeps, ter splendida: verum
 Omnibus his maius, relligiosa fides.
 Omnia nempè tibi, vel te mors abstulit hisce
 Omnibus: at tecum post tua fata fides.

Vuens Britannis omnia quæ dedit,
 Vnum Britannis hæc moriens dedit:
 Vnus, Britannis quem moriens dedit,
 Semper datis sed par erat omnibus.

Regia sceptræ tibi dedit hæc Richmundia, Tuder,
 Abstulit atq; eadem quæ dedit, illa tibi.
 Sceptræ tibi; tuisq; dedit Richmundia, Tuder;
 Sceptræ tibi, sed non abstulit illa tuis.

Elisabetha tuis perijt, Venus alma, calendis;
 Cur? quòd virgo meos spreverat illa iocos.
 Elisabetha tuo cecidit Mars mensæ: rogas cur?
 Quòd Regina meos spreverat illa iocos.

Quòd virgo Venerem, Martem regina quòd odit,
Iuppiter hinc proprio das tua' regna die.

SINiobe in' saxum, quòd mater, versa dolore est,
VVallia q uid nī iam saxea tota fiet!

Nos canimus laudes, cumq; his nos laudibus Orbi,
Totus habet laudes Orbis Elīsa tuas.

Socratis immotos mirata est Græcia vultus,
Anglia tam constans pectus Elīsa tuum.
Ingenium, immotos miretur & Anglia mores,
Ast ego non miror, *semper eras eadem*,
Si tu semper eras eadem, mirabile non est,
Quo d fieres vivens et moriens eadem.

*Thomas Gwynne Coll. omnium anim.
Soc. in Art. Magistr.*

O Mihi lapideū pectus, & cerebri lutum,
Oculiq; lapides, in quibus abundè dolor
Concepta, cogitata, nec lachrymas movet,
Fortasse reges flere non didici; magis
Idcirco flerem. Rarior, maior dolor.
Regina (memorem Te lubens, sed sic memor
Fuisse te, non esse, suspirem lubens.)
Regina, regum filia, & virgo, & senex;
Parum ista? Patre maximo maior, soror
Sorore melior, fratre ter senior, Pater
Cum rex, soror Regina, rex frater forent.
Parum ista? cunctis non in historijs parum.
Ostendite parem, & *tu* ostendat parens.
Regina tandem tanta, cui nomen sonat
FÆMINA DOMUS Dei, è domo egressa est dei
Illuc reversa est. Vastitas quænam loco
Eius relicta? Ne foret, grandis timor
Hinc inde fuerat, sed Domo prisca Dei

Hebraicè,

Aqui:

Ezech. 4.

Aquilone positus Ille Theſaurus fuit,
 Qui vaſtitati remedia inſolita daret.
 Domus illa verò qualis? In petrâ ſtetit.
 Tu Pſeudo-Petre dimoue, hoc ſolo Petrus
 Nomine, magiſtrū quod negas. Verum effodis,
 Et in hanc * retorques de petrâ lapides ſuâ,
 Sed frangis illos. nec tripartitâ manu
 Succutis; Eliſa ſteterat illæſa, & magis
 Anglos. Dum læſa læta, fortior nempe extitit.

* Fugitivos
 elicit, ſul-
 pendendos
 remittit
 Anglos.

Ibi mortuæ
 feretrum
 collocatū.

At curialis hæc Britannorum Dawu,

*Hæc * CANDIDA AULA* curia Anglorum optima,

Sublapſa nunc eſt, mixtaq; ruderibus. Sed hinc

Regina, lapſum prævidens, aliò redit;

ANIMA & in aulam *DIUITIS MONTIS* fugit;

Sed quo impotentes non queant medicam ſequi;

Strumofa turba quis tibi Princeps operæ

Feret? quis aurum collo amuletum dabit?

Transfuſa niſi ſint in Iacobzæ manum;

Ac * donum Eliſæ redeat in * Pyrrhi pede.

Tranare miſerum eſt, Gallie ad regem, mare;

Paupercularum turba mulierum, tibi

Suâ * quotannis nummulos, veſtes, manu

Dabat, induebat. Numquid hæc alibi ſolent

Reginæ? at illa ſedulo. Micas tamen

Propono laudum illius, at micas modò

Proponit ille qui fatigavit ſuam

Laudando linguam. Quicquid effundi poteſt,

Vnguſ Leoni eſt, Caſtitas, Pietas, Amor

In ſubditos, Relligio, Maietas, Decor

Corporis, & animi, Cognitio, Linguz Ennium

Supra, Triumphus, mira ab inſidijs foris

Domi incolumitas, ſæculo noſtro ſatis

Cognita, nec ipſo (vt terra) clauduntur mari,

Legatus omnis ſtupuit, abſentes ſtupent

Reges ab Anglâ ſæminâ vinci, ſtupent

Hoſtes; & ipſi qui familiarem nimis

Memoriam habemus principis tantæ, magis

Mirabimur eam poſtmodum. In præſentia nihil

* Plutar.
 * Medendi
 huic mor-
 bo (vulgo
 the
 Queenes,
 evill) ſolis
 Angliæ &
 Galliæ re-
 gib. datum.
 * In feſto
 Palmar.

Nisi lachrymarum soluite exequias. Vetat
 Lachrymas nec hæres, qui pius, quisquis negat
 Lachrymas Elisæ, proditor Elisæ fuit.
 Vel proditores (Credo) defunctæ dabunt.
 Seruos beatæ Virginis sese vocant
 Hi proditores; nomini si quid favent,
 Deipara non est, sed Dei nutrix fuit
 Elisa virgo; summa ei quæ Laus fuit.

O Quam te memorem Virgo!

Sed quisquis oculustedium in chartis putas,
 Manibus Elisæ, non tuis manibus dedi.

Ioannes Sansbury Ioannensis in Art. Mag.

Mirabar linguas siluisse, arescere pennas,
 Cæcatos oculos, & corda oppressa dolore.
 At ratio in promptu est: horum solamen Elisa
 Succubuit fatis: cuius libavimus olim
 Linguis, penna, oculis, & corde, lubenter ad aras:
 In cuius sacrâ diuini pectoris aulâ
 Virtutum almarum perfectio tota resêdit.
 Nec cadit in quenquam vulgari dicere versu
 Tantarum rerum pondus: Cælum stupet ipsum;
 Miraturq; Deam quod Tellus parturit istam.
 Hæc plusquam bona, fit Bonitas: sine sordibus Aurum:
 Fœmina, sed * Constans; humana in imagine, Numen:
 Et (quo nil poterit dici præstantius) *Illa*
 Illa fuit Britonum Princeps prælustis Elisæ.

* Semper
 eadem.

*Abel, Tresfry è Coll. omnium anim.
 in Art. Magist.*

Quis fontem eloquij Mercurius dabit,
 Ut dignis celebrem funera laudibus?
 Cui non est lachrymarum Oceanus fatis,
 Vt iustus decorem funera luctibus.

Princeps heu cecidit gloria principum,
 Per quam ius, pietas, religio stetit:
 Sexus heu periit semine decus,
 In qua forma, pudor, gratia claruit.
 Princeps magnificis splendida dotibus:
 Heröina pijs prædita moribus.

Nulla potentior,
 Nulla politior,
 Nulla peritior,
 Extitit vspiam.

Cum primum solio, quod dederat deus,
 Confirmata suo regna capesseret,
 Antiquam fidei Catholicæ suam
 Lucem restituit. Quod luteum modò
 Regnum compererat, marmoreū facit:
 Et pacis stabili federe perpetim
 Duraturo (*vinam!*) perbeat imperans
 Astræ similis iura dedit suis:
 Decevitq; bonis, præmia, at impijs
 Pœnas, vt melius protegeret bonos.

Laurea Apollinis
 Germina protulit:
 Gloria Palladis
 Inclyta floruit.

Quæ Musas coluit, Musa mori vetat:
 Ergo Pieridum filioli sacri,
 Quam vivam obsequijs excoluistis, huic
 Defunctæ exequias solvite debitas;
 Humanum meritis ingenium illius
 Impar est, fateor, par tamen est amor.
 Dum per lustra novem magnificâ manu
 Princeps hæc tenuit sceptrâ Britânica,
 Mars, Bellona, furor, fax, gladius, fames
 His nostri imperij finibus exulant.

Pax Borealibus
 Floruit Insulis:
 Non tuba bellica
 Terruit Incolas.

Cum forent terræ madidæ cruore,
Cumq; Papales tenebræ valerent:
Cœlitus missa est populi ad salutem
Elisabetha.

Cæde sedata, tenebris fugatis,
Pace firmata, nebulis repulsis,
Transit ad cœlos, superasq; sedes
Scandit Olympi.

Quem cruentatum populum recepit,
Hunc triumphantem populum reliquit:
Heu quis amissâ satis ingemiscat
Principe tanta?

Grata plûs nunquam, neq; gratiosa
Exitit mater, pia sive princeps:
Subditos an plus amet, aut ametur,
Ambigo, ab illis.

Quâ tegit Pontus, retegitiq; lucem;
Fama vis, virtus, colitur, timetur,
Fulget: & toto celebratur orbe
Nomen Elisæ.

Fœminam, solam, invalidam præesse
Gentibus tot, tam bene, tot per annos:
Sera vix credet soboles: stupebit,
Si modò credat.

Ar̃s fuit quævis bene nota; nulla
Lingua eam fugit: satis vsq; fecit
Ore Legatis proprio (ô stupendum!)
Omnibus vna.

Numinis cultrix fuit, ara iuris,
Fons boni, vitæ speculum, arx piorum:
Non sonant isthæc muliebre pectus:
O dea certe.

Si tuus sæclo hoc (Stagirita) felix,
Seu Solon posthac (tuus) extet: illa
Bis beata: hoc mors pia, vita sancta
Indicat illud.]

Vita mors visa est, quia mortis umbra est:
Grata mors, vt quæ via vera vitæ est:

Cœlitus nam mens oriunda spirat

Nil nisi cœlos.

Vinculis & iam, quibus alligata est,

(Corporis pertæsa iugum) soluta

Evolat cœlum super Empyreum

Candida virgo.

Palladis, vos vos monumenta, alumni,

Digna reginâ *struitote* tantâ :

Vos & ô cives celebrate pompas

Exequiales.

Plebs dolet demptam patriæ parentem:

Literarum vos, columnen decusq; :

Ecce par luctus datur ansa virisq; ,

Sed gradus impar.

Annuas laudes celebremus omnes,

Posteri vt famam recolant: nec vnquam

Deleat nomen Libitina sacrum

Elisabethæ.

Robertus Vilvain Artium Magist. à Coll. Exon.

MENS dudum ebria tristibus querelis,

Tellus foemineo obvoluta plâctu,

Si solatiolum exhibere possint;

Vel squalentibus imperare læta:

Læti funera prosequemur Angli,

Augustissima Elisa, ocelle secli.

Sed luctum geminant acerbiorem,

Eheu vlcera ! lancinantq; mentem :

Præceps in lachrymas liquefcit orbis;

Pontus terra, polus gemunt querelis;

Mœsti funera prosequemur Angli,

Augustissima Elisa, ocelle secli.

Lugent Naiades exulasse nympham,

Terrarum decus, & maris potentem:

Quæ reges, procures, deos deasq; ,

(Huius quid memorem, & prioris ævi

Musarum eximios licet patronos?
 Zelo sanctior eminentiori,
 Maiestate gravi, beatorq;
 Miris dotibus anteivit omnes.
 Quin te, flumineus velut canoro
 Cantu luges odor, sequamur Angli,
 Augustissima Elisa ocelle secli.

Ad Papistas in omnium gemitu letantes.

Παππολάτραι τίν' ἔτι καὶ ἑλπίς ἐν χεῖράσδε
 Μοῖρα; πῶμα κακοῖς χροσποῖ Παππολάτραις.
 Ἦτε βίω Πατρίων πολυμήχανον, ἦτε τελευτῇ
 Πάλλεσθε Παππολάτραι ὡς ἀπόλοιτο αἰεὶ.
 Καὶ εἰ θεὸς, κῦδός τε Ἀγγλων, ἐξ ὁδοῦ γυναικῶν,
 Οὐ δάνες, ὁλοκρίνη ἱερὰ λήγοντα θεῶν.
 Μίμνη ἐν ὀψιγύροις ἀρετῶν ἱερὰ κυδνα δῶρα,
 Καὶ εἴ ποτε ἐν μακρῶν αἰδιδόντο δόμων.
 Ἐμπεῖρα, ὃ σὺ λαλῶν, μὴ δύνῃσι ἀπὸ τοῦ ἑλπίσιν
 Τάλλα μακρὰ, μένιν καλλιπὴ πῶμα τέρων.

*Thomas Peacocke Artium Magister à Coll.
 Aeneas.*

ECce Dionzi processit Caesaris astrum:
 Optima grandiloqui Musa Maronis ait,
 Verius ac nuper sidus processit Elise,
 Quæ magè Cæsareo fidere clara micat.
 Nec contenta loco, quem cingunt proxima Libra
 Et Leo, quâ sedes panditur Erigones,
 Vltimus tendens, dum sphæras transmeat omnes,
 Emicat, & summo iungitur ipsa Deo.
 Nempe diu vivens defendit dogmata Christi
 Angligenas pura religione beans.
 Felix iustitiâ, felix & amore piorum,
 Et felix moritur, vixit vt ante, Deo.

H

Vt

VT *Semper* maneat *eadem* speramus *Elisa*,
 Quamvis exuvias corporis vna tegat.
 Regnasti quondam, nunc regnas addita cœlo,
 Sic non deterior fors tua facta tibi est.

Samuel Baylye Art. Mag. Nov. Coll. Soc.

CErnitis, ut nuper ruperunt stamen *Elisæ*
 Sortitæ nimum regna superba *Deæ*,
 Quam subito exueret niveas *Respublica* vestes?
 Quamq; suas flerent tecta, domusq; vices?
 Cætera dum morient, quid ages *Academia*? nunquid
 Nulla tibi tanti causa doloris adest?
 Si potes, aude aliquid vel tantæ principe dignum,
 Vel saltè exunctam te doluisse refer.
 Hac sine *Pieridum* pauper chorus inclutus esset;
 Et deserta foret, turba diserta licèt.

NEC vivit, neq; mortua est *Elisa*,
 Occumbat licèt: (hæc notet *sophista*,
 Quod contraria convenire possint)
 Vivit; nec pieras mori, decusvè
 Doctrinæ sinit, aut amica virtus.
 Verum nunc moritur: piam ac beatam
 Sed mortem moriens, quiescit umbra
 Iam felix *Domini* in sinu supremi.

*Antonius Barker Artium Magister
 Novi Collegij Socius.*

ERgò triumphales redimita, *Thalia*, corollas,
 Quamvis lugubri voce rogata, venis?
 Distulit, (heu) tristis lætos *libicina* triumphos,
 Non levis invasit causâ ab utrâq; dolor.
 Ferali laurus non-tempestiva *Cupresso*,
 Et, si fas, toto cedat ab ore nitor.
 Fingere ad exemplar lugentis, *Musa*, *Iacobi*;
 Ad lætus ultro, ad regna rogatus, adest,

Aspi.

Aspicias ut mæsto deducit funera vultu,
 Vixq; pium ut capiat mens generosa malum.
 Fata retexantur; regno decedet avito,
 Tam claræ hæredem principis esse piget.
 Quod dolet, huic demptum nostro adde, Thalia, doloris
 Nos illud potius turba feramus onus.
 Nil hūc suscepti contristet gaudia sceptri;
 Hoc, cui lugetur, Principis vmbra rogar.

Anima Elisabethæ ad Iacobum.

Mors mihi mundus erat, mihi mors erat altera corpus,
 Nunc mihi mors mortes exuit vna duas.
 Tu gratare meo (Pietas iam cognita) fato,
 Quaq; ego præcessi, nitere ad astra viâ.

Hæsit, (si verum,) tibi sacro in gutture morbus;
 At gula nulla fuit luxuriola minus.
 Frigida torpebat sub inerti lingua palato;
 At non vlla fuit noxia lingua minus.
 Debueras si parte mori quâ noxia, parte
 Nullâ debueras, Elisabethæ, mori.

CLarior Eois solito quodd Phœbus ab Indis
 Emicet, & nitidi spacium dimensus Olympi,
 Prospera venturæ pingat prælagia lucis;
 Parcius Hippotades quodd miserit Æolus Austros,
 Nec riget Aprilis maiori aspergine terras,
 Quàm satis indigenis campos redimire corollis,
 Causa, dies superis festus; cui numina cultus
 Cuncta suos, divelq; suos natura ministrat.
 Tranquillam sūperi mortem gratantur Elisæ,
 Et quodd inoffensæ decurso tramite vitæ
 Per regni illecibras, per tot discrimina rerum,
 Spiritus ad superas evalerit integer oras.
 Scilicet hoc melius, proprio intabescere fato,
 Quàm venis Romæ missum excepisse venenum
 Aut improvissum stridere in pectore ferrum.
 Sin neq; mortales, Diva, a verberis honores,

Nec modico cre vetes vitę præconia stringi,
 Quam tibi debebas, quæ ab avis tibi gloria fulsit,
 (Adspira) experiar properato exponere versu.
 Splendida quàm Generis series ab origine primâ
 Surgit? maiorum qualis pertextitur ordo?
 Ille triumphatis referebat lilia Gallis
 Et titulos ferro flammâq; probabat avitos,
 Gallis, qui primâ soliti consistere pugna
 Mox fusi cedunt, inhonestaq; terga Britannis
 Vertunt, sed pugnam imprimis dum instauret Achilles.
 Ille bonos iaculis Hybernos Marte coacer,
 Nec nemora eripiunt victos, putresve paludes,
 Quæ temerè infusus hiscente voragine condunt,
 Arma laboranti pulchrum submittere Christo,
 Pulchrum armis Sanctâ Mahometen pellere terrâ;
 His quoq; Maiores, his Anglia nobilis armis.
 At postquàm regnum proles numerosa paternum,
 Sed magis ambiguum regnandi immensa cupido
 Fecerat, heu quantis exhausti cladibus Angli?
 Luxuriant raræ civili sanguine messes,
 Ossaq; cætorum quovis violantur aratro.
 Nemonè tam diras potis es componere lites?
 Discordesq; rosas medio miscere colore?
 Tu, Divine Henrice, potes; tu iungis in vnum
 Armatas in bella manus; tu more Camille
 Diverso, patriæ votis revocatus, ab orbe
 Exuis imperio, castris, vitâq; tyrannum.
 Hinc pater, Elisabetha, tuus molimina regni
 Suscipit, ille togâ proavis æquandus & armis,
 Religione prior; Romanæ iussa Cathedræ,
 Semivirosq; patres, rubei fastusq; galèri
 Excutiens Anglis; Anglos servire Tyranno
 Servus Servorum? Belli Anglos fulmina, Bullæ
 Fulmina curare imbelli contorta lacerto?
 Huius bella crepant, baculo quos prona senectus
 Inclinat; gaudent hausti meminisse laboris,
 Et ducis auspicijs gaudent, & parte decoris.
 Non populo, aut templis, aut Musis gratior ulla est,

Quam si qua Henrici decantet nenia nomen.

Ergò genus quantum in leros conferre nepotes

Et proavi possunt, nascenti affulsit Eliza.

Et quantum in proavos possunt conferre nepotes

Marte suo partâ virtute rependit Elisa.

Ægea quàm Theseus, quàm factis Pelea Achilles,

Quamq; Tyrum Carthago infelix æmula Romæ,

(Quæ, si vera loquar, clari, indignatio, manes?)

Tantum Virgo viros, genitorem Filia, vincit.

Anima Elisabetha pinnata ipsa de se & repub.

atq; ecclesia bene gestu.

Sceptrum non gladius, non dolus, aut ambitio impotens,

Sed Filiz *Ius* & *Dona*, patrium, dabant.


Tum fidus datur, & pius senatus.

Tēplis prisca redit religio; quies

Musis, & populo stetit

Sceptra tenente

Elisa.



Te, Ibere,

Improbe Ibere,

Ventis, te tumido mari,

Et iustum scopulis ludibrium dedi.

A te vindico Flandriam tyranno:

Ferrum, venenum, vis, dolus, *Bulla*, irrita.

En, *BVLLÆ* fatuo fulmine nil læsa polo fruor.

Gratulatur sibi super Calibatu.

ÆNEE nunquam fratri convicia dixi,

Num deérant pharetræ tela Cupido tuæ?

Aut sunt lecta tuis contraria spicula votis?

(Scilicet & cæcus diceris esse puer.)

Aut nullâ, aut quali quondam Penëia Nymphæ,

Cum Phœbum fugeret, cuspidē læsa fui.

Hinc mihi vita minùs multis exercita curis,

Et colo nunc superas gratior vmbra domos.

Hinc mihi adoptivus iustâ pro prole Iacobus,
Virgineam hinc animam *Urgine Naisu* habet.

GAudent Cœlicolæ severiores
Quod nunc deniq; tu polo recepta es,
Exemplar probitatis & Sabinis,
Exemplar sapientiæ & Minervæ.
Bacchus, si pudor est, minus capaces
Siccabit calices, vidente Elisa.
Non pugnas ferus Hercules ciebit,
Nec Mars, si pudor est, vidente Elisa.
Non Taurum induet ille Rex Deorum,
Non Leda induet albicantem olorem,
Nullo zelotypæ torum sororis
Posthac pellice fabulâve lædet.
Mores intulit, intulit pudorem,
Et cœlum intulit ipsi Elisa cœlo.
Torquet lis animum; expedi sophista;
Isto me recipi velimné cœlo,
(Nam illo, quod fuit ante, non placebat)
Aut hic vivere rege sub Iacobo?

Nondum Cumææ numerâras virginis annos
Et tamen (heu) propero funere Elisa iaces.
Nondum longævi numerâras Nestoris annos,
Et tamen (heu) animæ corpus inane iaces.
Redde fidē Lachesis, redde artes, redde Camenas,
Impleat ut iustos vita reversa dies.
Quam propè adhuc vacuus currebar stamine fusus?
Quamq; colus niveo vellere plenus erat?
Cum tamen abrupto properanti pollice filo,
Scanderet æthereas nobilis umbra domos,
En pietas; fuit inde ætas contractior; annos,
Quos populo dederat, demperat ante suis,

Regina moribunda *Malis* afflictaur Elisa;
Tolle Charisma potens, hoc, age, tolle malum.
Solum struma *Malum* hoc? non quo Regina peribit?

Aut sua victa *Malo* terga *charisma* dedit?
 Non dedit; vñq; potens *Genile Charisma* vigebat;
 Sed fuit hæc tibi mors *Elisabetha Bonum*.

Robertus Pincke Nov. Coll. Soc. Mag. Art.

O mundi decus, Angliæ columna,
 Princeps Elisabetha, Diva princeps,
 Vivis (nil dubito) beata Sancta,
 Vivis cum superis, repleta cunctis
 Veris delicijs, bonisq; veris:
 Donavit (fateor) Deus benignus
 Immensam tibi gloriæ coronam,
 Et (quod principium est) dedit seipsum.
 Concedo omnia; Sed quid hæc ad Anglos?
 O mundi decus, Angliæ columna,
 Princeps Elisabetha, diua princeps,
 Olim, non tibi vixeras, sed Anglis.
 Quando nos regeres potente sceptro,
 Felix Anglia, tum fuit Senatus
 Felix, Nobilitas, supremus, imus,
 Felix Pastor, ovis; Thalia felix,
 (Testor præmia comparata Musis
 Et semper nova collocata) felix
 Bellis miles in omnibus triumphans,
 Felix ruricolæ agens iuencos,
 Et qui nave redit bonis onustâ,
 Felix omne genus tuorum, & ætas;
 O mundi decus, Angliæ columna
 Princeps Elisabetha, diva princeps.
 Olim non tibi vixeras, sed Anglis.

Non hæc commemoro tamen, quasi nō
 Anglis denuò viveres: & Anglis
 Vivis iam, Elisabetha, vivis Anglis,
 Sed (quod nos dolet) haud, vt ante, vivis,
 Hoc semper dolet, & dolebit Anglos.
 O mundi decus, Angliæ columna,

Princeps Elisabetha, diva princeps
Olim, non tibi vixeras, sed Anglus.

Vultus meos nolite tangere. Psal. 105.

N*E tangas* (Deus ipse dixit) *vultus*
Meos: audiat ista, si velit, Mors,
Attende (Impia mors) Deum loquentem,
Tu tangis tamen, & Dei *angus vultum?*
Ne dicam gravius, scelus patrâsti.

H. Jordan Soc. Nov. Coll. in LL. Bat.

SOL Mundi Borealis erat, dum vixit, Elisa,
Aureus elapsi Temporis omnis apex.
Sed quæ tanta sui, tam fulgida pars fuit orbis,
Iam, contenta suo munere, stella micat.
Stella micat, trahit & spatiofo limite crinem
Famiferum, cui dat Iulia flamma locum.
Nescia fama premi nunquam descendat Elisz,
Sole Iacobo nunc oriente licet;
Nunquam descendat pariter cum Sole Iacobo;
Tantum Solis (& est hic tamen artis opus)
Offuscata cadat nimio splendore Iacobi;
Occidat, hinc tantum fiet, vt Heliacè.
Tempore non villo, Mundi non occidat oræ:
Occidat, hinc tantum fiet, vt Heliacè.

M*Use, donne salut Guillaume de Saluste,*
Et vous luy en prie, de donner beau lustre
A ton dore François pour le los dernière
De la Reine des Anglois, en fame première,
La grand' Elizabetb, princesse docte, sage.
Il ne fault seulement en Romaine langage
Prendre ton los royal, & tres-auguste fame,
Oclair' Elizabetb, qui estant vne femme
Pouvois bien sur le champ haranguer en Latin,

*Grec, François, Hespagnol, Judeique, & Florentin.
 Et elle trespassee ? le trespas pleust a Dieu
 Que la eust trespassee commandement de Dieu,
 Elle est trespassee, laissant tousiours noz yeux,
 Et est fait clair esprit, heureux bongeois de ciens.*

Cæca superstitio quem protulerat Labyrinthum,
 Et prius erroris qui Labyrinthus erat,
 Ex illo ducente tuæ fulgore coronæ,
 (Certè etenim duxit fulgor, Elisa, tuæ)
 Cur Ariadnæ concederet illa coronæ?
 Fulgida cur inter non habet astra locum?
 Ast habet, atq; etiam propius confedit ad Arctos,
 Fixaq; sub Rubro clara Leone nitet.

Κρητὸς* φιλοσόφῳ τελευταῖοντος, ἀράνδρ
 Δέμας τε γραμματίων, ὃν παρὰ τέρμα, πλόν*
 ὧς βασιλεῖ τίθηται Ἐλισάβετ ἱδρὺς Ἀγγλων,
 Σὺ μ' ἐπίστω αὐτῆς, ὃν φέρει σῶμα, ζεύει.
 Γράμματα εἰ ἐπιδείκνυσ' ἑλλογιμώτατον οἶον
 Οἶον, ἐπὶ δὲ λόγων Ἀγγλικά ἐστιν ἔπος;

* Epimeni-
dis.

SI, quando coluere Iovem, vixisset Elisa;
 Inter furta Iovis nonne relata foret?
 Namq; dies, miseranda dies, Iovis abstulit illam,
 Prædaq; digna fuit plus satis illa Iove.

ELisa, cedri æternitatem præferens,
 Regina virgo, regiarum virginum,
 Regum, imperantium, perennis gloria;
 Prior tuum quæ posteris tradet decus,
 Pallas, Salus, Relligio, Pax, Victoria?
 Mandare, diffundere, volunt omnes simul.

Relligio ait, veram mihi lucem dedit
 Elisa, perpolivit, auxit, protulit.
 Lacer fuit, misellus amictus mihi
 Dat tunicam Elisa splendidam, dat divitē.

Templis honos servatus, Illâ præside,
Fuit vetustis: instituta sanctius
In me remansit semper, ac est mortua:
Meo reconditur sacello mortua.

Conciliat, inquit Salus, honorem plurimū
Nobis Elisa, sed magis nostro Deo;
Quòd, indies ei qui erant structi, dolos
Miris tot annos salva vitaret modis:
Et quòd Britannis certa constaret salus,
Quamdiu erat hæc Elisa Regina Angliæ:
Meo reconditur sacello mortua.

Minerva, Docta, inquit, fuit; prudens fuit:
Mihi, palastris semper indulgit meis:
Meis benignè, quaq; prævidit mihi,
Annos potita scepra vix octodecim,
* Anno 18. Testem citare possumus * legem datam,
Eliz. cap. 6. Meo reconditur sacello mortua.

Longum est referre Pacis & Victoriæ,
Illius olivas laudum, & huius laureas;
Epilogus utriusq; sic infert, scio:
Meo reconditur sacello mortua.

Edm. Evans Sec. Nov. Coll. in Art. Mag.

In obitum serenissima Regina Elizabethæ.

Q Vi vel Mausoli tumulum, molemve Colossi
Defunctis struit, aut vivos in marmore vultus
Ducit, spirantes vel cudit in ære figuras,
Quàm vanum meditatatur opus, quod duret in horam!
Talia tempus edax ludibria temporis aufert.
Sed, Regina, tibi gens Angla, perenne sepulchrum
Apparat, & vivum morienti ponit honorem,
Quem nec dura manus poterit, nec temporis ira,

Nec

Nec furor hostilis, nec tollere cana vetustas;
 Condit enim grato Te pectore, condit in ore
 Anglia, voce manes, ac altâ mente reposita.
 Sic memores tumulamus, & haud tumulamus Elizâ;
 Ducimus huic funus, tamen est hæc funetis experta,
 Et fatum fato vincit. *id est* vixit ergo
 Pectoribus scribemus, & ore sonabimus illud

*Qua Charites tulit ore, tulit qua pectore Musæ,
 Hæc memores Musæ, Charitesq; ad sidera tollunt.
 Pectore sed vivet, ducetur & ore Britannum,
 Dum Musæ, Charites, dum pectus, & ora manebunt.*

Hoc virtus, pietas, Saturnia secula, mores,
 Religio, candor meruit sincerus Elizæ,
 Tendit ad Elysiûm cæli cælestis Elizæ,
 Angelus angelico in cœtu, cum virgine virgo
 Eminent Astrix: nec iustior altera terris
 Extitit, aut æqui servantior altera cælis.
 Quicquid honoris erat terris heu terra recepit:
 Sic sensus abiit pij, sic conscientia recti
 Vita, fides, abiit sic mens, sic zelus Elizæ.
 Hæc quia chara Deo deus excipit. Instar Olympi
 Emicuit terris, & Elizæ locatur Olympo;
 Sic quæ mater erat, iam Diva vocabitur Anglûm;
 Pulchrior est m. hi visa dies, & clarior aula
 Fit Iovis, ut primum fulgentibus additur astris
 Sidus Elizæ novum. Lumen modò purius orbe
 Cernitur, & vivos modò sentit terra calores:
 Hinc *Ver* mittit opes, *Vernis* exornet Elizæ
 Floribus & tumulum; floretq; rigabimus Angli
 Effusus lachrymis, decorent ut semper Elizam.

Tbo. Banghe in Art. Mag. ex Aede Christi

Elisa è feretra.

MVTamur: Quid enim? Manus immortalis honorem;
 Quæ dedit & sceptrum, rapuit paulo ante sorori,

Ante illam fratri, patri, proavisq;, vicissim
 Fratri traduntur, longumq; fruatur in ævum.
 Sic confluxistis vivam (latiq;) videntes,
 Sic confluxistis postremò. Nolo dolentes.
 Sentio per feretrum de Successore triumphos
 Quis negat esse meum quod sic succedat honorè?
 Supremam nostram spectatis funere pompam,
 Ite aliò (quò mens ante iverit.) atq; salutem
 (Quem mihi secretò servabant vota) Iacobo
 Dicite de feretro, populus mihi charus, Elisæ.
 Dum vestræ fidei, regisq; ego nuntia Cœlis.

Georg. Plagens Bacc. LL. Ioannensis.

A Ccepit, tenuit, regnum sine cœde reliquit.
 E tenebris lucem religiosa dedit.
 Magna Minerva fuit: pœnas Hispanus apertas.
 Sæpè dedit; pœnas perfida sæpè manus.
 Italica Hispanis coniunxit, Græca Latinis.
 Gallica perlegit, Virgo Britannia fuit.
 Virgo fuit, cui præica parem non protulit ætas,
 Postera non ætas exhibitura parem.
 Corpus terra tenet, mentem non terra sed astra.
 Astra petit virtus, viscera servat humus.

Io. Abbotts Ari. Mag. Balisensis.

Terra quid ostentas varios mentita colores?
 Aut quid luxurias palmitum, vere novor
 Exue purpureum cultum, deponè nitorem,
 Et vultum omniferum rustica Flora tuum.
 Digna Rosa imperio (flos præstans,) nobilis herba
 Occidit, atq; horti gloria sola tui.

Ni foret, exortus novus alter Flos benedictus.
 Perdidderam omne meum terra miscella decus.

Quid

Q Vid mihi narratis mundi miracula septem?
Dici iure potest vnicus *Ille* stupor.

Feminei generis virtus est omnis, & omnes
Has habuit iunctas vnica virgo simul.

Adquendam :: :: ::

Vah tu qui geminos habens ocellos,
Inter tristitiamq; gaudiumq;,
Ex vno lachrymas fuisse obortas,
Risus ex alio crepas ocello:
At si centum oculi mihi darentur,
Dein centū alteri, & vsq; & vsq; centū,
Hos omnes simul vnus occuparet
Pioratus, cineres rigans *Eliza*,
Optaremq; oculos habere plures.
Cyclopis si oculus daretur ingens,
Dein maiorq; de in profundiorq;,
Dein maior, foret ille fons perennis,
Effundens lachrymas scaturientes:
Ter sacros cineres rigans *Eliza*.

Tbo. Wiat Art. Mag. Coll. Oriel, S

NEc tibi marmoreum tumulum, nec saxea busta
Ponimus, hæc onerant corpus, & ille tegit.
Et tua quæ totum compleuit gloria mundum,
Nec fuit apta premi, nec fuit apta tegi:
Scandit ad æthereas sedes, nec marmore claudi,
Nec saxo poterat gloria tanta premi.
Ergo levis tumulus leuior sit versus, & iste
Nec tua celabit facta, nec ossa premet.

*Cusbertus Ridley in Art. Magister ex
Ædo Christi.*

DEbora vincebat Sisaren, Iuditha Holophernen:
 Hos regina duos vixit Elisa simul.
 Hispanum Sisaren, sævum Romæq; Holophernen,
 Dum procul à regno monstra tremenda fugat.

Quòd Regina, dolor: dolor est, quòd virgo peribat:
 Quòd pia virgo, dolor: quòdque parens patriæ.
 Cum virgo, regina, pia hæc, patriæque parens sit,
 Proh, dolor est superans tristitiam & lachrymas.

Digna cothurnato Rege es (Regina) poetâ,
 Ut laudes æquet, scribat & ipse tuas:
 Ast hoc quis poterit? Nemo est iam David, at vnus
 Qui bonus est idem Rexque poeta, potest.
 Rexque Poeta, cui solij successor, & hæres
 Virtutum, laudes scribat (Elisa) tuas.
 Psalmographus David Saulem defleuit ademptum,
 Rex pius impurum; Te pius ille piam,

Richardus Etkins Art. Mag. ex Ede Christi.

ECce iacet nostrum spectabile sidus Eliza,
 Fama tamen terris non peritura manet:
 Quam pia religio, quam plebs, quam Musa gemiscit,
 Nam tria præsidio texerat ista suo.

Si, nisi quæ titulis concessa est gloria priscis,
 Nulla futura tua est, nulla futura tua est.
 At, quia, quæ semper clavis fuit addita factis
 Gloria tota tua est, Gloria tanta tua est
 Ut, quam nec tumulus, Lethæa nec obruat vnda;
 Quid superat structos laus tua tota rogos.

A. Adams Magister Artium ex Ede Christi.

Ergo nihil non luna videt mortale? nec ortum
 Quicquid habet non occasum timet? *Æacus vnam*
Immensis quatit vsq; vmbris: nec parcitur illis,
Parcere qui reliquis nutu vel perdere norunt?

At nos, fatorum leges, adamantina iura,
 Parcarumq; colos, semperq; volubile pensum
 In nostram tenuisse nihil sibi iuris Elizam
 Credidimus (nam quæ cupimus, citò credimus, atq;
 Plausibili satis est tenuis facundia causæ)
 Credidimus; sed vana fides, sed somnia, sed spem
 Expectata seges vanis elusit avenis,

Eheu! quid voluit Lachesis sibi! quidue Sororum
 Dira intemperies! in nostram perdita mellem
 Fatalem immisit falcem, crudelis! in vnâ
 Ah quantam segetem Virtutum occavit Elisâ!
 Quaram si spicas numero, si carmine longo
 Vel minimas cuperem libare modestus aristas,
 Promptius expediam quot Elisâ è funere natas
 Et meritò natas, cœli bonitate Iacobus
 Adveniens, lacrymas Britonum deterfit ocellis:
 Quas si quis vellet numeris æquare, necesse est
 Iple sibi totidem linguas, totidem ora necesse est
 Optaret, linguâ quot Elisâ movebat in vnâ:
 Novit enim quicquid mellis dedit Attica, quicquid
 Facundi salis Illius dedit æmula Roma, aut
 Simia Romanæ petulans Hetruria linguæ,
 Et quæ scemineis blanditur Gallica labris;
 Nec Germana suas quamvis subdura, suasq;
 Invida quantumvis invidit Ibera loquelas.
 Hæc quota Virtutum pars, hæc quota portio laudum,
 Orbis in angustâ quas admiratus Elisâ est:
 Cætera in angustæ renuunt præconia chartæ
 Fimibus arctari, non admittentia fines;
 Nec capiunt numeri numerum excedentia nostri.

Posthuma apud seros cum narret fama nepotes,

Posteritas metuet veris accredere dictis,
Atq; fide vix digna fidem superantia dicet.

Carolus Fitz-geofridus Ars. Mag. Latipontensis.

Siccine cœlestes, gens invidiosa, Cohortes
Exercent livore viros? prò Iuppiter / vna
Quùm sit Diva Solo, sed millia mille Dearum
Agmina stellifero semper fulgentia Cœlo,
Cur tamen abripuit Cynoluram, szvâ, Britannam
Cœlitibus, Sanctis, Divisq; indigna simulas?
Forsitan astrifero sordabant Sydera Cœlo
Languida, pallenti dum Terrâ clarior ignis!
Nec sane immeritò: sed enim, nec lampade Cœlû
Stelliferum tali fulsit; nec lampades Anglis
Cœlestes curæ; radios dum lampas Elisa
Spargeret, auricomi superantes lumina Phœbi.
Ergone tu Divam rapuisti, livide, nostram
Iuppiter, vt summo statuatur Sidus olympo?
Nec malè! Solamen remanet: quò cellior illam
Quippe locus maneat, tantò conspectius in se
Lumen habet, radiosq; suos iaculatur ab Alto
Latiùs; vt cellâ candens statione Lucerna
Clariùs affulget. Sed tu, quæ Numinis instar
Splendueras, induta luto, regimenq; caducum
Exercens, quales surgunt tibi, Diva, triumpho,
Gloria qualis adest, quùm sis vnita Dearum
Cœlesti numero, atq; inter subsellia Divûm
Vermiculata sedens, Superûm stipante coronâ,
Ad dextram Iovis æterno frons ardet in Auro?
Sic tibi dum properat nigrum Libitina feretrum
Aureolam properat fronti libitina Coronam.
Et dum cœlestes, gens invidiosa, Cohortes
Nos livore premunt, pressos ad sydera tollunt:

Nicholan. Debillus Coll. Universitatis.

Invitatorius Panegyricus

*Ad regem optimum, de Elisabetha unper Regina
posteriore ad Oxoniam adventu.*

*Ubi & ipsius Elisabetha multa laudatio: & Ora-
tionis Latina, quam discessura ad Aca-
demicos habuit paraphrasis fida.*

O Prime defunctæ Reginx Virginis hæres,
Oppida dum, regniq; novi visenda peragras,
Oxoniam cognosce tuam: cui læta bis hospes,
Et bis grata fuit, nunquam tibi, magne Iacobe,
Dissimulanda foror, communis noster Elisa,
Longus noster amor: qua non felicior vnquam,
Fortunæve suæ, rerumve potentior auctor,

Venerat illa quidem, nostrumq; agnovit amorē
Nec sat ei venisse semel: cum quinq; peractis
Post iterum lustris, iterum gratissima venit.
Tu quoq; fortunate veni: nec dulcia Tempe
Visere, nec Phrygijs tipis errare Caystri
Optabis: non Elysijns incedere campis:
Non vagus Eridanum spatiaꝝ propter amœnum,
Pascensem niveos sinuoso flumine cygnos.

Tu licet ignotas rate fidens iveris oras:
Quæ circum tepido nigra cingitur India Gange,
Occiduasq; dies quæ præcipitatur in vndas:
Trigemini videas pastoris inhospita tectas:
Et septemgemi pertentes ostia Nili:
Susa venenatis adeas armata sagittis:
Quasq; tenent ponti Byzantia littora fauces,
Quosq; tenent Romæ septenos mœnia montes:
Phasidis, Æxi propellas remige fluctus:
Argoæq; Ithacæq; legas iter omne carinæ:
Hesperidumq; choros, Gygæiq; ora Caystri
Aspicias: & Pactoli mireris arenas:
Threïciumq; sequaris Hebrum, nivibusq; tumētē
Strymona: luctantumq; in pulvere signa requiras
Herculis, Antæiq; vagus: totumq; redire

De laude
Oxonienſis
Academix
altius repe-
titum exor-
dium à lau-
de totius
Britanniæ.

Immemor immensis cingas erroribus orbem :
 Omnia concedent : omnes super vna placebit
 Terra, procellosi dominatrix insula Cori,
 Insula, Belgarum quæ littore diffusa tantum,
 Quantus ad occidentem pelago prospectus Iernen.

Concedent aliena tuis : tuus omnia supra
 Spirabit tibi suave aër : tua regna, tuæq ;
 Rex, tibi ridebunt vrbes : & in omnibus vnum
 Urbibus Oxoniæ nomen : sanctiq ; Penates,
 Omnia pulchra quidem : nec me sub pectore fixus
 Fallit amor patriæ : nec amari dignior vlla.

Dracus adit duros pro pulchrâ laude labores ;
 Antipodem vidit mundum, nostriq ; timentes
 Divitias, priscis loca nunquam accessa carinis :
 Quo neq ; Nisigenâ cum milite Liber adivit :
 Nec vagus Alcides, pluvij nec filius auri,
 Illic ut perhibent, fera sunt, & inhospita turba :
 Nudum, turpe, genus : victum & connubia propter
 Vnguibus, & pugnis inter se bella cientes :
 Hospitibus palli cæsis sub dentibus atris
 Mandentum trepidant artus & viscera nostra,
 Vivum cruda data in tumultum Manie ora calenti
 Fœda natant, hirtæ con crescunt sanguine barbæ :
 Tu prius & surdas doctis sedare procellas
 Vocibus, & fluctus poteris revocare marinos :
 Quam sine vi lenire feros, aut vincere verbis.

Indociles rerum, indomiti, sine iudicis usu,
 Et sine regis, agunt : nec tecta nec oppida condunt :
 Exeisis domus antra iugis, & densa fruteta.
 Nec socias vacat in communia vertere curas,
 Hæc loca adusq ; vigil penetravit Dracus, cunq ;
 Et redeuns, mores multorum vidit, & vrbes :
 Nunc invicta viri lambentes pectora phocæ,
 Et delphines habent : & sæva supergemit vnda :
 Tantus amor longis amplexu ambagibus orbem.
 Nil tamen hic, sua cui cessura Britannia, vidit,

Alma parens rerû, Cereris domus, angule mundi:
 Chara Deo tellus : quamvis Aquilonea, quamvis

Iovis in im-
 brem aure-
 um conver-
 si.

Rupibus alta super vastis, & diffusa toto
Eminus orbe sedes. Hic nemo prælia ^a fulcis
Condidit: hic densis nunquam seges horruit hastis:
Sed gravidæ, Cerei satis, & tibi Liber, aristæ
Canescunt: pascuntur oves: mutandaq; magno
Vellera tondentur. Nullum lupus hostis ovile
Acer obit: tutum tremuli sub matribus agni
Balatum exercent: nullis fera sævijs agris,
Ditia non asper custodit vellera ^b serpens:
Non pia pascit humus squamoso ventre cerasas,
Aspidave, aut siccas vrentem Diplada fauces.
Amne, ^c solo Crocodilus abest: non herba veneno,
Vipera non altâ miseros decepit in herba.

Non gravis exustis incumbens Sirius arvis
Flumina letifero corruptit & aëra tabo.
Temperat aura recens æstivos frigore soles:
Aura satis, pecoriq; salubriter inter opacum
Blanda nemus, motis & semper stridula ramis.
At pluvix mites hyemem, nebulaq; remissæ,
Et complexa sinu sedat maris vnda tepenti:
Rore solum cælumq; fovens: non micenia Phœbi
Tuta magis: scit fusus Iber, fractaq; fatentur
Regis opes: structo cum fulsit ^d Marte Caletum:
Hinc ope Romanâ, vanisq; Hispania divis,
Indorum spolijs, & fraudum freta latebris,
Hinc cupida in patrijs virtutibus Angla iuventus:
Quis mare non illo fidum discrimine murum
Agnosset? quid ^e monstra fugâ deserta marinâ,
Aut quid cæruleo fluitantes gurgite baccas,
Antiquum ^f Romæ loquar irritamen avaræ?

Adde virum prolem, quàm mundi sidera multa,
Quàm multam in Libya refluxum lavit æquor arenâ.
Adde iuventutis lumen, mistoq; decorem
Robore: longævamq; parum viridemq; senectam.
Adde ingens decus, externæ pietatis asylum:
Perfugium terris commune ex omnibus vnam.
Præcipuè tumidam postquam duce virgine Romam
Obterit, & cælo tristes terræq; furores

^a Vt in Col-
chide &
Cadmæide

^b Vt aureū
illud vellus
à Dracone
custoditum
dicitur.
^c Est enim
animal am-
phibium.

^d An. Chri.
1588.

^e Balænas?

^f Margari-
tarum Bri-
tannicarū
gratia à lu-
lio Cæsare
appetitam
Britanniâ
ait Sucto-
nius.

* Religio
Christiana
ex Britānia
propagata
in Hiberni-
am per Pa-
triciū Glas-
coniensem,
in Gēma-
niam per
Winfridum
Devonien-
sem primū
Mogū in-
sem Episco-
pū: quē ad-
modū & in
Galliā lte-
ræ ex Britā-
nia primū
per Dru-
das: & dein-
de per Al-
cuinū Ebo-
racensem
Caroli mag-
ni comitē.
b Platonis
Academia
ab Acade-
mo vel Eca-
demo he-
roe, cui lo-
cus sacer e-
rat nomen
accepit.
Situs amoe-
nissimus vr-
bis Oxoni-
ensis.
c Vnde &
nomē vbi
Londinē-
si: Camd.

Sola domat. Nam quid priscorum ætate parentum
Quæ fuerint, memorem? quàm magnum munus Hibernis
Patricius? quos prisca pij Germania veri
Nacta duces? & quos bis Gallia prisca magistros?
Adde tot antiquas vrbes, tot amœna locorum,
Montibus, & sylvis, & aprici gramine campi.
Adde tot irriguas inter currentia valles
Flumina, tot portus, & tot monimenta laborem,
Totq; artes operum, munitaq; mira viarum,
Victrices & mille rates, medicumq; bitumen
Sulfurē mistum lymphæ, lucisq; diurnæ
Participem noctem æstivam, ditemq; metallis
Saturnum aureoli sopitum pumicis antro.
Sed neq; Saturni venæ, nec ditior auri
Siqua, vel argenti dono non invida fluxit,
Laude prior, quā fert 'Academi vterq; 'Britannis.
Non segetum foetus maior, non gloria maior
Lata virū proles: non quicquid amabile ridet
Vndiq; non pulchrum quodcūq; Britannia iactat.
Alme Britannorum rectorq; paterq; Iacobe,
Hanc quoq; pollentis regni bonus aspice partem,
Magnanimū curam regum: clarissima cuius
Lumina ad Herculeas duce te fundenda columnas,
Danubiumq; Indumq; & pingui flumine Nilum.
Aspice: nec quicquid schola nostra, vel altera dignū
Spectatoris habet tanti, non aura, solumq;
Non situs Oxoniæ fallat: geniūq; sacratī
Et genus & natura loci: quæq; impiger hospes
Omnia venatu circumscrutabere lustrans.
Hinc liquidis Cœtellus aquis, hinc Isis inundat.
Maior aquis Isis: post idem nomine misto
Tamisis, in partem Tamæ datus, auctior altum
Londino citus vrget iter, regnator aquarum.
Isi soli fator, imber, aquæ Rex Isi Britannæ,
Imperij doctumq; pater, 'navalibus altis
Londini par adde decus: quod cuncta loquantur
Secula: quoq; tuus supra Parnassia longē
Flumina, Pieriumq; Heliconæ superbiat amnis,

Nulla tibi moles iter in mare claudat eunti :
 Non rapido sol igne coquat, non bellua fontem,
 Non tibi turbet avis : nec agentes nubila venti
 Horrificent : nullo salientem frigida cogat
 Bruma gelu : nullo cœli corrumpere tabo :
 Purus & illimi scateas pellucidus vndâ,
 Cumq; ingens ruis, & modico cum sobrius æstu
 Oxoniâ peris : & non vno' fissilis alveo
 Lenius agmen agis : doctas ne forte quietes
 Rumperet integro saxosum flumine murmur.
 Septem vni riguis numeravi cornua rivis.
 Planitiem læto quæ subter euntia succo,
 Pubentesq; foveat herbas, & mane recenti
 Sufficiunt teneras nebulis halantibus auras.
 Talia præbunt loca se (Rex alme) tuenti :
 Qualia Thessaliæ dicunt viridantia Tempe :
 Tempe, quæ medius dirimit Peneüs amnis.
 Vicina quæis sylvæ circum collesq; coercent :
 Proxima flava Ceres : medium viridissima rivum
 Prata vtrinq; tenent : nec gratior vlla Dianæ,
 Nympharumq; choro tellus : Neptunia postquam
 (Cum prius arva coli restagnans vnda negasset)
 Dissecuit cuspis montes : Ossæaq; pulsu
 Verticibus iuga clivosi divisit olympi :
 Et fluvium pelago dedit, & dedit arva colonis,
 Talis forma loci, talis se ostendet imago.
 Plana patet longè tellus : non solis in ortus,
 Non Auster, Non Core tibi, sed tota salubrem
 Libera prospectat Boream : nam cetera montes
 Cingunt, & virides umbrosa cacumina sylvæ.
 Sylvæ, quæ placido blandæ indulgere susurro,
 Et leviter ramis capita incurvare reflexis,
 Fœcundam medio despectant amne secari
 Planitiem : quæ prima patens vtrinq; virentem
 Dulcibus in pratis iniussi graminis herbam
 Sufficit : & tenero semper se vestit amictus
 Mox curvata tumens sensim sese altius effert :
 Mollibus & clivis, nunquam non grata colono,

Emicat in faciles sylvoſo vertice colles.

Omnia ſeceſſu (ſiquid promittere refert)
 Digna videbuntur docto, ſtudijsq; quietis.
 Lene ſoporifero trepidans per ſaxa ſuſurro,
 Humida ſaxa ſuper viridi rorantia mulco,
 Manabit tibi murmur aquæ: molliſſima propter
 Herba torum pandens, & ſtridula flatibus aura,
 Et lætæ ripis volucres, & fluminis alveo,
 Cantibus & plauiſis resonantes aëra pennis.
 Non tibi nec feſſo ſuaſeſcit pluma ſoporem
 Suavius: Aſſyrio nec tinctum textile ſuco.
 Ibit laſcivo per florea regna volatu,
 Et ſummas ſtringens criſpabit ſibilus vndaſ
 Leniter illudens zephyrus: tepidumq; ſerenus,
 Concutiens plenæ Eoi neſtaris alas,
 Rore maritabit glebas: quod fertilis Hybla
 Invidet: quod thuriſeris Panchaia ſylvis,
 Et quod odoratus mirari poſſit Hydaspes.

Quid moles operum, priſcæq; loquacia ſaxa
 Virtutis, proavum monimenta, Iacobe, tuorum,
 Quid ducis Humfredi loquar haud imitabile cuiquæ
 Artis^a opus? quod nunc Bodlæus^b ſumptibus auget
 Egregijs: & ſe Letheis invidet vmbriſ.

^a Sc holam
 Theologia
^b Bibliothe-
 ca magnifi-
 centiſſima.
 Thomæ
 Bodlæi qui
 de Acade-
 mia Oxoni-
 enſi heroï-
 cè meritus.

Illius extremæ gentes, Ægyptus, & Atlas,
 Quiq; bibit Tanaim, torrentis & accola Gangis,
 Virtutem ſciat: & virtutis buccina vates,
 Oxoniæ vates, decus immortale ſacrabit
 Verſibus: & ſerâ vigilans ad lumina nocte,
 Contendet veterum ingenijs: nec pectore ſomnū
 Accipiet: quamvis recubant per prata iuveni,
 Lanigeræq; ſilent pecudes: & plurimus vdo
 Rore ſopor ſuſcis tellurem amplectitur alis,
 Inſerpensq; hominum curis alternus avaris,
 Grata laboratæ revocat ſolatia vitæ.

Quid ſtudia ingeniij dicam? quid amoris & artis
 Dulcia promittam certamina? tota videndam
 Se tibi Rex (tanto nec iudice gloria parva eſt)
 Ambitioſa dabit Schola: deprometq; repoſtas

Dives opes, omnemq; penum. Seu civica nosse
 Cæsarei tibi iura fori, seu scita Galeni,
 Naturæq; operum cæcas exquirere leges,
 Cura tibi subit: aut cultu templa vnde profano
 Tam variis gentes per cunctas occupat error:
 Quæq; sacris mens, & sententia dia tabellis,
 Ingenijs veterum non observata tegatur.

Non hæc erubuit, tua cui succedere virtus,
 Par quia semper erat, meruit: sed regia sæpe
 Dextra tulit calamum, regniq; insigne libellum,
 Sic quoq; bellipotens fertur Tritonia virgo
 Sæpe manu validâ, telum qua torquet in hostem,
 Quæq; graves portas, turritaq; mœnia vellit,
 Hac & purpureis calathos impleffe corollis,
 Et flores socialle legens, Nec semper odoris
 Parthenium canibus patiens lustrare Diana:
 Quin & Hamadryadum quondam venatibus agmē
 Solveret: & crinem frænaret floribus ipsa:
 Narcissumq; crocumq; metens, & sicubi solam
 Vel violæ texant, vel mollis amaracus umbram.
 His similis curas regina levavit Elisa
 Dulcibus in studiis: vbi non muliebria captans
 Otia, Musæos hortis libavit honores;
 Pierios spoliavit agros: & nescia brumæ
 Lilia decerpens, & inaccessis hyacinthi
 Floribus, & nunquam languenti vere rosarum,
 Virgineum caput, æternoq; legens amarantho
 Ornavit. Nunc vim linguæ, Demosthenis arma,
 Nunc melior versare Sophos: Diumq; Platona:
 Nichomachoq; * satû: Macedo cui magnus alûnus
 Otia largus opum fecit, causasq; latentes
 Et variam vim naturæ penetrare reclusis
 Visceribus, fundoq; evolvere iussit ab imo.
 Non illam sacri latuere oracula cultus,
 Templorumq; fides, credendaq; pagina veri.
 Non legum latuere libri: quid regia poscant
 Sceptra: magistratus & quid deceatq; iubere
 Dedeatq; pati: quæ largis regula dextris:

Elisabetæ
 nuper regi
 næ seria &
 copiosa lau-
 datio,

* Aristotelē

Et

Et quis iustitiam modus æquo temperet: & quod
 Officium belli: regnum quibus artibus ingens
 Fiat ab exiguo; Quid claudat vulnera, norat:
 Quid faciat morbos: & quo medicamine sanguis
 Staret, Pzonij & quæ concederet herbis,
 Quæ ressecanda lues. Non illi interpretis v'sus
 Seu Germanus erat, Latia seu missus ab vrbe,
 Sive Iber, aut Gallâ legatus venerat aula.
 Non illam latuit veterum experientia rerum
 Vlla per historias, aut pastæ cædibus iræ:
 Bellaq; & invidiæ, & non æquo scedere paces.
 Non illam Ausonio ferales sanguine Cannæ,
 Nec duo Scipiadæ Tytiæ Carthagini horror,
 Nec nurbus moestis & matribus Hannibal hostis
 Nescijt. Eoas acies, illæsq; soli
 Ardentem Libyen, & Perlica Susa legendo,
 Et Pyrrhi regnum Acacidæ, Pellamq; Tyrumq;
 Bisq; tepestactos civili cæde Philippos,
 Et Bacchi Thebas, & Palladis iuit Athenas.
 Insignis princeps hominem cui plurima supra
 (Omnia foemineum supra tibi nomen Elisa)
 Quas tibi, (nam multi decoris quota portio doctis
 (Nomen in ingenijs?) nunc postquæ es corpus inane,
 Nunc vbi libertas, & amico maior, & hosti,
 Quas tibi pro meritis tua grates Anglia reddat?
 Iustitiæ prius, an belli miretur honorum?
 An veniæ faciles iras, & amantia pacis
 Consilia, adversis invicta, invicta secundis
 Magnificosq; operum sumptus, largamq; iuvandis
 Supplicibus, lapsisq; manum succurrere regnis,
 Dissimulatus honos vultuq; oculisq; nitebat
 Regius, & nivei librato in pondere mores,
 Miscentes placidum cum tetricitate serenum,
 Quæ pietas? quàm certa fides? vbi dulce remitti
 Quantus in ore lepos? animo quàm nulla senectus?
 Nunquam pigra quies: condibat cuncta benignus
 Candor, & almus amor, digestaq; in ordine vita,
 Et medius serpens per honesta & dulcia limes.

Vna tui semper similis : morum vnus adhæsit
 Fortuna crescente modus : felicibus orsa
 Principijs, pariles eventus vsq; dedisti,
 Libera in offenso pergens pede. Parcere regni
 Principijs, primâq; manu non multa movere
 Præcipiant alij. Tu cum vicina fuissent
 Partim plena metus, partim certissima belli,
 Suspicio cum cuncta domi misceret, & hærens
 Hispanum furiale malum, mœstæq; sororis
 Coniugium, patriæ præcordia ad ima subissent:
 Principijs ipsis sincerum ante omnia cultum
 Numinis, & sacris templa exonerare sinistris
 Freta Deo ponis : longinqua nec addere parcis
 Finitimi odijs : & quæ diffusa per vrbes
 Intestina lues Italo sublapsa veneno.
 Ipse mari veniens repetitum coniugis aulam,
 Regnaq; nequicquam dotalia, sive repulsus,
 Sive remissus Iber, rapras è faucibus vrbes
 Stans altâ rate prospexit. Pede tangere litus
 Extremum non ausus, abir. Sine milite victus
 Consilij Regina tuis, sine cedere recessit.

Cuncta serenasti, ceu tristia nubila luna
 Discutit, & placidæ per amica silentia noctis
 Labitur : & tacitis irrorat lucida campis.
 Tale tuum exoriens sidus regina refulsit.
 Nec minus insignis spectantia lumina cepit
 Frontis honos. Nec enim poterant avertere visus,
 Aut cupidus oculorum acies explorare tuendo.
 Nam quocunq; caput torfisses, omnia circum
 Ridebant : dulcem sic toto corpore lucem
 Iactabat, grati qui tum flos integer ævi,
 Tale tuum virgo visum non molle serena
 Maiestate iubar, Lædæus Castora qualem
 Educat Euroras : qualis vel casside visa
 Parthenopæus erat, vel quem * Nerëia mater
 Virgineo fati exterrita texit amictu
 Bella cavens : qualem pugnantem mœnia circum,
 Imparibus doluit fati crudelis * amator

L

* Thetis

* Achilles
 ipsius Troi-
 li amator.

Im-

Impubem Aemonia deprendi Troilon hasta.
 Talem te, subito ducere cum salva periclo
 Conscia turba novam dominā, procereq; viderē,
 Qui sensus, & quā cumētis devota voluntas
 Servire egregiæ formoso in corpore menti?
 Vota Deo, promissa sibi fecere faventes:

Vtraq; larga quidem, sed inania neutra fuit.

Accipis & vacuis exhausta æraria cellis,
 Communeinq; fidem quassam, commercia læsa,
 Et pretij mendax in publica damna numisma;

Tali sæpe malo medicina prioribus ahnis

Plurimus exactor, rapidiq; iniuria fisci,

Ingeniosa lucro, & captatæ crimine prædæ!

Non ea mens Regina tibi, cum pinguis vendi

Rura paterna iubes, pretiosaq; venditur ipsa

Regifico^a luxu proavū sacratæ supellex.

Talibus orsa modis, regum inter maxima motus

Arbitra sedisti, pacis belliq; gubernans.

Cive vel hoste fatigatis tu prima subire:

Consilij opibusq; tuis latentur, & armis.

Quid loquar, aut doctæ quoties memoranda Genevæ,

Aut Lusitano quid feceris exule tege?

Barbariem quoties miserata in frænis Iænes?

Quis te Borboniâ non audijt hospes in aula?

Quis tua dissimulet magnis benefacta Valelis

Ingratam rexisse domum, fransisse ferocem,

Fataq; quod sinerent sustentavisse ruentem?

Non aliam novit te supra Gallia matrem:

Belgia non aliam. Te Dania læta, tuumq;

Suecia, regalemq; attendit Scotia nutum.

Scotia, quam nostro vulsam de corpore partem,

Vexatricem olim, prædæ cum nuda pareret,

(Iustitiz specimen quo non præsentius ullum)

Externoq; iugo, & civilibus exvis armis.

Parva loquor. quid turca ferus? cui nomina tandē

Principe te primum nunc fando cognita nostra.

Certa fides, miseris te interveniente Polonis

Ultima cum posset, pacem dedit. ipse Philippus

^a Luxui, vt
 Propertius
 dixit, alter-
 næ facile
 cedere hym-
 pha manu.
 Nam & ge-
 nitivus ma-
 nus Nonio
 pro manuis

^b Gallorum
 qui Scotiā
 non ita pri-
 dem spe va-
 na deçora-
 verant.
^c Philippus
 secundus
 Hispaniæ
 Rex.

Te sibi fatalem quoties invitus & amens
 Sensit? & insanis nunquam tamen abstulit ausis.
 Nunc ipsam, nunc prima virum petit iritus astu,
 Vimq; foris, & dira domi periuria tentans.
 Occultis odijs, aut vi deiecerat omnes:
 Suspirant taciti: casusq; & sœva suorum
 Funera deplorare timent: pars maxima mundi
 Imperijs complexa viri: spes cetera præcep
 Hauferat: indomitis nemo conatibus obstat:
 Segnitie, pretio, spe, viribus omnia cedunt.
 Vndiq; te præter, regina, reprehendere mussant.
 Sola feram contra virtus se virginis ausa
 Tollere: tu contra rabiem rictusq; cruentos
 Sola moves non tela manu muliebria virgo.
 Tu spes sola super, cunctisq; optata pericli
 Turris ades: clypeusq; trucem tu fidus in hostem.
 Tu profugis secura salus, huc vsq; minatus
 Constitit, hic finis furij, hic terminus hærens.
 Vna feram Nemeæ cohibebat sylva leonem:
 Arcædicum regio vna suem: non impius vltra
 Antæus Libyam nocuit: non scæta venenis
 Vltra sœva suam serpens Læryza paludem:
 Hanc non vna sibi regio, non insula pestem
 Vna sibi timuit: sed maximus horruit orbis:
 Quantus ab occasu patet exporrectus in ortum:
 In boream quantus, quantus procurrit in Austrum.
 Parva mora est, infida prior dum fœdera tandem
 Rumperet: ex illo pro mundi formina bellum
 Libertate geris, communis causa pericli,
 Vni cessit honos tibi, sed victoria totum
 Auspicij regina tuis stabilita per orbem.
 Auspice te vastos hostiles ignibus agros,
 Et verlas prædis onerati liquimus vrbes.
 Auspice te pontus tabulis, & littora ponti
 Strata cadaveribus: novus India mundus eadem
 Auspice, victrice toties mirata carinas.
 Anglia non vnquam nisi caprum vidit Iberum:
 Nec nisi victores tellus nos vidit Ibera,

* Immissio
 in Hiberni-
 am milite.

*Supple se
debere.

*Massini-
sam,

Ipse tibi, nondum quod serviat, impius hostis
Italus, invitoq; * fatetur Roma rubore,
Zenobiz bello, Musæiq; artibus oti
Nomen erat: pietate simul, simul inclyta sceptris
Debora: connubiale novum Sophonilba * maritum
Afra rogat donum, vivat ne serva, venenum:
Assyriam statuit regina Semiramis urbem:
Nausicaa eiectum spumanti littore curat:
Penelopes placidi mores, fraudesq; modestæ:
Aspasia laus consilij, æterna Diana
Virginitas: ruptis fluvium nat Cioelia vinclis.
Ingenij Sappho, linguæ Cornelia mira,
Attica Socraticæ Sophiæ Diotima magistra:
Hæc muliebris erat virtus, ex omnibus vnam
Compositam, Regina, tuam, proq; omnibus vnam
Posteritas feret: & divino carmine vates
Mandabunt decus æternum venientibus annis:
Et totam fundent in busto virginis Hyblam.

Insignis princeps, vitaq; & morte beata,
Atq; tibi, atq; tuis felix, sine clade serenum
Egisti, sine nube diem: nulliq; secunda
Vixisti: nunc rapta, tamen solaria linquis:
Nec miseros facis esse, tuo sed funere tristes,
Nam quid in antiquum si reddita rege Iacobo
Cuncta, vel in melius? lacrymas vt tergat ocellis,
Et desiderium memori de pectore vellat:

Ipse tamen memores defunctorum exposcat honores.
Oxonidum ante alios: alios quibus ante benigna
Adfuit: & multum quibus adspiravit amorein.

^bD. Tho-
mā Sacvilū
Baronem
Buckhurst
Academia
vt par erat
honoratili
mū Cæcel-
lariū suū,
honorificè
excepisset.

Præcipue tunc, cum adventu dignata secundo
Viseret: optataq; iterum se sisteret urbe;
Principibus stipata viris, mortiq; propinquo
Cecilio: quo non longi felicior ævi:
Filius in patrias nunc suppetit æmulus artes,
Quæ mora tum Sacvile tibi, ^bquem læta fidelem
Custodem Schola nostra suum soliq; secundum
Reginæ caput exciperet: qua clausus in vmbra
Norfolcæ pars magna domus Henricus Howardus

Otia docta colens, aberat? fraternaq; * Thomas
 Progenies, qua sede procul, quibus otia curis
 Lenta fefellerunt magni, natusq; paterq;
 Seimori: * pater egregij * Ducis inclyta proles
 Et pueri regis materno proximus ortu:
 Nobilitas nato maior tamen addita * mater
 Magna domus hæres Suffolcæ regia neptis.
 Tu quoq; magnanimo non infitianda Pipino
 Percia progenies, Northumbri culmen honoris,
 Desueras: magni deerat generosa propago
 Talborti, in titulum cui Gallia victa * Salopas
 Addidit: & stabilem generi sacrauit honorem,
 Desuit & belli non degener arte, domiq;
 Regina lateri custodia fida Ralæus.

Illam alij proceres innuptarumq; secutæ
 Dulce decus, Fernandus ovans * Darventia proles
 Adfuit: & lætam de se spem nescius auxit:
 Sed vicina caput tristi mors ambiit vmbra,
 Non minor accessit virtutis Cumbrius heros
 Aemulus antiquæ, Senior cum prole * Caræus
 Materna dominx consanguinitate propinquus,
 Tuq; Somersetis magni diffusa * propago
 Gandavij, veterum venisti dignus avorum.
 Ipse Norengamo titulos aucturus Hovardus
 Carolus, in cœtu procerum se celsus agebat.
 Tuq; * Harbertiadum præstans è sanguine germen,
 Quicquid eris, quâquam cognovimus ora Philippi,
 Non ita te superi ostendent, vltraq; negabunt,
 Venisti, sanctusq; parens, & dædala mater,
 Ipsum inter primos ingentibus ante triumphis.
 * Graia armipotens, vdx te fulmen lernes,
 Tum positis armis, fixaq; in pariete parma,
 Vidimus, extremoq; iterum sub fine venire,
 Oblito curas & noscere Marte quietas:
 Mortis habet nunc alta quies: natusq; superstes

vincie * D. Baro Hunsdon. * Comes Vigornienfis à Iohanne Gandavensi per duces Somersetenſe oriundus. * Fils-Harbertorū sive Harbertorum Pembrochiæ Comitum, quorum qui nunc floret (de quo hoc locu) Philippum Signazum Equitem clarissimum avunculum habuit. * D. Barouem Gray de Wilton.

* Thomas postremi Ducis, Norfolkæ filius, * Edwardus Comes Hereford, die natus, * Edwardi Ducis Somersetensis qui Edwardi Sexti avunculus fuit.

* Franciscus Brandonæ (que Suffolciensis) ducum hæres erat) filia maior: Maria autem Sororis Henrici octavi neptis. * Comitatus Salopiensis honorem hæc familia nobilissima virtutis & victoriarum in bello Gallico nomine sub Henrico Sexto obtinuit.

* Darbienſis: à fluvio enim Darvento nomen pro-

^a D. Baro
Mótiroy qui
nunc floret
cum huic
celebritati
interesset, E
quitis qui-
dem aurati
titulo, & vir-
tute sem-
per summa,
nondū au-
tē Baronis
honore no-
tus fuerat.

^b Harbertus
Westphalē
nuper Epis-
copus He-
refordien-
sis.

^c Domina
Russelia
quam secū-
dus maritus
hæres Co-
mitis Bed-
fordiensis
patre ad-
huc super-
stite viduā
reliquit.

^d Spes quā
de comite
Suthanton-
nensi sum-
mam con-
cepimus cū
eum in hac
celebritate
corā intue-
remur, non
fuit falsa,

et si per pe-
riculū & luctus eluctari deberet ad est, tū futurum esset ut per illa eluctaretur. Sic enim
Græci dicunt ὁ φεῖς pro ἰσχυρῶς.

Non finit in gelido positum mœrere sepulchro.

Non paria Hennagio mœstæ solatis moris :

Venerat ille quidem: quē nunc quoq; fata tulerunt,

Te tamen (egregia quem ^a tum virtute paterna

Principis in sacro comitatu agnovimus auctum,

Nunc etiam patrijs lætamur honoribus auctum)

Carole Blunſorum columen, nec fata tulerunt:

Effera nec longo consumpsit Hibernia bello.

Illa sed vsq; favent : feritatemq; hæc tibi ponit.

Illa quidem, sub rege nouo virtutis amante,

Vltiora tuis promittunt præmia factis :

Hæc autem æternas tibi duxtor maxime, grates,

Consilij armisq; tuis pacata, fatetur.

Venit & altrici persolvere lætus honorem,

Exemplum pietatis, inoffensiq; severi

^b Harbertus, fideiq; tenax Herefordia, quo se

(Nec decus extremum est) sancto custode sacrorum

lactatura diu, nunc mors caput atra tenebris

Obruit : & simili paucos virtute reliquit :

Nec tamen ingentis subeat qui pondera molis

Deficit : æquali qui mente salutifer adsit,

Aut patriæ lapsis rebus, cultuq; sacrorum,

Aut teneris, Schola quos patriæq; sacrissq; figurat:

^c Tu quoq; facundi; patris, duplicisq; beata

Coniugij (prior egregijs induxit Hobæis

Russeliæ domui fax altera) magnus vtrinq;

Splendor, at ingenij maior tibi gloria, maius

Quod propriū est, decus argolicę Latieq; camœnæ,

Explesti numerum egregium, nec principis agmen

Omne mihi refert, & virgineum comitatum

Et pulchras animi vestigia dicere formas.

Grata Suthantoni iuvenis præsentia : nec ^d spes

Falsa : licet cineri suppositos ire per ignes

Deberet, validæq; audax certare procellæ,

Et longum incolumis tandem meminisse dolorem.

Omnia mirabar : sed cunctis altior * vnus
 Proximus à dominæ detestus tempora curru
 Visus equum dormitor, nondum illæta bilis ille,
 Nondum truncus erat, vultum mihi sæpe, tueri
 Ardebat puerilis amor : longeq; sequebar
 Suspensis inhians nunquam saturatus ocellis.

Ipsa videbatur talis regina venire :
 Qualis odorato redivivus funere Phoenix,
 Auroræ populos, & ponti littora rubri
 Visit : cum densis circum per nubila pennis
 Indigenæ gratantur aves : regemq; sequentes,
 Aëra per tenerum liquidis loca vocibus opplent.
 Talis visa mihi, longo præeunte, sequente
 Agmine, nobiliumq; manu, sonituq; tubarum,
 Et clamore virum (superi date dicere vestra
 Pace mihi) vix virgo vehi mortalis Elisa.

Omnia pignoribus fidei signisq; faventum
 * (Suasit amor verus patriæ) sei vere videres.
 Non ita mellificum vernis in floribus agmen
 Urget apes iucundus amor : nec talibus æstas
 Spicea formicas studijs in sole fatigat.
 Non tibi grata minus pietas regina tuorum:
 Quàm quondam ex alio cum patria testæ revisit
 Orbe redux: quem casta tori sub limine custos
 Excipit, & circum pendentes oscula nati.
 Septimus officijs tandem, semperq; recenti
 Latitæ, studijsq; dies advenit ovantum.
 Iamq; salutatis visum discedere tempus.
 Talibus idcirco collectos ore Latino
 (Pignus ut eximij nullum non esset amoris)
 Rectores abiens & primos ipsa magistros
 Alloquitur princeps : intinctæ suavis auris
 Aethereæ voces (cererem ceu nectare tingas)
 Prodiabant : totidemq; innoxia tela sagittæ
 Ore videbantur roseo prodire loquentis.
 Omnia divorum venti retulisti ad aures :
 Fas aliquam quocunq; sequi mihi carmine partem,
 Vestræ, viri pietas, (inquit) studiumq; fidele

* Robertus
 nuper Co-
 mes Essexi-
 us.

Orationis
 Latine, quâ
 Elisæ regina
 Oxoniæ ad
 Academicorum præci-
 puos habu-
 it, para-
 phrasis.

Capram animi, solitæq; trahunt rationis egentem.
 Nam mihi solenni talem sermone coronam
 Cur tentare foret? non hæc data cura regenti,
 Publica, non æquum pondus, turela retundit
 Ingenium turbâ rerum: memoremq; valere
 Vim prohibet. Tum lingua mihi desueta Latina;
 Sex anni iam terq; decem: vix tempore tanto
 Ter decies vtenda, velim si quærere, venit.
 Nunc tamen, vt glacies cui sub pede pressa fatiscit,
 Hinc atq; hinc discrimen idem: nec pergere tutum,
 Nec revocare gradum, nec sistere: protinus imis
 Aut hære necesse vadis, aut credere calli
 Infido, subterq; crepantibus vndiq; rimis.
 Iam plures abiire dies: hinc vndiq; & illinc
 Signa mihi vestræ fidei. Solennia dicta
 Artificum linguæ, passim suggestibus altis,
 Ingenijq; decus, quæsitæq; maxima rerum
 Alternante vices examine, quasq; tulistis
 Immeritæ laudes, & aco: super omnia longè
 Fidus amor: quem cuncta mihi spirasse videntur,
 Quicquid erat vestrum. Cui nemo nec audijt æquû
 Nec meminit: non prisca parè monimèta loquuntur.
 Non pater hos animos natis expertus in ipsis:
 Non in amicitia iucundo scedere talis
 Cognita, non in amore fides. Sic omnia sævis
 Improba diffidijs animi inconstantia ludit.
 At vos non belli strepitus, diræq; , minæq;
 Mutavere mihi: non longi temporis ætas.
 Vna fides mihi vestra manet: dum cetera labens
 Omnia fert ætas: & ferrea vincitur annis
 Durities, longoque fatiscunt tempore cautes.
 Non ego, vobiscum si semper vivere possem,
 His peiora mihi de vobis vlla timerem.
 Non, si mille mihi vocem deus edere linguis
 Donasset, dignas meritis expromere vestris
 Evaleam grates. Tanto plus conscia fibris
 Cogitat, & pleno secum mens pectore versat:
 Quàm calamo, prompta quàm fas evolvere lingua,

Propositum tamen antiquum (constantis amoris
Indicium) vitæq; meæ cognoscite votum.

Tempore cum rerum molem iam prima subirem,
Vsq; mihi ex illo duplex incumbere cura:
Altera quæ vitæ caveat non vana secundæ,
Sedibus ut superum requiescam salva beatis;
Altera quæ regni pestes avertere certet
Externas, natasq; domi, ne læta priorum
Quæ fuerant sceptris, hæc me regnante laborent.
Pars exclusa mihi nulla est: de corpore toto
Cura data est, magno certè de corpore magna
Vos mihi pars estis: vestras res ergo paratam,
Nil ut opus multâ prece sit, stimulisq; monentum,
Sponte mea servare, mea decorare iuvabit.

Consilium quoq; fida dabo, (non illud amoris
Argumentum exile mei) queis prædita summis
Artibus, haud ullam metuat res vestra ruinam.
Vestra sequi pars est, nec temnere vera monentem:
Sic, bene dum vobis vertet, lætabor & ipsa,
Et pia pro vestrà persolvam vota salute.
Stet ratio cultusq; sacris, non ut vagus error
Et malè sollicitum paucorum mutat acumen:
Sed quo nostra deiq; modo lex imperat vna.
Non ego talis enim, tibi quæ deus alme repugnem;
Cuius & imperijs qui pareat, impius idem
In te (summe) foret, tumulo prius obruta condar
Quàm faciam, non me rerum discrimina fallunt;
Corporeis terræq; bonis nihil esse perenne:
Maxima quæ cultu æthereo, vitæq; secundæ
Prospiciant, sanctasq; animas æterna sequantur
Hæc ego præteream? aut animas improvida perdâ,
Anxia corporeæ caveam cum cuncta salutis?
Abnuat omnipotens, animarum obliviam ducam,
Iudicis ipsa dei solio sistenda tremendo?
Non ita, vos hinc ergo sequi, præcurrere nunquam,
Aut verbis certare iuвет, quid rectius esset:
Observate, volunt quod idem lex nostra deusq;.
Tum, sua quo fors cuiq; gradu servate regentes:

Nec leges date præpositis: sed iussa quietis
 Mentibus accipite: officiumq; capeſſite læti
 Quisq; ſuum. Si quis non æqua lege ſuperbus
 Imperet, haud illi deerit præſtantior alter
 Qui revocer, ſaſtusq; coërceat vltor acerbos,
 Vnanimis ſit deniq; amor. quæ iunget in vnum
 Fidus amor, ſtabilita manent: cum ſingula culpam
 Viſta trahant celerem, ſubitamq; infirma ruinam.

Hæc effata ſilet princeps. vox miſſa per auras
 Faſto ſinetamen reſonat: mellitaq; Suadæ
 Auribus inſinuans iſtis veſtigia linquit:
 Dum memori ſenſum tinnitus imagine paſcit.
 Omnibus vltcriùs ſitiens audire cupido.
 Mox lætum ingeminant, ſemperq;, per atria, felix
 Vivat iò, per tecta ſonant per ſtrata viarum.
 Audiſt, & voti partem ſuccedere, partem
 Omnipotens tenues diſperſit rector in auras.
 Viveret vt felix, & felix ſemper vt eſſet,
 Mente dedit genitor: mortalem vivere ſemper
 Non dedit. At rapta pro virgine principe dignum
 Solamen dedit. illi animis paremus ovantes,
 Illum alacres plauſu excipimus, feſtiſq; levamus
 Vocibus, extremà quem voce petiverat ipſa.

Rob. Barbillus in Art. Mag. Coll. Corp. Chriſt. Sociu.

Officioſa Anima, ſcælicis Regia nuper
 Nunc vacuâ Dominâ luget abeſſe domo.
 Et quæ nobilibus longum virtutibus Aula
 Exiit, eſt tantum ſletibus vrna pijs.
 Sin quæ fata alios communi clade reſolvunt
 In cineres, eadem te quoq;, Diva, manent:
 Fœlices inter cineres requieſce; breviq;
 Corporis amiſſi gloria maior erit.
 Nam cœlo gaudens hæc per divortia; honorem
 Cœleſtem carni, mens tua ſancta dabit.

Franciſcu Sydney Art. Mag. & Edu Chriſti.

Fatis Elizam nuper ablatam invidis
 Nunc est dolendi tempus, & flendi datum;
 Quo genere luctus prosequar funus tuum,
 Cineresq; longos, fata quo gemitu tua
 Princeps Eliza; gloria & magnum decus
 Nuper Britannum, gaudium populi tui,
 Mundi triumphus, columnen imperij Anglici?
 Tu veritatem gente plantasti Anglica,
 Fœdâ laboranti sub ignorantia,
 Populum beasti pace scœlici tuum,
 Fuisi asylum gentibus bello obsitis,
 Cum iam potentum premeret hostilis furor:
 O ter beatam principem imperio tuo,
 Quam sic regentem lustra complerunt novem.
 Quid plura memorem? capere Virtutes tuas
 Hæc charta poterit, capere quas mundus nequit?

Extruere vivi principes tumulos solent
 Ut sic relinquunt posteris nomen suum;
 Miraris ergo Eliza cur tumulum sibi
 Nullum reliquit posteris: causam hanc reor:
 Virtute nullus tumulus est maior sua.
 Hæc hæc Elizæ nomen æternum dedit.

Imperia scœlix pace cepisti, parum est;
 Fœlicior pace rexisti, parum est;
 Moriens beatam pace liquisti Angliam.
 Beatior né morte vel vita haud scio.

Io. Foote ex Ade Christi in Theol. Bacc.

*Ophthalmia Academica ex luctuoso Augustiss.
 principis obitu contracta.*

Anglia, quæ quondam geminis radiabat ocellis
 Mularum, quævis Ponte Vadoque, perit.

M 3

Sunt

Sunt oculi sine luce vagi; Dea lucis honora
 Occidit, at quæ silens occupat umbra diem.
 Humorūque globi tremuli consistitis orbe,
 Quam gelatas (Vitræ) est perdita gemma tua,
 Gemma immota riger, gelida est Crystallina sphaera,
 Christicolū stellâ sphaera Brytanna caret.
 Totiusque oculi luet infortunia dira
 Ad lachrymas alter conditus Humor Aquæ,
 Solus in hoc felix oculus, quod luctibus aptis
 Vestitur tunicis, (more tenace) nigris.

Rich. Aspley Art. Mag. Socius Coll. Omnium An.

Ergone? pròh facinus? tres Parcæ cuspide possunt
 Elisabetha tuæ vitæ dirumpere filum?
 Quod sancti patres, in Petri sede locati,
 Pape septē Et numero septem nequeunt, & numina terræ?
 Ergone, dijs odio est quondam charissima? fallor:
 Ille deus bonitate suâ qui carcere soluit,
 Atque illam multas iactantem pectore curas,
 Et iugulo ferrum, & timida cervice securim
 Sæpius ah trepidantem è fati faucibus ipsis
 Eque lupi vasto rictu, lanijq; macello
 Eripuit; Deus, ille Deus qui protegit omnes
 Qui pia sacra colunt deo pectoris æstu;
 Ille Deus qui sole frui, & septra tenere,
 Et Petri navem cum prora & puppe regendam
 Et dedit, & tulit in portum tutumq; recessum:
 Ille deus longæ produxit stamina vitæ,
 Ille deus longæ dirupit stamina vitæ.
 Nempe deo quæ viva placet vel mortua semper
 Grata Deo est, superumq; choro; sic nomine vero
 Elisabeth. Domus alma Dei: quæ Fœmina fertur,
 Illa Dei iam diva domo cœloq; beata est.

Rob. Willoughbens Art. Mag. Socius Coll. Magd.

*Etymologia nominis Elisabeth quod donat et Hebraicè
 Dei septenarium, Dei plenitudinem, &
 Dei sortem.*

A Bditæ scrutantur Lingux mysteria Sanctæ,
 Nominis Elisabeth vis manifesta patet.
 Hæc vox Hebraicè triplex complectitur omen
 (Nomen ter fecelix, cum tria tanta sonet)
 Elisabeth *Domini Septenum, Impletio Summi,*
 Deniq; *Sors* magni dicitur esse *Dei*.
 Hæc tria iuncta tuo concordant fœdere pulchro:
 His divinus inest nexus & ordo decens.
 Res his nominibus respondent, nomina rebus:
 Nomen habet numen, nomen & omen habet.
 Septenus numerus numerus divinus; in illo
 (Magna quòd illa fuit) mystica magna latent.
 Septenum Veteres sacrum fecere Minervæ:
 Pythagoræ numerus Virginitatis erat.
 Elisabeth nomen septenum sumpsit; & inde
 Nutrix septenis artibus alma fuit.
 Dum vixit, vixit Musis velut altera Pallas:
 Virgo Virgineum duxit Elisa chorum.
 Castum Pythagoræ numerum suscepit; & inde,
 Par tibi, Penelope, Virginitate fuit.
 Sic debetur ei *numerus septenus*; & illam
 Implevit summis Iupiter usq; bonis;
 Dotibus illa datis, & natis floruit, illa
 Plena fuit, pleno cum bona fonte fluant.
 Plena bonis, plena ingenio, plena artibus, acri
 Plena intellectu, numine plena Dei.
 Hanc Deus omnipotens (ò Sancta Impletio) statu
 Divino implevit: sic nova diva fuit.
 Huic deus omnipotens (ò rara Impletio) Vitæ
 Implevit cursum; plena, quietis obit,
 His impleta Dei donis, *Impletio rectè*
 Elisabeth summi dicitur esse *Dei*
 Deniq; *Sors Domini*, qui sorte elegerit illam,
 Dicta fuit meritò, nec tamen ex meritis.

Hanc dominus dominam meritis implevit abundè,
 Nec dominam meritis se facit illa suis:
 Illa deum possedit, eam iam possidet ille:
 Hinc deus illius fors erat, illa dej.
 Sic mens clausa diu terreno corpore, tandem
 Vasis ad æthereas libera facta domos
 Nam ne transiret mortalis culmen honoris,
 Invida mors illam condidit ante diem.
 Omnibus officijs Vitæ quæ functa iacebat,
 Non fas est Vitæ de brevitate queri.

Robertus Lloyd LL, Bacc. à Coll. Iesu.

*In serenissimam Reginam Elizabetham de un^a
 ante mortem ægritudine conquiescam.*

Non ægrota fuit, qui tum moreretur Elisa?
 Assumpta in cœlos numquid Elisa fuit?
 Quidni assumpta foret? foret immortalis vtrinq;
 Vt virtute dea,^{et} conditione dea.
 Assumi potuit, consumi nescia vivit
 Pars melior, mundo gloria, mensq; Deo.

Optavere tuum Iesuitæ funus: Elisa:
 Illos, anne deam te voluisse malum?

Simon Baukervile Art. Mag. & Socius Exon. Coll.

* Agessis dicti
 Iesuiti (quæ
 apud Ga-
 los bellica
 sunt insti-
 tuta) quod
 ea in om-
 nes p. inci-
 pes torque-
 ant.

^b In re qua-
 libet suis su-
 perioribus
 instar bacu-
 li & cadave-
 ris, cæca (v-
 ti loquitur
 Constituti-
 ones) obe-
 dientia in-
 servire te-
 nentur. vid.
 Cat. Iesuit.
 f. 132,

Sævior inclusus depascit tempora Luctus:
 Tempora sed poscunt scripta: Litura vetat,
 Dic age quid maneat? taceamine? an more Iuvenci
 Mugitus edens, ora sub æra darem?
 Me miserum: Parcis non parcam: Dicite tristes,
 Quid placuit nobis eripuisse Deam?
 Non Bullæ, non Bella virum, non Mille Carinz
 Non ^a Gestitarum ^b cæca, cruenta cohors,

Nec

Nec morbi domuere; stetit Marpesia cautes
 Fixa: tamen digito concidit ista levi.
 Quid causæ est (Ignes sacri) quod marcida Vesta
 Vertitur in cineres parva favilla rudes?
 Fallor? an invidit talem mortalibus ignem
 Iupiter iratus, Lumina furta putans?
 An magis, id factum voluit prudentia Divum
 Clarius ut Phœbo iuncta Diana micet?
 An nostro Elicius suscepit crimine Elizam,
 Visa quod Æthereis dignior illa choris?
 Scilicet id norant superi, quam pectore miti
 Clauserat Aonias; Calta, Diserta, Pia.
 Non ego culpavi Divos, sed mente volantem
 Vmbram tentavi, talibus inde sonis.
 Anglia tota madet lachrymis; quid pergis Eliza
 Elysium? an surdis auribus ista loquor?
 Ecce tuos prædam factos: Mox respicit illa,
 Et vultu placido, falleris (inquit) abi.
 Aspice, felices Angli pro Virgine, Patrem
 Accipiunt, pro me, Sceptra Iacobus habet.
 O faciles superi: sic, sic placet ista dolori,
 Carminibusq; meis imposuere modum.

Iacobus Wrench Art. Mag. Socius Coll. Magda.

ELIZABETHA *Dei requies*, requiescit in ipso
 Ipsa Deo; potuit stella hæc cecidisse videri.
 Non est lapsa tamen: pars altera proxima nobis
 Eclipsin patitur, vicinior altera cœlo
 Perpetuâ Solis lustratur imagine Christi.

Geo. Hackewill Art. Mag. & Coll. Ex. Socius.

*In obitum Serenissimæ Principis
 Elizabethæ: Emundoy.*

T Oties nefandi multiplex læthi genus
 Excogitatum, sæpe tentatum: foris

Quam

Quam nulla rabies hostis: infidus domi
 Quam nullus vnquam proditor rapuit piam
 Manu execrandâ Principem: tandem tuo
 An *Mors* aculeo posse transfigi putas?
 Potuisse Regnum Té-ne cum Vitâ simul;
 Rapere arbitraris? falleris: Princeps enim
 Abitura, Regnum voce, tum nutu dedit
 Istud *Iacobo* debitum: verum novo
 Potita regno vivit, & vivit Deo.
 Sic quæ suos beavit, imperio diu
 Anglos, ab orbe diffitos toto: magis
 Nunc ipsa toto ab orbe (cælis) diffita,
 Beata turmas inter Angelicas regit.

DEcus hoc perenne magnus Augustus tulit,
 Qui gloriari posset emoriens, datam
 Lateritiam, liquisse marmoream suo
 Populo (parente mortuo) Romam: magis
 Augusta Princeps nostra, Romanam Fidem
 Plus quam lateritiam, & volutam sordibus
 Putidis (sorore mortuâ) cepit: tamen
 Anglis reliquit auream moriens suis.

Quæ lingua talem Principem dignè sonet?
 Nisi quis haberet vnus, (expertus loquor)
 Quot vna voces calluit varias modò,
 Impar Elizæ laudibus vates erit:
 Tot quando linguas calleat nullus, suo
 Eliza Elizam prædicet semper sono.

Simon Iuck, Mag. in Art. ex Aede Christi.

QUæ nos fata manent? quæ mala sydera
 Hoc fatale ferunt: Numina! Tempora!
 Tanto Brutigenas quid premitis malo?
 Omnis spes cecidit: tota Britannica
 Virtus occubuit: nec pietas moram
 Fatis attulit, aut indomitæ neci.

Sydas Palladeum pallida mors rapit,
 Et vellic miseris *Palladium* viris,
 Elizam perimit cuspide dum fero;
 Quæ portus profugis, præsidium reit,
 Britannis columen, lumen & exteris,
 Et spretis studijs ara, decus, quies:
 Eliza heu cineri redditur & luto,
 Hanc sed quid sequimur flebilibus modis
 Cum nec semper olent lilia, nec rosæ,
 Nec semper viridis floribus est honos,
 Mutat terra vices; serius, ocius,
 Invicto imperio mors regit omnia.
 Sed ne pressa malis Anglia corruas;
 Certinam series subsequitur boni
 Decus *sæminum* perdidit Anglia,
 Decus dulce *virum* repperit Anglia.

Ioan. Smith in Art. Mag. æt. Edæ Christi.

שָׁחָה לֵאלֹהֵי בִּירָה

Fœmina sancta Deo struxit venerabile templum:
 Nominis hinc ratio est Elishabetha tui.

Fœmina plena Deo sit inuncta charismate sacro:
 Elishabetha igitur Fœmina plena Deo ea,
 Scilicet in terris te implevit gratia summa:
 Implet & in cœlis gloria tota Dei.

בִּלְשׁוֹנָהּ שָׁחָה

IN Deo acquievit, sive
 Posuit Deum adiutorem suum.

Ὁ Θεός, ὁ στήριξάν με παράνομος ἡ σὺ ἔδικας.

Ἐγὼ σὺ θαρσαλέως θεοῦ χαρ' ἠλυσάβητ.

Καὶ νῦν ἠλυσάβητ τοῖς ἐν γυνεῶσιν ὁμολοῖ:

Περὶ Θεοῦ ἀλλὰ ἵχνη Σαββατοῦ αἰδῶν,

Georg. Elger in LL. Bacc. & Nov. Coll. Societ.

Chronogramma in Annum Christu quo iuxta communem computationem Anglia serenissima princeps Elisabetha moriebatur.

Morlens Deo fLoret eLlfa. 1602

Spiritus è cœlo transit cœloq; recurrit
Quem Deus ante dedit, nunc dat Elifa Deo.
Ergo quid mirum, Morlens si fLoret eLlfa?
Namq; Deo Morlens haud queat illa mori.

Viva fuit mundi, flos est nunc mortuus cœli.
Haud perijt, Morlens iLoret eLlfa Deo.

Quæ iacet hoc tumulo pogitas? decus orbis Elifa.

Quæ fuit illa rogās? nomen Elifa sac est.

Vrges? habe. Fuit beata (dum fuit)

Princeps Angligeni gloria stē matis.

Grata cunctis, & superis amata,

Corporis formā Venus at Diana

Mente, Pallas ingenij nitore,

Nec nō omnigenis Pallas in artibus

Iūonis animū pectoris claustro gerēs;

Ergo Diana, Venus, Pallas, Elifa tuo,

Cum Iunone, iacent tot numina magna sepulchro,

Nititur incassum mors invida perdere Elisam,
Terrea dum rapuit, cælica regna dedit.

Ergo quid diros ducis mors atra triumphos

En tibi pars superest integra quæq; dec.

Anglia corpus habet, mentem Deus, orbis honorē

Dic mihi, quid rapuit mors fera Elifa tibi.

Tho. Wynnyffens Art. Mag. Coll. Exon.

AT Regina gravi iam dudum sanctia Cura,
Vulnus atens Veni, (proh grave vulnus) obit.

Parce Elisa pio, & (testor) sine teste dolori,
 Qui soleat si non plurima, vera loqui.
 Cui tibi fuerat reliquorum incuria, *vulnus*
 Et fuit alterius, quod tibi *vulnus* erat.
 Ergo iace Terræ princeps, & filia Regis,
 Civis eris cœli, filia facta Dei.
 Intereâ, vos qui tumulatos roditis artus,
 Paucus, ut è multo corpore, pulvis ear,
 Parcite; nec vobis sacras violare medullas
 Dentibus infestis, suadeat vlla fames;
 Postera præteritæ credant ut secula fama;
 Quàm tenet exiguis viscera tanta locus.

Tellus & æquor, tuq; qui terram tegis,
 Vastq; moestus incubas aer solo,
 Pluvij perennes tristibus laxa sinus,
 Lachrymis egemus, lachrymas cœlû tuas
 Adiunge nostris, fletus hic noster parû est.
 Spectate cives, quisquis haud didicit mori,
 Hæc teste discat. Hic stupor mundi iacet
 Miraculum orbis, (nulla quam ex animis potest
 "Oblivionis eripere Mater, dies,
 Sit longa licet) *Elisa*; prohi fatum, ô dolor.
 Hæc alta sedes mentis, illustre hoc caput,
 Prudentiarum viva, dum vivum, domus
 Concidit, & ultra restat illius nihil
 Nisi auferendum, nil, nisi abdendum solo.
 Fodite ergo tumulum, qui sit ambabus satis,
 Patriæ atq; *Elisæ*: Pompa lugubris veni,
 Iustitia, Spes, Pax, alma Libertas, veni
 Religio, perijt *Elisa*, vos etiam brevi
 (Proh vera vereor fata) debetis mori.
 Iustitia Libram, tu Anchoram spes, Pax Togam,
 Et Pileum tu misera Libertas, sacram
 Religio vestem, ponite ad tumulum Deæ,
 Iuxta cadaver istud, ut sacras procul
 Secum sub umbras, illa quæ dedit, ferat.
 Deum, quo velitis, ultimas terræ plagas

Adite, nostris exules, (quando Iovi
Ita est statutum) Elisa! pro fatum, ô dolor.

At levia querimur; Tota ferales gerat
Natura cultus, luctui angusta est nimis.
Humana turba; siderum ô frequens cohors,
Extincta lux est nostra, cur vobis micat?

O tu à tonante passa quæ stuprum es Iove;
Lycaone progenera, descendas licet,
Nostrâq; longam Thamisi fedes sitim,
Et pellicatus eluas sordes tui,
Vt pura venias; adsit & custos tuus,
Vel cum sagittis; non potest nobis malum
Gravius timeri. Elisa/proh fatum, ô dolor.

Et tu Boote, plaustra, tantisper tua
Solutumq; cursum cohibe, & in terras redi,
Vt axe funus istud extollas tuo,
Cœleste funus: tuq; vocalis Lyræ,
Fidibus remissis carmen in sceleris tona.
Lyræq; Cygne proximum in cœlo decus,
Fatale tristi voce modularis melos,
Sed quale ripis flebilis Caystrijs,
Meandri ad vndas, morte vicinâ sonas,
Lateq; cantra. Elisa/proh fatum, ô dolor.

Tuq; igneorum, magne signorum Leo
Regnator, altas igne qui vestis iubas,
Rugito triste, atq; effice vt cœlum tremat;
Ruptoq; videat orbe, quod fiat, nefas.
At quid moraris? latius torvos polo
Protende vultus: Angli (inauditum prius)
Tremunt Leones; qui (licet tres sint) citò
Nisi hisce quartum iunxeris, fugam parant.
Atq; ecce factū est; sūma tibi laus, ô Leo
Iudæ, in timore qui iubet summo ratas
Spes esse nostras. Laus tibi. Sisto queri.

Brianus-Hollad Ars, Mag. Coll. e Margd.

Non opus est tumulo Mausoli: nec tibi marmor
Præstat opem; (ô Phoenix quondam nostri orbis Eliza).

Quæ tot gemmarum candens fulgore coruscas,
Huius & occidui tenebras quæ discutis orbis.

Carmine non opus est: Nec det tibi Musa decorẽ,
Quæ vitam Musis tribuisti; carmina laudes
Nostra tuas minuunt; superas quæ carmine Musas;
Quæq; tuos superas virtutis honore parentes.

Ergo quid? An nullo tumulo decoratur Eliza?
Principis aut tantæ nusquàm monumenta manebunt?
Absit. In æternum tumulum sibi struxit Eliza,
Quem nec livor edax, nec tempus perdere possit.

Haud tamen è duro saxo, ferro vè: sed illa
Religione suum fundavit; culmen ad astra
Vsq; ferens, veræ splendens pietatis honore
Quo tandem foelix vivit sine fine beata.

T. L. Regimensis.

PRata, homines, luna, & stellæ, sol, totaq; cœli
Et superùm splendens, plangite, flete, cohors.
Luna tuum, stellæ, & sol vestrum abscondite vultum,

Et mœstam mecum iam celebrate diem.
Elisabetha iacet, Phoenix, sol, lunaq;, stellæ;
Mundi cuncta nigram, plangite, flete, diem.
Qualis enim stellæ micat inter luna minores:
Regnantes inter, talis Eliza fuit.

Ante diem, quo nata parens purissima Christi est
Nata etiam nobis Elisabetha fuit.

Sollicit illa futura parens erat altera Christi,
Per quam religio reddita, & aucta fuit.

Ante diem quo prædicta incarnatio Christi,
Deseruit carnem calica virgo suam,

Et quando Christus matris descendit in aluum,
In gremium ascendit filia casta patris.

Pace ut suscepit, sic pace & sceptrâ gerebat.

Pace, & ad Æthereas ibat Eliza domos.

Sub qua relligio permultos floruit annos,
 Tollere Quam nec vis, nec potuere doli.
 Sed quid prava, homines, stellæ, sol, totaq; cœli
 Militia, haud lugent, funera fleuve tua?
 Ridet prava, homines, stellæ, sol, cunctaq; læto
 Aspiciunt vultu, & tempora læta canunt.
 Altera lux oritur, luci ex æquanda priori,
 Quæ pellit tenebras, cunctaq; læta facit.
 Anglia quam scælix, cui reges numen ademptos,
 Regno haud indignos indicat esse suo.

Robertus Chamberlaine Iohannensis, Armig.

O Re quam nullus potuit diserto
 Laudibus dignâ celebrare dignis,
 Aure quam nullus satura, satiusue
 Gloria audivit nimia politam;
 Hujus an possint lachrymis ocelli
 Tristis & vultus modicis popelli,

Funera flere?

Cujus in Musas pietas, amorq;
 Fluxit, & totis fluvijis rigavit
 Hortulos sacræ celebres Minervæ;
 Hanc satis luxit, nimiumve quisquam?
 Vberes falsos referant amoris
 Flumini tanto fluviosve, roris

Satvè sorores?

Cujus aspectu proceres benigno
 Lumen hauserunt, animam, decusq;
 Cuius insigni radiante luce
 Nobiles tanquàm micuere stellæ:
 Huius eclipsim proceres timentes,
 Nobiles mœsta facie videntes

Satne dolebunt?

Cujus illustris diadema virtus
 Munijt, vallis animumq; sepelit,
 Addidit vires juveni, seniq;

Robur

Robur accrescens, pueros peritos
Fecit, affectu tumidos timore,
Indidit pectus timidis, amore

Cuncta refecit.

Cujus insignis probitas fideles
Militi vires tribuit, quietem
Præbuit cunctis placidam, periculo
Subditos tutos statuens ab omni.
Huius haud omnes potuere Musæ
Splendidas laudes celebrare fuisse:
Musa, taceto.

P. D. Armiger Reginenfis.

Troia num fuit oppidum
Tutum, bellipotens, Marteque fervidum,
Sacrum Palladium dum tenuit mœnia fortia.
Victrix floruit Anglia,
Foelix, dives opum; ditior artibus,
Pallas Brutigenis dum rigidis martia præfuit.
Hinc illæ lachrymæ fluunt,
Hinc planctus, populus dum sua pectora
Conculsit manibus, movit & ad sydera brachia;
Hinc, quod præfuit & fuit
Anglis Palladium, nunc quasi non fier,
Exortus timidus mox timor est frigidus inscijs:
Sperant sed melius viri
Cordati, recreant quos nova gaudia.
Viderunt etenim regna tibi Rex fore debita.
Hinc sic talia dicere
Cæperunt: tenuit sydera Elisabeth
Custos Palladij. Palladium quid fuit? ipsane?
Non; verbi sacra pagina.
Ergo Palladium Pallade mortua
Serves Brutigenas, si teneat quod colit Anglia;

Nunc

Nunc carmen lachrymæ decent,
Sed miscent lachrymis gaudia carmina,
Sublatâ quoniam consequimur Pallade Apollinem.

R. D. Gen. Regimensis.

Fallitur extinctam dux ille mitratus Elizam
Qui credit, atq; inde insulam
Britanniæ spe devorat.

Dolman.

Fallitur augurio malus arbiter ille Britanni
Sceptri, novos titulos
Hæredis vrgens exteri.
Nam dea non moritur sed vivit Eliza, deumq;
Connubio iunxit sibi
Corregnat ut Iuno Iove;
Dimisitq; suo hæredi duo regna Iacobo
Ipse ut Britannis imperet,
Illa interim adstat Angelis.

Tho. Green. Exon. gentroy.

Non fuit imperijs tua laus inclusa duobus
Sed lapis inclusum corpus (Eliza) tegit;
Belgia te luget voce & gens anglica versu,
Teq; Iovis sobolem vox simul vna facit.
Obsequioq; tuo mea musa aptata, querelas
Tristis ad exequias fundit (Eliza) tuas.

O patre clarô filia clarior,
O matre pulchrâ filia pulchrior,
Quàm numen ingens vrnula continet
Dum terra-mater te (dea) contegit.

Geor. Grenvill, Cornubiensis, Arwig.

*Anagrammatismus,**Elizabetha Tudora Regina**In zelo gratia à Deo habetur.*

Te tua nobilitas reginam fecit: at ipse
 Zeluste gratam fecit, Eliza, Deo.

PEstore rivalet planctus plaususq; morantur:
 Qui sibi convenient, fundit uterq; modos;
 Hiq; illiq; placent; sacrat utrisq; columna
 Pars supera exequias, infera lata refert.

Colum. Regina Elizab. & Regi Jac. dicata.

Sunt nimis exigui quos auferat hora dolores;
 Non in tam tenui sunt mala nostra gradu.

Amans Dei entheasq; docta literas

Deoq; chara, & omnibus scientijs,

Princeps nobiliū sanguine stemmatū

Illustis cecidit lux decus Anglię,

Et Phoenix veteris noviq; mūdi,

Proles dia Iovis potens Eliza.

Qua concidente gratiz

Musq; cunctę mortuę

Occubuerē simul:

Lugere Angli.

gaudete Angli:

Emicuerē simul

Musq; cūctę fulgidę

Et gratię omnes floridę,

Extollēte suū iubar Iacobo;

Qui Phoenix veteris noviq; mūdi

Spes, lumē, columē lux, decus Anglię,

Clarus nobilium sanguine stemmatū,

Deoq; charus imperat Britannia.

Sacrę colens foveatq; scripta paginę.

Non ergo instabili stant bona nostra gradu,

Sunt satis ingentes quos attulit hora triumphū

Apostrophe.

TV quodd ades pater alme tuis(Iacobe) triumpho,
 Sed quod abest, stupeo, Mater Eliza suis.
 Sic & vtrinq̃ stupet mens, vt nisi plenus amore
 Solverat ora pudor, clauderet ora stupor.

*Iob. Chichester Devonienfis Equ. Fil.**Epitaph.*

Virgineos cineres brevis hæc capit vrnula, laudes
 Elizæ capiunt sydera, terra, Thetis.
 Qua vivâ hospitium dignum invenere sub astris
 Maestas, pietas, candor, & alma fides.
 Mortuâ at hospitium vix invenere sub astris
 Maestas, pietas vera, vel alma fides.
 Plangimus ergo omnes orbatî Principe tantâ
 Pro qua Vesta, Thetis, Mundus & ipse gemit.

Tbo. Palmbeele Exon.

NVllus, Elisa, tibi proprio de corpore natus :
 Solamen mortis dulce quod esse solet.
 Nam tibi vix similem poterat natura creare:
 Dissimilem de te, grande creare nefas.
 Sed tibi noster amor manet, æternûmq; manebit:
 Et testis vitæ gloria fida tuæ.
 Linquis & hæredi regnum, qui teq; tuosq;
 Diligit, & memores nos cupit esse tui.
 Hæc tibi solantur mortem, quoddq; æthere felix
 Mens vivat, magnos non minor inter avos.

A Iob. Babiington gen. & Coll. Corporis Christi.

Angliacam vates Maro si spectaret Elizam,
 Punica vix laudes ferret Elisa tuas;

Punica

Panica Brutigenæ quod Elizæ cedit Eliza,
Castior hæc, & non cultior illa fuit,

Ad Elizam mense Martio defunctam.

Carpere conatur te livor Eliza, sed inquit,
Ah malè quod carpat nil dat Eliza mali.
Non intacta tamen tu candida vivis, Elizam
Livor nescivit carpere, fata sciunt:
Sed carpunt quòd mense tuo Mars, tempora Martis
Tùm fera, tum verè ferrea semper eant.

Edm. Harewell Gen. ex Ædo Christi.

In obitum Regina Elisabethæ.

Nomen quod decus est prioris ævi,
Nomen sæcula quod colent futura,
Nomen nectare gratius beato,
Nomen charius his & his ocellis,
Nomen quod sapit Atticos lepores,
Hyblam quod redolet, refert Hymettum,
Nomen nobile, dulce, dedicatum
Cælo seu domui, Deo, salutis,
Nomen Cecropiæ libens Elizæ
Versu dicere splendido volebam.
O sed quam graue, quam nimis molestum
Nobis, qui colimus maligniores
Musas, & premimur dolore iusto,
Metris dicere splendidis Elizam.
Ergo Mnemosynen roga parentem
Dulcis Calliope, daret perenne
Vt nomen, decus & virens Elizæ:
Et vos quæ colitis sacros recessus
Musæ, Castaliâ domo sonate
Et in Pierijs iugis Elizam,
Vt livore sit hæc favente felix.

Et tu Phœbe refer sacros honores
 Terrarum Dominæ, deæ Britannum,
 Illi pagina vestra dedicetur
 Nec nomen sinat int erire tantum.
 Sed cum me dolor acris intus vrit,
 Ingens & gemitus negat Camœnam,
 Singultus, lachrymas, pios dolores
 Illi, seu pia rhura, victimasvè,
 Pro nostris fero nœnijs. Elizæ
 Nostrum hoc ad cineres erit Tributum

Rich. Greus gen, ex Aëde Christi.

Vix credenda loquor; moritur rosa vere recentis;
 Naturâ invitâ, non reditura, perit.
 Quid dixi? Moritur? fallor; nam vivit Olympo,
 Vnde exorta fuit, non peritura, redit.

Rob. Freke, Ænean. gen.

Quæ nostrâ impensè sovit modò Viva camœnâ,
 Defunctæ laudes nostra camœna canat.

Elisabetha cum Davide comparatio.

Accepe, Davidi cur æquiparemus Elisam,
 Esse prout poterunt scœmina, virq; pares.
 Concupijt Saulus Davidis tollere vitam,
 Cùm nondum populi Rex foret ille sui:
 Turbaq; Saulorum, cùm nondum sceptrâ teneres,
 Concupijt vitam tollere, Elisa, tuam.
 Sed Deus in regni Davidem sede locavit:
 Et tibi commisit regia sceptrâ Deum.
 Maxima cura fuit regnum Davidis adepti,
 Ut co'cret purâ religionè Deum:
 In regno positam nec maior habebat Elisam
 Quàm vera Christi religionis amor.

Lustra suum populum *David* rexerat octo :
 Octo vitra populum rexit *Elisa* suum.
 Tempora *Davidis* his septem lustra fuêrunt:
 Et quasi tot vitam vixit *Elisa* suam.
 Deniq; *David* *Solomon* successerat hæres :
 Et *Solomon* *Anglo* liquit *Elisa* throno.

Quæ modò Reginam regno spoliârat, eidem
 Mors eadem ad regnum semita recta fuit.
 Scilicet hoc regno terrestri morte relicto,
 Cum Christo in superis regnat *Elisa* polis.

Ioan. Yonge Nov. Coll. Socius.

Cum tua fama recens totum transmissa per orbē
 Gloriæ inasuetum spargat *Eliza* iubar,
 Moribus ista tuis prætexo umbracula, tantum
 Quod nequeam recto lumine ferre diem.

Qualis in Euphrate, aut Nili stagnantibus arvis
 Nocte sub æstus lotos caput abluuit undis,
 Omet ut expansum ad solis nova lumina florem;
 Qualis Marmaricos Elephas se mergit in amnes,
 Ut vigil ad Lunam primum Titana saluet
 Pronus, & aspersis redeat purgatus ab undis:
 Qualis & aggestum metuens attingere limum
 Cingitur, argenti capiturq; Ermella sub Arcto,
 Ne maculet niveos regum gestamina villos;
 Talis adorati spirabas numine Christi,
 Talis erat vitæ candor *Eliza* tuæ.

Qualis odorifero thuri contermina stacte
 Myrrha fluit lachrymans, truncoq; tenaciùs hæret
 Montibus alta Sabæ, quoties quassata sub Euris.
 Quale crocum denso crinitur gramine culmos,
 Puniceosq; levat flores, quod sæpius hortis
 Pannonijs, quod Corycijs calcatur in agris,

Qualis ab Indorum prodit fornacibus anthrax
Omne latus radians, modicum quem forte rubentē
Divite Narsingæ modò legit Maurus arena.

Talis ab innumeris huic virtus aucta periclis
Crevit, & à damnis maior Eliza fuit.

Qualis purpureis imitatus coccina pennis
Porphyrio, Domini castos vix passus amores,
Ambulat, & vidui meditatur comoda lecti:

Qualiter in regum digitis radiare Smaragdus

Castus, & æterna solitus vernare iuventa,

Rumpitur indignans Hymenæi ad gaudia sacris

Qualis Monoceros, quem tota armenta per Indos

Expectant sacro medicantem flumina cornu,

Virgineum, positis iris, miratur honorem.

Talis virgineo modò suspiravit amore

Christum, & mortales sprevit Eliza toros.

Qualiter alatos Arabum sub vere colubros
Littore Memphitico, & toto fugat aere victos
Sacra Ibis; in patrias cogens remeare paludes.

Qualiter ignotis venit auxiliator ab oris,

Defenditq; novas per rura Seleucides herbas,

Infestas pellens Casio de monte Locustas.

Qualiter æquoreis regnans delphinus in vndis

Iniecta irato diffringit retia salu,

Et prior erumpens captivum liberat ægmen.

Taliter infestas modò sparsit vbiq; Locustas,

Cumq; suis Latios cavit Eliza dolos.

Qualis in Eridano, erectis dum remigat alis,
Cycnus, longè aquilam cernens, se tollit ab vndis
Cum plausu, & rapidum vincit, non provocat, hostē.

Qualis & innocuum leo qui vix terruit Afrum,

Cum videt armatas sylvam cinxisse cohortes,

Sternit equos, juvenesq;, & rictu effulminat iras.

Quale Elephas, rostro obstantes qui summovet hédos,

Cum videt infestum nexu, morsuq; draconem,

Sævit, & impacto ferit ilia lubrica dentes:
Talis læsa prius tumidos prostravit iberos,
Perq; fretum infestas sparsit Eliza rates.

Talis erat viva; at moriens pro tempore corpus
Exiit, vt fœlix induat vsq; deum.
Sic Arabes casiam crudis sub pellibus abdunt,
Vt, ligno à verme eroso, crassaq; medulla,
Mittat odoratas intacto cortice merces.
Sic indiscretum quod vili acceverat algæ
Gurgite in Adriaco, insuetas cum senserit auras
Coralium in gemmam lictis durefcit ab vndis.
Plenius accepto sic lumine Luna refulget
(Quæ modo terrenâ defectum est passa sub vmbra)
Fugerit vt caudam, aut caput eluctata Draconis.
Sic in morte diu (veteris quæ est cauda draconis)
Non stetit amissâ Cynthia nostra die.

Talis erat moriens; at mox vbi gaudia cœli
Carpsit, quis poterit dicere qualis erat.

*Epitaphium in serenissimam principem Elizabetham
Anglæ, Franciæ, & Hyberniciæ Reginam.*

EN vbi Eliza iacet; pietate & pace beata;
Quæ sceptrâ Angligenûm ter tria lustrat ulit;
Virgo virûm exemplar; Mundi stupor; anchora Belgæ;
Gloria Saxonidæ; Pallade, Marte potens.

Guliel. Bridges Nov. Coll. Socius.

FElices illi nimum, ô Regina, Poetæ
Auspicijs regni qui cecinere tuis.
Discussâ quibus affluit caligine, Solis
Iustitiæ, primûm te radiante, iubar.
Infantem hâud aliter Christum querentibus, index
Fulsit tergemini stella diurna Magis.

Ergo

Ergo suis illi omnibus feliciter vsi,
 Augurijq; sui spes habuere ratas.
 Viva, videntiq;, regensq; illos gaudere iubebas,
 Nos plorare iubet Elisabeta cinis.
 Nempe pijs mors hæc tua sola quid ominis avertit,
 Sola quid augurij mors, nisi tristis, habet.
 Sic quæ clara diu præluxit euntibus, index
 Occidit attonitis stella repente Magis.

Tandem sollicitis sed & illa benigna resurgens
 Præcurrit cupidis in sua vota viris,
 Defectum posthæc omnem indignata, priusquam
 Signasset trepido lumine strata Dei:
 Sic etiam nostro, sexum mutata priorem
 Index Chrifte, tui, stella reversa polo est.
 Duret in adventum, si sic placet, illa secundum
 (Nec prius occasum sentiat illa) tuum.
 Supplicibus precibus, modò sit fas, ista precamur,
 Supremusq; Deus, si velit ista velit.

Verùm oblita tui digressa, revertere Musa,
 Vestra quod expectet carmina, funus adest.
 Non oblita mei digressa, nec inscia, quæro
 Vt possim hoc humeros fasce levare meos.
 Certè funereum promisi carmen Elisæ,
 Hoc etenim pietas officiosa velit.
 Sed vitam moresq; tuos, & splendida sceptrâ,
 Dum mihi mens agitat, deliquio ipsa labat.
 Qualis, qualis eras, te, te, Regina caremus,
 Damni huius sensus dicere plura vetat.
 Sic tantùm vegeta est in carmina Musa, pijq;
 Principis auspicijs, fœneribuiq; mali.

Virgo puella, senex: Regina, & subdita, Virgo:
 Vt fata, sic etiam mortua, Virgo fuit.
 Bis septena senex Virgo. feliciter egit,
 Lustrâq; regnavit, Regia Virgo, novem.

Quippè futura polo quod erat, prius Angelus esse
Capit : & humanæ nescia sortis erat.

Guilielmus Twisse Nov. Coll. Socini.

A Ccipe felicem cur prædicet orbis Elizam,
Cur æquet titulis sæcula prisca suis.
Regibus orta, hæres succedit certa sororis,
Fortuna imperio mox superaddit opes.
Larga simul tribuit speciem natura decoram,
Ut digna imperio vivida forma foret.
Hæc tamen obscurat virtutum gloria : virgo
Aversata malum, docta, pudica, pia.
Sic multas hiemes, decies septenaq; vidit
Solstitia, his alis mox super astra volat.
Ergo fuit felix auram dum traxit Eliza
Ætheream, nisi quid fallat Aristoteless;
Sin melius stomacho sapiant documenta Solonis,
Mortua felices inter habenda venit.

F Abula Saturni sunt aurea sæcula: pacem
Viva parit, moriens firmat Eliza suis.
Vtlerius iuga nulla animum corpusve fatigent;
Papicolæ fugiant, Anglia Christicola est.

Postponunt alij regno pietatis amorem,
Nec populum Domini, sed sua, iura docent:
Posthabuit regnum curæ pietatis Eliza,
Sola dei mandans, non sua, iura suis.
Indulgent alij genio virtute relicta,
Contemnuntq; artes, diâ Minerva, tuas:
Nescia luxuriæ Musis se vovit Eliza,
Quoslibet externos docta referre sonos.
Effuso multi sociorum sanguine gaudent,
Quæis ad aperta placet ianua Iane tua:
Succurrit miseris quos fregerat hostis Eliza,
At patriæ tribuit otia grata suæ.

P

Nos

Nos igitur memori celebremus carmine adeptam,
Vivat & in vivo pectore Eliza diu.

Quam bene iuncta quiescis: avolsit ille virorum
Sol, tu foeminei casta Diana chori.

Robertus Polden Nov. Coll. Socini.

*Serenissima Elizabetha Angla, Francia,
& Hibernia nuper Regina
Epitaphium.*

Qui legis hæc, nomen pariter, vitamque sepulcræ,
Et mortis discas, sed sine labe, genus,
Elizabetha novem per lustra, Britannica, Virgo,
Sceptra tenens, molli jam requiescit humo,
Non illam Romana lues, scelerataque, dextra,
Et toties vano vis resoluta metu:
Non avidi numerosa cohors violavit Iberi,
Quæque aliâs dextrò tela repulsa Deo,
Sed matura Deo, mente, atque ætate, vocanti
Cælum animam, similis corpora pulvis habet.

Coditur hoc tumulo (triplici Deus ordine gaudet)
Princeps, Virgo, Parens, docta, pudica, potens,
Virgo licet fuerit, prosit dixisse parentem;
Namque parens doctis, dum fuit, illa fuit.

Cur tibi Mularum plangent Epicedia, queris?
Cur fluat ad tristes docta Camœna rogos?
Carminibus (si nescis) vates revocavit ab Orco
Euridicen: vitæ munera carmen habet.

Miraris cur plura tibi dare carmina nolim?
Cur nolim in laudes longior esse tuas?
Flere meos potui, sed non cantare dolores.
Lætum opus ingenij est; triste doloris onus.

CVM propè diva diem sentiret Elisa supremum,
 Et fore iam vitæ fila secanda suæ:
 Quò tria dona tribus, per verba novissima, natis
 Legaret, positâ iussit adesse morâ.
 Nec mora, conveniunt: vultu regina sereno,
 Oscula dat natis non repetenda suis.
 Atque ubi verba viam (quibus impedière meatus
 Gaudia stelliferi præmeditata poli)
 Invenere suam, cunctas beat ordine natas,
 Et nova nunc vates fata futura canit.
 Flore iuventutis mihi nata Britannia, dixit,
 Ut prior ætate es, sic & honore prior.
 Quam tibi do pacem moritura, tuebitur hæres;
 Es neq; finitimis præda futura locis.
 Ecce Tributa tibi persolvat Hibernica tellus,
 Et tibi dona feret splendida Galla soror.
 Dacus & Assyrius te noverit, Afer, & Indus,
 Te Rhodani pотор, Belga, Gelonus, Iber.
 Magna per immensum tua fama vagabitur orbem,
 Audiet atque tuum nomen vterq; polus.
 At tu, quæ colubros non pascis Hibernia (ducit
 Vipera progenies sed tamen indè genus)
 Germanæ sis serva tuæ, huius iussa capesse,
 Nec facili pigeat subdere colla iugo,
 Et iam tempus erit (quod non procul auguror esse)
 Tyronus vincas cum dabit ipse manus.
 Hinc tibi prosperitas orta est, hinc copiarerum,
 Hinc pax in longos perpetua dies.
 Et tu Nata minor, sis Gallia serva sorori,
 Est tibi servitium tale futura salus.
 Nulla salus bello, pacem tu posce sororem,
 Non posces citius quàm dabit illa tibi.
 Iam morior: quid restat adhuc, nisi ut omnia donè?
 Cælo animam, mundo facta, cadaver humo?

Scire cupis causam * pridie cur, sacra, diei
 Virginis, ad superas scandit Elisa domus?

* Obiit, n.
 regina pri-
 die annun-
 ciationis
 Virginis
 Mariæ.

Disce brevi amoritura diem sibi legerat istum,
 Cætera quòd paribus, par sit utriq; dies,
 Virgo *Maria* fuit, fuit *illa* : beata *Maria*,
 Inter scemineum *Beta* beata genus.
 Hæres *huic* princeps fuit, *altera* principis hæres,
 Hæc vtero gessit, corde sed *illa* Deum.
 Cætera cum similes, cum cætera pœne gemellæ,
 Hoc vno parilem non habuere statum:
 In terris hæc vixit inops, nunc regnat in astris:
Illa lolo, superis *illa* beata polis.

Esse quid hoc dicam? cecidit *Rosa* tempore veris,
 Frigore quam nequijt lædere bruma suo.
 Quid dixi demens, potuit non lædere bruma?
 Ver fuit æternum, dum *Rosa* nostra fuit,

Ut tua vita, tuis, regina Britanna, Britannis
 Vita fuit: sic mors, mors tua, facta tuis.
 Ecce sed in tantis (sic dij voluere) periclis,
 Exoritur Phœnix, te moriente, novus.
 Hoc cineres fecere tui: sic viva beatum.
 Fecisti populum; sic pia, morte beas.

Miraris, regina suos cur clauderet annos
 Tempore, quo finem temporis annus habet?
 Scilicet ut scires annos, & secula, tali
 Principe sublatâ, nunc habitura modum.

Si genus, ingenium, pietas, prudentia, regnum,
 Plebis amor, sincera fides, doctrina, venustas,
 Mortali poterant vitam donasse perennem:
 Illius ad bustum non sic ego threna dedissem,
 Cui genus, ingenium, pietas, prudentia, regnum,
 Plebis amor, sincera fides, doctrina, venustas.

Esse probat verum sese fingendo poetam
 Naso, dum, *ingenium grande doloris*, ait.

Nam mihi Regina crudelia fata dolenti
 Nec fuit ingenium, mica nec vna salis.
 Scilicet vt mirum modicus dolor addit acumen
 Ingens, ingenium sic rapit omne dolor.

Conclusio ad Regem.

NE tuis veritas vitio, Iacobe,
 Morre quòd demptā doleant Elisā,
 Cum tuas laudes potius canentes,
 Læta sonarent.
 Nullus oblato duce te triumphat,
 Quin & ablatā dolet hic Elisā,
 Pœnè nā Princeps manet idem: adempto
 Nomine, sexu.
 Quæ tibi virtus animi refulget.
 Viva, viventi fuit hæc Elisā,
 Hinc tibi Pæan canitur, sed illi
 Flebile carmen.

Tho. Morton ex Anlâ Edmundi.

SIc de virginea dea triumphos.
 Mors duxere & Hymen: prior peremit
 (Si demiliceat deam,) secundus
 Iuoxit connubio perennitati:
 Aer cantat, hymen; novant choreas
 Orbes, astra faces ferunt: Britanni
 Plangunt interea omnibus querelis,
 Nullus cantat, hymen; novat choreas
 Nullus, nullus amat faces, sed omnes
 Lugubres liquidas eunt in vndas,
 Nam reatrix moduli, facis, choræz,
 Impar terrigenis regit superna.

Samuel Radcliffe Aeneas.

VNa, tamen quadruplex: per sexum *Femina*, *Virgo*
 Per vitam, *Princeps* per regnum, *Diva* per astra.
Femina nata: dedit sexum natura, sed ipsi
 Prævaluit virtus, nec facta est femina sexu.
Virgo casta: decor dum vix finit esse, quod optat,
 Quo minus ille finit, magis abstinuisse decorum.
Princeps iusta: hæres *Astræ*; * *Libra* secuta est
 Et *Leo* præcessit: conspirant fortia iustis.
Diva beata: illi dum terra putatur inepta,
 Aptius est cælum: redit huc, fuit vnde profecta.
 Princeps sola fuit regno; non sola supernè
 In cælo *Diva* est: sed *Diva* est principe maior.

* In octavâ
 spærâ, *Leo*
 præcedit,
 & *libra* se-
 quitur *Vir-*
ginem.

GNossiam Bacchus referebat in astra coronam;
 Sed capiti imposita est, *Elisabetha*, tuo.
 Compressi lachrymas: tu cælo fausta triumphas,
 Et fausti in terris nos, tua turba, sumus.

Guliel. Combe & Edis Christi, Gen.

VEre novo fatis (fieri quis credat?) *Elisa*
 Succubuit, tunc cum crescere quæq; solent,
 Ver erat autumnus nobis: pulcherrima namq;
 Tum cecidit, nostro quæ fuit, herba, solo.
 Tempora redduntur præpostera funere *Elizæ*:
 Vere * obit, autumno quæ prius ^b orta fuit,
 Scilicet hoc pacto verna autumnalia fiunt
 Tempora, vt autumnus verna fuere prius.

* Obijt 24.
 Mar.
 Nata est 7.
 Septemb.

Verno tempore flos occidit *Angliæ*,
 Cumq; illo *Angligenæ*, nî citò flosculus
 Ex illo similis cresceret aureus,

Rob. Ayræ: à Coll. Mart. Gen.

Anagramma.

*Elisabetha Tuddera Regina.**Regnabas Hespera Eli David.*

EXercitatos muneribus *Altissimi*
 Quæro; sed ò quam foemina
 Superavit omnes. *Hespera* non cesserit
 Divinus ardor, purior
 Religio, subsidium miserrimis pie
 Fides *Elsa* singulis.
 Siquid *David* contigit foelicus,
 Seu Regna, seu clarissimos
 Belli exitus velis; nec huic Anglùm decus
 Cedit triumphis plurimis.
 Cultus *El*, clementiam, sacras preces
 Amplectitur, sed sanctius,
*A*quas *Elsa* condit (ut nihil prius)
 Servatque leges conditas.
 Indulget; at non dat supremi Numinis
 Laudes Lupis, Leonibus,
 Porcis terendas, In malos asperrima est;
 Et exquilinos alites
 Vndique volantes carcere & palis premit,
 Et morte nomen inclytum
 Supra senem senex virum virgo extulit,
 Vivens pie, moriens pie.
 Foelix quater Britannia, in qua sanctior
Regnabas Hespera, Eli, David.

Gustel. Bennion Coll. Om. Animo.

EDito funebres mecum mea Musa querelas
 Et lachrymas funde, & lachrymis superaddito carmen,
 Orba parente suâ iacet Anglia, mortua Eliza est,
 Gloria foeminei sexus, Altra Britannia,
 Delitix generis nostri, admiratio mundi,
 Virgo obiit, quâ non præstantior altera, Virgo
 Ortu obituque suo, Regina, & filia Regum;
 Quæque tulit nobis, ea gaudia sustulit Anglis,

Gau-

Gaudia virgineo connata & mortua sceptro.

O quam te memorat Virgo mea Musa, mihiq;
(Qui nequeo narrare) refert tua in ordine gesta?
Tu patriam externis quassatam viribus auges,
Aucta (ne rursus timeat) caput exeris, hostem
Parua diu timuit, iam Magna timetur ab hoste.
Tu patriam certis confirmas legibus, & quo
Filia Iustitiæ discernens singula iure;
Iustitiam Imperij sequitur Pax, Copia pacem,
Anglia (cum fueras privata) minoribus illis
Dijis antiquorum, Papæq; penatibus olim
Subdita erat; Tecum, conversa est Anglia vero
Et donata Deo, spreto cum Dæmone patre
Purpureæ in terris Meretricis imagine, Papa.
Spreta etiam est Fratrum lebusitaca turba malorū,
Et rasi monachi, reverendi infamia cleri:
Quid iuvat hæc fecisse tamen, quidve ista Britannis
Commoda procurasse? nihil Mors talia curat.
Proh dolor, hic finis rerum est, hæc meta laborum,
Hic pacem firmare, & leges condere sacras,
Deinde mori. Regum mors ultimus Ostracismus,
Ergone tam subito sepelitur nomen Elizæ?
Et mors perpetuam tollit cum corpore famam?
Absit, ut hæc nostras tangant deliria mentes;
Parte tui meliore superstes vivis Eliza,
Viva per ora hominum volitas, quot corda bonorū,
Tot scælix habeas, virgo Regina, sepulchra.
Edere funebres nunc desine Musa querelas
Carminibusq; modum, lachrymisq; imposito finē.
Mors iter in cælos, huc iuit mortua Eliza,
Sub pedibusq; videt, quos rexit viva Britannos.

Guiliel. Oshelsson ex Edæ Christi.

Ploremus Angli, dubius effulsit dies,
Reliquit astra Phœbus Oceano cadens,
Tristisq; mundus nubilo pallet novo,

Hic

Hic vultur, illic Lucifer bubo gemit
 Gemitu sinistro nuncij semper mali.
 Ploremus, inquam, sic enim Parca voluit;
 Perpetuus vrget virginem Elizam sopor,
 Cujus dolendum quis satis casum fleat?
 Primis ab annis hæc sinu fovit suo
 Novem sorores, moribus præstans bonis,
 Pietate constans, paginæ zelo sacræ
 Ardens; amore cuius, heu, passa haud leue
 Pondus laboris, quàm graue enarrent senes.
 Proxima sorori fræna moderata imperi
 Placide, quiete, ac plebe plaudenti manu;
 Hæc, hæc regente, iura florebant bona,
 Religio, pietas, & sacrum verbum Dei:
 Hinc, hinc bonorum ditis ad plenum Angliæ
 Cornu benigno copia affluxit diu:
 Huic magna populi cura; consuluit magis
 Regni salutem, quam suæ (sistæ haud loquor.)
 Morbo laborans, signa designat sui
 Studij, Stuartum proximum hæredem, vocans.
 (Qui iam potitur iure regali throno
 Pace & fruatur, faxit, ô faxit, Deus)
 Moritura Eliza manibus æterni Dei
 Commisit inde spiritum, corpus solo;
 Minimè repugnans, & lubens morti dedit.
 Quam incerta fata numinum, & nostræ brevis
 Quam summa vitæ est? vna mors omnes manet,
 Quæ modò paterni nobilis regni comes,
 Decusq; mundi, syderum fulsit modo,
 Haud primo in ævo viridis, at fracto occidit,
 Et funeri confertur, ô fatum graue:
 Nunc at quietem carpit æternam poli,
 Frequenq; turba regium cingit latus.

P. Lanson Iobannensis.

Semper eadem.

Hæc duo verba legens fugitivo de grege porcus
 Risit, & hos rabido protulit ore sonos.
 An, Regina, putes mortalem non tibi sortem
 Competere? æternam tene, superba, putes?
 Adveniet tempus quod non procul auguror esse,
 Quando vix eadem tu reputeris, ait.
 Non tua maiestas, generis non splendor aviti
 Vindictæ exitio, cum venit ille dies.
 Non te religio, pietas non flecta iuvabit,
 Victimæ Plutonis nil miserantis eris.
 Tum de te summos celebrabit Papa triumphos,
 Quæ nunc immotam te fore semper ais.
 Perfide quid blateras blasphemæ talia voce?
 Cur mentis saniem, cur maledicta vomis?
 Hæc eadem est semper, non mutat lubrica sortem
 Fortunæ varias non subit illa vices.
 Nam regina fuit, semper regina futura:
 Virgo fuit, dabitur Virginitate frui.
 Diva fuit terris, eadem præfulget in astris
 Luciferi offuscat regia stella iubar.
 Viva fuit quondam nec adhuc est mortua Virgo
 Vivit in arce poli, vivit in ore virum;
 Vivit adhuc terris dum Rex Iacobus Elisæ
 Effigiem vivam par pietate refert,
 Hoc tantum interfit quod iam cœlestia sceptrâ
 Possidet, at tenuit sceptrâ caduca prius.
 Anglicos cætus quæ prudens rexerat olim
 Angelicos cœlo iam tenet illa choros.

*Georg. Brown Coll. Mad.**Elizabetha Protopopœia.*

Gloria, forma, Caro, minuunt Insignia mentis,
 Illa dabunt poenas, his manet alta quies.

Tota

Tota *caro* scenum, flos *Gloria*, *forma* favilla;
 Evolat hæc, perit hic, hoc capit vna brevis.
 Hæc ego delevi tristis tria stigmata mortis
 Rectâ, ægro, vigili, mente, labore, metu.
Corporis illecebras devotâ mente recidi;
 Vnde meis populis avocat arma Deus.
 Nec levis aurati tumefecit *Gloria* sceptri:
Gloria sed tumidam non peritura facit.
 Nec nocuit mea *forma* mihi, quam graminis instar
 Vna dies misit, sustulit vna dies.
 Hæc mea *forma* fuit, summi sapientia Regis:
 Hanc mihi donavit Christus, imago patris.
 Hæc Veneris speciem, Iunonis sceptrâ subegi,
 Palladis ingenium, Penelopeq; iugum.
 Hæc domui Papæ Bullas, & bella Philippi;
 Hæc dominante Deâ Gallus & Anglus ovant.
 Camber, & indomitus coluerunt Numen Iernus:
 Nec tacuit laudes Belgica terra meas.
 Interea, Britonum varijs agitata procellis,
 Contremuere metu Roma, Guiana, Gades.
 Sic Deus *Ancillam* donis ditavit opimis;
 Sic pacem populis, hostibus arma dedit.

Rich. Nanney Coll. Jesu Socins.

Sic fuit in fati! vt enim * miracula regnum
 Concussêre Iovis, (Vulcano vota tenente)
 Cum patris è capite exiliit, terrâq; petivit
 Pallas, foemineum gavisa assumere vultum:
 (Aspirante deo) sic fas fuit aëra circum
 Ignea * spectra vehi, diras minitantiæ clades,
 Cùm mors Angliacæ ad superos immitis Elizam
 Mitteret: Illa suo venit mirabilis ortu,
 Hæc vitæ occasu redijt mirabilis: alma
 Quam pietas, quam casta fides, quam bellica Martis
 Parma, verecundæ veneranda *Phæstra* Dianæ,
 Vnga caduciferi, constantis *cursa* Camilli,

* Pausani-
 as in Arca-
 dicis.

* Cometa
 apparet
 in Monâ in
 sulâ ad obi-
 tû Reginz.

Quam Radamanthæe laevis, quam dona deorum
Singula, sublimi Sanctorum sede locarunt.

Evangelium Vangelian Coll. Iesud

AH quàm falsus eram / quàm spe laetatus inani!
Donec Apollinei cultor & ipse chori.
Durantes sine fine dies, mens suasit, amicis
Posse quidem Musas, & dare velle suis.
Posse tamen vel velle deest: aut forsan vitrumq;:
Hinc deplorandam sensit Elisa necem.
Sensit Elisa necem, quæ cunctis grata Camænis,
Phœbo grata, tibi grata, Thalia, fuit.
Ite igitur vanæ, quondam mea cura, camænæ,
Ite, magis uerdi est altera cura mihi:
Ite: redite tamen: celebratur funus Elisæ:
Hic opus auxilio, turba novena, tuo,
At nolunt; quibus ergo modis tibi carmina pangā,
Carmina, quæ factis sint, des, digna tuis?
Parva petunt manes: pietas pro divo grata est.
Hinc satis est, carmen me tibi velle dare.

Vitæ te populum, Regina, beasse Britannum,
Qui negat huic oculos iure fuisse negem;
Quin etiam populum te morte beasse Britannum,
Qui negat huic oculos iure fuisse negem.
Sic vitæ, sic mortæ beas. Quis crederet unquam?
Solutus in his socius sit tibi, diva, Deus.

Hætrillius Woods ex Aula Edmunda

EXue Sidonio bis tinctas murice vestes;
Purpureus luctum non decet illè color.
Linque triumphales lauros: animoq; labanti
Reijce de nitidis spicea ferta comis.
Iam te flere decet miserabilis Anglia, pannis
Iam te funereis cingere tempus adest,

Sola piz tulerat quæ nobis gaudia vitæ
 Nunc (infelicitis causa doloris) abest.
 Ah iacet Anglorum spes, Phœnix, gloria; morte
 Crudeli *Phœnix Elisabetha* iacet.
 Barbaricos Turcæ, solâ hâc regnante, furores;
 Et tumidi Papæ verba minasq; feras,
 Et fremitum Hispani non horruit Anglia, Eliza
 Princeps dum nostris imperitavit agris.
 Tuta fides illi: pietasq; intacta manebat,
 Sanctus & illæxæ virginitatis amor.
 Heu! mihi in æternum nigro signanda lapillo
 Attra dies, tantum quæ tegere aula iubar.

Dan. Idem: Merv.

FVnus Elisa, tuum, mœstamq; ex ordine pompâ,
 Vix possum siccâ commeminisse genâ.
 Ante meos oculos procerum longissimus ordo,
 Armaq; & atrati flere videntur equi.
 Ipsa *Coronata* recubans apparet imago,
 Cui vivam invidet Pigmalionis opus.
 Illam qui siccis in vectam vidit ocellis,
 Aut malus, aut certe ferreus ille fuit.

Samuel Turner Coll. Corp. Christi.

Omiseros Anglos, mundi quibus vnica Phœnix
 Vltima sit nostro, (tristia fata) solo.
 Fœlices Arabes, mundi quibus vnica Phœnix;
 Phœnicem reparat, depereundo novam.

Antið.

Heming.
 gen Ang.

NEc magis est fœlix, fœlix licet ipsa vocetur
 Terra Arabû, Phœnice suâ, quâ terra Britânûm:
 Phœnicem tulit ista suam? Tulit ista suumq;
 Ex cinere alterius. Nobis non vnica Phœnix,
 Illa nec Angligenis, numerabitur vltima Phœnix.
 Ergo erras, vates, tua te sententia fallit.

Iac. Westover. Ænean. gen.

FLevisse exanimem serenam Elizam
 Ardebam, pedibus modisq; vinctis:
 At Musæ renuunt ter invocatae,
 Et tardè numeri fluunt; stupeſco;
 Quæ sit cauſa rogo: reperta tandem eſt;
 Quod tantus dolor, & querela tanta
 Non novit numeroſve limitelſe.

Auguſt. Steward Gen. Coll. Oriat.

QVod de Cæſare erat celebre dictum,
 Aut non debuit ortum habere Cæſar,
 Aut non debuit interire Cæſar:
 Dicam verius hoc de ſacra Eliza,
 Aut non debuit ortum habere Eliza,
 Aut non debuit interire Eliza:
 Tantus ex obitu dolor renatus.

Rieb. Care Gen. Coll. Orientaliſi.

Occidit (heu) regni decus immortale Britanni;
 Occidit occidux gloria vera plagæ:
 Cui neq; priſca parem proavorum viderat ætas
 Aurea, nec ſimilem ſæcula noſtra dabunt.
 Illa Britannorum ſacro de ſanguine regum
 Orta fuit *gemina* magna propago *Rofa*:
 Patre ſata in viſto, cui viſta Bolonia ceſſit,
 Quæq; patet nudo nunc Teravanna ſolo.
 Quam dum maternâ teneram formaret in aluo
 Natura, & lætum lætior vrget opus,
 Peſtoris anguſtos Charites ſubiere recessus,
 Virgineis ſedes illa Deabus erat.
 Naſcentem excepit Pallas, doctæq; Camænæ
 Infantem caſto ſuſtinuere ſinu.
 Nec mora, Religio ſacris amplexa lacertis,
 Et veneranda fides vbera prima dedit;

Hinc

Hinc secura quies sanctam comitata Coronam
 Tam pia cœlesti scepra beavit ope.
 Nulla tuo litui vox est audita popello,
 Nec raucas matres pertimere tubas.

Clemens Wescumb Nov. Coll. Socius.

INfandum, Regina, iubes memorare dolorem,
 Mæstaq; funereis iungere verba modis:
 Et vellem, & nequeot neq; enim Te carmina promi.
 Vlla è tam tristi pectore digna queunt,
 Quod tamen officij est: lacrymas in funere fundo,
 Cumq; pijs lacrymis accipe & hos elegos.
SI forsan vestras, Hospes, pervenit ad aures,
 Quæ fuerit regni gloria virginæ:
 (Sive habitas Scythicas hyemes, aut littora Chinæ,
 Seu colis auriferi rura opulenta Tagi:
 Seu Lybiæ deserta feræ, Nilivè paludes,
 Aut nova quæ occiduo littora Sole calent:
 Seu propius, Latium, sive illas, proximus, oras,
 Quas tam vicinis alluit Ister aquis:)
 Aspice communes Reginæ in funere planctus,
 Et lacrymas lacrymis accomitare tuis.
 Aspice pullatos Proceres, Plebisq; catervas,
 Aspice quos gemitus Anglia tota dedit.
 Et postquam ad patrias tutus remeaveris oras;
 Gens tua non siccis audiat ista genis.
 Occidit, heu! tandem maturâ morte precepta,
 Occidit Arctoi gloria Virgo poli.
 Et si, quæ fuerit, forsan rogaverit vllus,
 Hæc à me breviter, quæ referantur, habe.
 Cum ter quingentos hic Sol evolverat annos,
 Et prope ter denis quatuor addiderat,
 Ex quo Iustitiæ Sol Mundo affulsit ab alto
 Christus, & in terras venit imago Dei:
 Henrici octavi sacro de semine nata
 Nobilis hæc Princeps *Elisabetha* fuit.

Nascen-

Nascenti Charites, diæq; Heliconis alumnae,
 Cumq; suis aderat casta Diana choris,
 Non nostri ingenij est dotes numerare stupendas,
 Quas dederat largâ Cælica turba manu:
 Nil iuvat accensâ Solem monstrare lucernâ;
 Exoriente latent Astra minora die.
 Hic Nasone opus est, vel qui Troiana canebat
 Prælis, & Hectoreum funus in Iliade.
 Tanta inerat virtus animo, sapientia tanta,
 Infusa erat menti tanta pudicitia;
 Ut non ornata Divarum munere credas,
 Sed mentem Divas incoluisse putes.
 Privatos fileo quos hic transegerit annos,
 Chara Homini, summo socmina chara Deo:
 Nec referam quibus illa malis post funera fratris
 Egerit infestis irrequieta dies,
 Sanguinei quoties *vi Ovem* de fauce Leonis
 Eripuit magni dextera sola Dei!
 Nam vitæ expletis viginti & quatuor annis,
 Maturâ occubuit morte, inimica *Soror*;
 Insperata pijs sic tu solatia mittis,
 Protegis & Sanctos, summe *leova*, tuos.
 Tunc etenim ascendens solium *Elisabetha* paterni,
 Virgineâ accepit regia sceptrâ manu.
 Quid memorem hîc populi plausus, procerumq; triumphos,
 Et missa ex imo pectore vota Deo;
 Ut quam reddiderat per tanta pericula salvam,
 Illi regnandi tempora fausta daret?
 Annuerat votis summi moderator Olympi,
 Et facilis, Sancti quod petiere, de dir.
 Nam valido sacram cinxit munimine Servam,
 Et sæpe hostiles reppulit ipse manus.
 Infano quoties Paparum erepta furori
 Effugit positos non-laquesta dolos!
 Non illam audaces gladij, non mille venena,
Impia non poterat perdere *Bulla Pij*.
 Intentata ipsi quoties cum scœnore damna
 Publica in hostilem rettulit illa sinum!

Belgica testatur, testatur & ipse cruore
 Hispano toties spumeus Oceanus.
 Nec mirum, aut Papam sic illam odisse, vel ipsum
 Quæ semper coluit, sic redamasse Deum.
 Nam simul & Papam regno expulit, atq; Iehovam
 Præcepit purâ religionē coli.
 Tunc & Missificis nostro procul orbe fugatis,
 Desierat regni fœda superstilitio:
 Sacratifq; Deo templis Idola cremantur,
 Vni offert populus vota precesq; Deo.
 Quæ sceleratorum fuerat spelunca latronum,
 Reddita erat Christo sponsa pudica suo.
 Quæq; fuit subito lapsura Academia casu,
 Splendores veteres obinet eius ope.
 Nota quid hîc referam tranquillæ tempora pacis?
 Tuti Virgineo viximus imperio.
 Hei mihi quod cogor sic dicere, *Viximus olim;*
 Quodq; ita non semper vivere posse datum est.
 Verum hoc ille negat, qui bis septena volebat
 Lustra, brevem humani temporis esse modum:
 Quæ postquam attigerat feliciter Elisabetha;
 Avolat ad Superas nobilis umbra domos.
 Ergo tua æterno clauduntur lumina somno?
 Mors potuit vitæ rumpere fila tuæ?
 Cui similem totus, qui nunc est, non habet orbis,
 Nulla tulere parem sæcula, nulla ferent.
 Profuit ergo tibi nihil edidicisse tot artes;
 Pectoraq; ingenuis excoluisse modis?
 Et quæ nascenti dederant tibi munera Diuæ,
 Hæc Parcæ poterant eripuisse tibi?
 Non tibi, sed Terræ: nam tu, Regina, beata
 Fulges Angelicis annumerata choris,
 Hoc igitur tenui signetur carmine Saxum,
 Quod memini in votis sæpe fuisse tuis.

L *Vstra novem regnis in pace potita Britannia,
 Hic iacet atatis gloria Virgo sua.*

Thom. Hiccock Nov. Coll. Socini.

R

Ergo

Ergo Sibyllinam frustra tibi sæpe senectam,
 Nostraq; Nestoreos vota dedere dies.
 Deferis, heu, populumq; tuum, miserisq; fideles,
 Quos pietas patrio iussit abesse solo.
 Nec te nostra salus, nec sceptri maxima tangit
 Cura tui, æthereos quin petis alta polos,
 At nobis lacrymas linqvis, miserisq; querelas;
 Mœstaq; continuis ora rigantur aquis.
 Indignas laniata genas, discissa capillos
 Anglia tota tuo funere læsa dolet.
 Nam quæ terra tibi lacrymas ingrata negaret
 Ingenij felix munere facta tui?
 Tu duros placidâ fovisti pace colonos,
 Vt per læta ferax surgeret arva Ceres,
 Per te marmoreo nova pax est reddita ponto,
 Vt revehant madidi carbasa tuta Noti.
 Indomitæ populus tua fræna recepit Iernæ,
 Vitonis & nostro subditur ora iugo.
 Quæq; polo visæ classes pelagoq; minari,
 Propter te cæcis obruit vnda vadis.
 Per te, nè Christi sacrum prædetur ovile,
 Exulat Ausonio subdita turba Lupo,
 Iustitiæ sincerus amor, clementia, virtus,
 Canaq; cum sanctâ religionis fides:
 Quæq; patet dubijs solertia provida rebus;
 Totaq; sollicito libera vita metu:
 Cura tui populi, firmæ constantia mentis;
 Maiori sunt hæc cuncta canenda sono.
 Virtutes mirata tuas, Regina, tuisq;
 Impar muneribus nostra Thalia tacet.

Daniel Gardiner Nov. Coll. Socini.

Quot miranda prius, tot nunc ploranda supersunt,
 Placidibus ut iam sint plausibus apta prius.

Tot bona (Elisa) tuo, sunt contumelata sepulchro,
 Quot fuerant vitæ concumulata tuæ.
 Quæ laudare satis ceu nullus idoneus esset,
 Sic lugere satis, non satis vllus erit.
 Des oculis Helecon a meis, fontemq; perennem,
 In lachrymas Helecon non satis omnis erit.
 Instilles Helecon animo, venamq; fluentem,
 In questus Helecon non satis omnis erit.
 Sed iuvat vsq; queri, iuvat indulgere dolori,
 Musa sit in questus ingeniosa meos.
 Ergo iaces? (nequeo per luctus edere nomen
 Dulce aliquando tuis) Elisabetha iaces?
 Heu dolet, & nimio rumpuntur corda dolore,
 At dolet vsq; tamen non doluisse satis.
 Omni linguarum totidem si suppetat vsus,
 Vna quot egregie calluit illa loqui:
 Audiret Gallus, Græcus, Germanus, Iberus,
 Per proprium questus quisq; idioma meos.
 Occidit Anglorum columen, decus occidit ingens,
 Occidit, vt nil non occidat, ipsa salus.

Tho. Tisdale Nov. Coll. Socius

Prosopopæia ad Parca.

Quid mihi vobiscum est crudelia numina Parce,
 Ad placidas geritis quæ fera corda preces?
 Quamvis fatorum penes est vos summa potestas,
 Et vestro arbitrio fœmina virq; cadunt:
 Virgineo saltē potuistis parcere fuso,
 Lentaq; per longas ducere fila moras:
 Quid pia, quid tantum princeps commisit Elisa,
 Tam cū dō Lethæis vt premeretur aquis?
 Si neq; præcellens probitas, neq; gloria regni,
 Nec potuit mentes flectere cana Fides,
 At proprij saltē tetigisset gratia sexus,
 Cuius erat magnum maxima Elisa decus.

Hanc poterat matrem vocare annosa vetustas, (13) *unus in T.*
 Virgine Cumanos aspiciente Dices, *non videtur non*
 Terrefcit hanc poterant Divum memorare Nepotes, *non videtur non*
 Reginâ et hercos suspiciente polos, *non videtur non*
 Funus at est scopus, nam solvens debita terræ,
 Lucrata est superos inter Eliza locum.

Nath. Tomkins à Coll. Magd.

Cuncta Cupido suo superaverat improbus arcu
 Magna triumphantem vicit Eliza Deum;
 Mortem tamen in victricem vindex devicit Elizam,
 De Mortis at niveis Famam triumphat equis;
 Nec Famam superat, superet licet omnia Tempus:
 Vltima lux, Fama & Temporis vna manet.

Joh. Marson ex Adu Christi.

Si candor, si maiestas, si fama perire,
 Si possit pietas, si decus omne mori:
 En candor, pietas, maiestas, fama, decusq;
 Se tumulo condunt *Elizabetha* tuo.
 Tecum vixerunt, tecum moritura videntur.
 Absit, at ô absit, quis putet illa mori?
 Quæ vitam tribuunt post mortem, quæq; bonorum
 Splendida in æternum facta manere iubent.
 Tu permittite Iacobe (precor) permittite Scoti,
 Ut flens paulisper gaudia vestra canam;
 Vestra immo non sunt, potius sunt gaudia nostra,
 Ergo nostra etiam gaudia flere invat:
 Nam nec is accepio gaudebit principe tanto
 Qui tanta amissa principe non doluit.

Theoph. Tuer Iohannensis.

Sic est, sic statuit magni Moderator Olympi,
 Nil profunt gemitus. Elisabetha perit;
 Elisabetha perit, paruli lux aurea mundi;
 Heu, quod non liceat, sim comes ipse tibi.
 Quod cum non liceat, lachrymas, tristissima dona
 Astero, (sed mœstis debita funeribus)
 Funeribusq; tuis, nollroq; Eliza dolori;
 Nam mea testatur pectora fida dolor.
 Felix Elysia spatietur Eliza sub vmbra;
 Sic statuo lachrymis, tristitiazq; modum.

Richardus Williams Ioannensis.

Si, quia sit solus, soleamus dicere *Solem*,
 Vivam te *Solem* (mortua Eliza) vocem.
 Vixti sola, soli dominatrix sola Britanni;
 Vixti sola, viro libera, nupta Deo.
 Velsi, luce sua quia cætera sydera vincit,
 Accipiat nomen Phœbus Apollo suum,
 In cœlis *Phæbo*, tellure *Diana*, Charonti
 'Persephone', triplici nomine nunc eris.

Raulens Bussy Ænean. Gen.

Ino, Diana, Venus, tria cœlica numina morti
 Cesserunt, quando cœpit Eliza mori.
 Quodd si miretis, qui sit, Dea quodd perit, & quodd.
 Numina trina vno numine victa cadunt?
 Non periere Deæ, sed natam stemmate divo,
 Numinibus parcens, Atrapos atra premit.

Tibullus Antrobus Ænean. Gen.

Flete Pij; pietas nunc semisepulta videtur;
 Dum pia virgo pios cœli comitatur alumnos.
 Flete boni; bonitas succurrere desinit Anglis,
 Quæq; manus miseris patuit, modò mortua cessat.
 Docui flete, simul tristes vlulate Camenæ,
 Calliopen triplices nostram rapuere sorores.
 O sæx Parcæ, quæ nullis parcere nostis;
 Anne triplex triplices datis vno vulnere vulnus?

R 3

Creta

Creta Panomphæo faciebat busta Tonanti;
 Sit licet æternus, sit licet ille Deus.
 Angliæ Reginæ tumulum componit Elisæ:
 Sit licet in superâ viva, beata, domo.

Non tibi, sed regno vixisse videris, Elisa:
 Nec tibi, nec regno, sed cecidisse Deo.

Guilhel. Douce Coll. Trinitatis.

In obitum Reginae Elisabethæ.

VNâ te linguâ Natura ornavit Eliza,
 Ars tibi multiplices ingeniosa dedit.
 Anglâ etenim, Hispanâ, Gallâ, Græcâ, atq; Latinâ,
 Italicâq; , animi sensa referre soles.
 Sed tibi mors linguas crudelis præscidit omnes,
 Et modò (proh lachrymæ) mortua, muta iaces.
 Quid flemus? linguis nec tu defuncta carebis,
 Cunctorum linguarum te pia virgo canent.

In *hugui* hominum post mortem vivis Eliza,
 Semper & Anglorum *cordibus* ima sedes.
 Talésne exequiæ tibi persolvuntur *inanes*?
 Sic tua sunt *vanis* funera ducta modis?
 Haud equidem: Melius nullû quàm *lingua* feretrum,
 Quæ vitæ laudes mortis honore *feras*,
Marmore nec meliùs, vel *oburnâ* sede reposta,
 Quàm fixa in nostris *cordibus*, esse potes.
 Ergò tux sic exequiæ celebrantur Eliza:
 Ora feretra tibi, *corda* sepulchra tibi.

Franciscus James ex A. de Christi.

MItis pauperibus, sceptris crudelia fata,
 Infima prætereunt, & summa paupera carpunt.

Qua

Quæ ratio? reliquis dominantur fata, sed ipsa
Imperat Invidia alta petens. Hinc invida fata.
Invida, quæ rapiunt maiora, minuta remittunt,
Invida, quæ Reges tollunt, parcuntq; colonis.

Legatos ad te *Reges* misere, *Iehova*
Legatum pro te misit Eliza *necem*.

Gninel; Coton ex Aëdo Christi.

ERgône cœlitibus laqueum struis? optima carpis
Maximaq; immitti mors truculenta manu?
Quæ piceum virus, Romana quod expuit Hydra,
Finibus è patrijs expulit, illa perit?
Quæ genitrix pacis fuit (ah lachrymabile verbum)
Quâ Iebusæa cohors corruit, illa ruit?
Heu pretij tanti est rigidum petdiscere sati
lus, pretio disci quod levioze potest?
Cessio queris frustra cupio pius esse querendo:
Perpetuum terris liquit Eliza vale.

Ioseph. Colmore Aëdis Christi.

PApa, quid horrescis? moritur cœlestis Eliza;
Iamq; tui cernunt, quem volvere, diem.
Nunc, superinductas nigrâ fuligine Bullas
Purga, finge cruces, & simulachra Deûm.
In medium profer venialia crimina, profer
Si quas reliquias religionis habes.
Quippe eadem non est Regina, ô Papa; sed audi;
Mens eadem Angligenis, quæ fuit antè, manet.
Quid? sic, Papa putas, nostram nos linquere Divam,
Vt pereat rantæ tam citò tantus amor?
Maxima maiori modò cessit Eliza Iacobo,
Hicnè hæres regni, non pietatis erit?
Nunc ergo horrescas, modò cessit Eliza Iacobo:
Sicte *viva* premit, *morina* Eliza necat.

Thom. Aylsbury ex Aëdo Christi.
Quod

Quod cecidit Virgo, cecidit quod docta, Minerva
 Laudis habes comitem nunc utriusque tuæ.
 Quid, comitem dixi? quam si non dico priorem,
 Blandiri videor Diva Minerva tibi.
 Nam nullam in terris admisit Eliza socialem,
 In cœlo hanc sociam maxima Pallas habes.

Scribere si nemo cupiat, nisi qui decus addat
 Elisabetha tibi, scribere nemo cupit.
 Addere nil cupimus cui nil queat altius addi,
 Si nil detrahimus, carmina nostra placent.
 Dum te ploramus non digno carmine, duplex
 Exoritur luctus, carminis, atque tui.

Incepi Regina tuum decorare dolendum
 Funus, at incipiens pergere, Musa stupet.
 Materix sed nulla deest mihi copia, luctum
 Sed tamen arguerent carmina plura levem.

Georg. Hamden ex Æde Christi.

Talis erat Cæsar, qualis vel vivere nunquam
 Debuit, aut nunquam debuit inde mori;
 Talis Eliza fuit, nam nunquam vivere talis
 Debuit, aut nunquam debuit inde mori.
 Nec queat illa mori: nam non amisimus illam,
 Sed tantum ad vitam misimus ante, novam.

Cur Astræa, Fides, Pierides, Charis,
 Non Eliza tuo funere condolent?
 Præstò est causa, tuo funere concidunt.

Ne sis terra gravis defunctæ nuper Elizæ,
 Dum vixit, terris non fuit illa gravis.

Hen. Byam ex Æde Christi.

Lachry.

Lachrymas lachrymis miscere iuvam
Luvat assiduos edere planctus:

Fletuq; graues implere sinus.

Nostrum aspiciant sidera luctum;

Et sol piceis evectus equis,

Lucem medio condat Olympo,

Lugeat atris nubibus æther;

(Æther nostro gravior gemitu.)

Mugiat altis fluctibus æquor:

(Æquor nostris lacrymis auctum.)

Resonet tellus, montesq; gemant;

Nam quod querimur cōmune malum est.

Vere tepenti, flores inter

Medios, mundi flosculus obijt.

Luce recenti, stellas inter

Medias, cœli decus occubuit:

Gemma, innumeris gratior opibus;

Gloria summis nota triumphis,

Princeps titulis cincta superbis,

Regnis pollens, virtute potens,

Sævo Lachesis concidit ictu.

Sed quid querimur mortale genus,

Tristia dominæ fata gementes?

Dulce ingentes flere ruinas,

Dulce dolenti est inter populos

Nullum siccas habuisse genas.

Principe vivâ vixisse fuit

Gratum; gratum moriente mori.

Si caput Herculei conscendas Phœbe Draconis;

Deliquium Astrologus lucis adesse docet,

Fallitur Astrologus: quæ lux nitidissima nupex

Fulsit in Auricomâ virgine, rapta perit.

Ergo quid ingemino solitas sine fine querelas,

Magna quòd Angligenæ gloria gentis obit?

Prætulit illa solo cœlum: atq; his arcibus arcus

Sidereas, dempto nunc vbi sine sedet.

Angelus & facta est modò, quæ modò præfuit Anglis;
 Et domina in domini gaudet Eliza sinu.
 Et modò quæ facta est tantà de principe nulla,
 Fit cito coelestis, quæ cito nulla fuit.

Gustaf. Branches Nov. Coll. Socius.

Quod tibi persolvit pietas plebeia sepultæ,
 Solvere, Pieridum non dubitavit amor;
 Pars tua spectavit, passis per colla capillis
 Funera, nec siccis *Elisabetha* genis.
 Criminis immunes cecinit pars altera mores,
 Et quàm grande pati scemina posset, onus:
 Altera, quadrato mansura in marmore, fixit
 Fixaq; signavit talibus, æra, notis;
Candor, & ingenium, pietasq; pudorq;, teguntur
Isto, quo Princeps Elisabetha, loco.
 Hæc & plura tibi plebs Pieridesq; sepultæ:
 Quæ plura ambabus, nec leviora dabas.

Tho. Warknes Nov. Coll. Socius.

Angelus atq; Anglus moriturâ Principe certant;
 Ille animam, corpus vendicat iste tuum:
 Neuter habet totam; cœlo divisa soloq; es;
 Quanta, implens orbes Elisabetha duos?

Pacis Elisa parens; & pacis filia Musa est,
 Ergo avia est Musis Elisabetha novem.
 Pace igitur iam viva suâ, Musisq; superstes,
 Num morturi numquid novit Elisa mori?

Quam non æternam potuit tua vita dedisse,
 Mors tua te æternam fecit Elisa deam.

Virgo viros domuit, Reges Regina subegit,
 Hinc reor in cælis ynde triumphet, habet.

Clementes soliti qui Papas dicere, ludunt;
Sed vere *clemens* Elifabetha fuit.

Queris vbi princeps tumultetur Elisa; sed antè
Pectoribus p' populi conditur illa sui,

Richardus Boorne Nov. Coll. Secunda.

Si ve loquax mea sit, seu muta, in funere, Musa,
Elifabetha, tuos debet vtrumq; tibi.
Si tua facta canat, tu sola es carminis auctor;
Nam per te didicit nostra Thalia loqui:
Si fileat, moriens tu causa es sola silendi;
Illa loqui, nimio pressa dolore, nequit.
Officio duplici cum sic teneatur vtrinq;,
Reddit vtrumq; tibi: Nam fileat, & loquitur.

Marmora cum lachrymas Reginę in funere sudens:
Lumina Musarum, flumina quanta dabunt!

Non soli proceres Regni, pullataq; turba;
Quiq; nigrā celebrant funera veste, dolent:
Hæc, aliquos, sine veste tuam, Regina, dolere
Mortem, Musarum carmina moesta docent.

Viventem Augustum cum tot cecinere poetæ,
Cur dedit ardenti carmina nemo rogo?
Funera cur multi celebrant morientis Elisæ,
Qui modò viventi carmina nulla dabant?
Scilicet Augusto, cecidere, cadente, Camænzæ:
Quas veruit nuper mitis Elisa mori.

Quam malè mortales ignoti gloria regni
Ludit! quam malè nos decipit vmbra boni?
Credideram nuper cum scepra teneret, Elisæ
Corda fuisse metu libera, colla iugo,
Cum tamen, hæc inter regni moderamina, serva
Legibus & populo Regia virgo foret.

Sed lacrymas gemitusq; dedi, cum flamine rupto.
 Principis audirem tristia fata meæ;
 Illatamen, quæ serua prius, iam in morte triumphas,
 Ivit ad æterni, libera, regna patris,
 Principis vnde monet post vltima fata beatæ,
 Vt minuant lacrymas, gaudia vera, pias.

Isav. Esmondæ Nov. Coll. Socii.

NAscenti, Regina, tibi Lucina favebat;
 Quæ daret ingenij dona, Minerva fuit:
 Corpus, vt excrevit, voluit Venus esse venustum
 Fortunis forma conveniente tuis:
 Et Fortuna etiam studuit non cæca videri,
 Dum tulit in summas non nisi summa manus.
 Mars animos, varij cultum sermonis Apollo
 Tradidit, & dotes Numina quæq; suas.
 Sic vtinam his donis posses Pandora vocari,
 Vt, pro parte sua, nil Libitina daret.

Miraris tanta saturari pace Britannos:
 Per totidem fragili sub muliere dies?
 Mireris potius mulierem posse putari,
 Cui præter corpus nil muliebres fuit.

Qui fuerat morbus Regine immissus ab alto
 Nobilis vt posset nuncius esse necis,
 Callidus obstruxit guttur, linguamq; ligavit,
 Ne cuperet summum flectere lingua Deum.

Dum cecidere alij, lacrymæ cecidere: nec vnquam
 Bis, semel abreptus, flebilis esse solet.
 At quoties quotiesq; vnam meditamur Elisam,
 Efficit vt toties vltima sit illa mori.

O quæ tam sacræ refecabas flamina vitæ,
 Siue dea es, veri siue ministra dei,

Anglica te potuit Regina lingua movere,
 Ausonia potuit lingua movere prece,
 Te potuit verâ Gallorum voce rogare,
 Nec non Cecropijs sollicitare sonis:
 Quin, sermone tuo si forte imiteris Iberos,
 Hac didicisti quamvis hostis ab hoste loqui.
 Sed tu, Parca, omnes superabas, barbara, Gentes,
 Nam tibi, quo loqueris, nil nisi cultus erat.

Ex quo legitimum sumpserunt brachia sceptrum,
 Estq; adeo puras nacta Corona comas,
 Cura fuit semper divini gloria cultus,
 In terris cælum condere cura fuit:
 Dic mihi, num cælos, ubi sunt non invenit illa,
 Quæ voluit cælos ædificare solos.

Id. Hoskins Nov. Coll. Socius.

SI quis honorifico regni moderamine scælix,
 Scælix Astræâ iudice Elisa fuit.
 Namq; nec in toto quisquam pacatius orbe,
 Nec magis ex verâ religione regit.

Quod fueris, proavis Academia debet honorem;
 Quod bene sit, totum munus Elisa tuum est.
 Nempe inopes tristesq; tuâ pietate Camæne
 Proventum, melius quo foveantur, habent.
 Tu dea, tu nostris numerabere Pallas Athenis,
 Nec sine re, quisquam numinis instar erit.

Tbo. Hensell Nov. Coll. Socius.

Veni Cupresse flebilis,
 Et mœsta cinge tempora;
 Venite iuges lachrymæ,
 Mœstosq; ocellos mergite.

Veni Dolor. Dolor Veni,
 Eliza, gemma principum,
 Flos focinarum, virginum
 Diana, lumen Angliæ,
 Musarum ocellus occidit,
 Eliza nobilium decus
 Quot sunt ubiq; stemmatum,
 Columna pacis optima,
 Mater pietatis occidit.
 Eliza vita patriz,
 Et iuris anima mortui,
 Honoris Hæres-filia,
 Virtutis alitrix, occidit,
 Eliza mitis subditis
 Aglaia, Bellona hostibus,
 Fœcunda Copiz parens,
 Parenſq; lætitiz occidit.
 Ergo Cupresse flebilis
 Ter mœſta cinge tempora,
 Et vos perennes lachrymę
 Mœſtos ocellos mœrgite.
 Veni Dolor. Dolor Veni.

S Vlatam in coelos vulgus miratur Elizam,
 Res tamen Astronomis non ita viſa nova eſt:
 Nam quã Iuſtitiz Libra, & Leo fortis Elizz eſt,
 Dicitur antiquus Virginis eſſe locus.

Quis Venerẽ, | Cereremq; ſimul, doctãq; Minervã,
 Aſtrazam, Charites, iuridicamq; Themim,
 Iunonem, & Muſas, atq; omnes deniq; Divas,
 Tantillã condi poſſe putarit humo?
 Hic tamen, heu ſpecta, ſed ſlente viator ocello,
 Hic nuper-princeps Eliſabetha iacet.

Qui tot Parreios, tot deprendẽre Lopezos,
 Cum vitam peterent Eliſabetha tuam:
 Proditor hos vnus, mors vna ſefellerit omnes?
 Hei mihi, quot fraudes, quos habet illa dolos?

Pollicita es (princeps) temet fore *semper eandem*:
 Sed memorem dicti mors vetat esse tui:
 Nunc etenim, nuper quæ regna Britanna tenebas,
Non eadem, at melior, cœlica regna tenes.

Hen. Shellenius Nov. Coll. Socius.

Illa avis, à superis olim dimissa Britannis,
 Quæ Britonû custodit agros, terrasq; propinquas
 Sub niveis alis protexit, territa terræ
 Sanguineâ rabie, superas ascendit ad auras.
 Possidet inde polum, fulgentia tecta Pyropis
 Illi stellifero posuit Vulcanus Olympo,
 Non procul à summi tecto solioq; Tonantis
 Illa habitat, regno æterno, sceptroq; potita.

Gabriel Richardson Æneis.

VNdè dolor, lachrymæ, gemitus, suspiria, luctus;
 Vndè *modus* modus est nullus, Elisa, rogasti.
 Scilicet ablatam non te dessemus, Elisa,
 Dessemus nostrum, te moriente, malum.
 Tu murus, tu sola salus, tu vita tuorum,
 Anchora tu patris, tuq; columna, tuæ.
 Dùm fueras, fuimus foelices: dumq; cadebas:
 (Heu) cecidit nostrum (dij voluere) decus.
 Hinc dolor, hinc lachrymæ, gemitus, suspiria, luctus;
 Hinc modus est mœstis nullus, Elisa, modis.
 Tu tamen intereâ cœlesti sede locata
 Magno divisum cum Iove numen habes.
 Et iam clara novum micat inter sidera fidus.
 Nobile quod nactum est nomen, Elisa, tuum;
 Hinc est, ablatam non te dessemus, Elisa,
 Dessemus nostrum, te moriente, malum.

Andreas Corbet Coll. Rex. Gen.

ITe meæ lachrymæ, tanquam de nubibus imbres,
Sintq; pares gemitus, ignibus (Aetna) tuis,
Funeribus (Regina) tuis, hæc dona feruntur
Ultima, quæ pietas hinc rogat, inde dolor.

*Ceres, defunctam Elisabetham queritur, pacis sua
nutricis parentem optimam.*

MAter Eliza, meæ, dum vixerat alma, parentis,
Dives eram, placidæ Pacis alumna, Ceres.
Nunc Pacis, (miseras ni Iuppiter audiat æquus,)
Et mea quæ fuerant præmia, Martis erunt.

Tbo. Harlow, ex Aëdo Christi,

ORbis amor Titus fuit, est amor orbis Eliza;
Orbis Titus erat, est & Eliza, decus:
Hoc in te Titoq; tamen discrimen, Eliza,
Hic fuit orbis amor, te Deus orbis amat.

Elisabetha, parens ac integra virgo fuisti,
Virgo tibi, patriz dulcis & alma parens.

Quod Regina, viri: quod virgo, foemina cedit:
Quod dea sis, sexus cedit vterq; tibi.

Ioan. Woodforde ex Aëdo Christi,

September albam Cynthiz faciem videt;
(Diem serenat candida & sudum facit)
Luna alba serenat.
Nata est. *Eliza* nata est; *Cynthia* hæc terris micat,
Septemb., 7 Britannia tanto terra gavisa est bono,
Lunam *November* ecce rubicundam aspicit,
Rubicunda (Quam multa tempestas sequi à tergo solet)
flac. Regina adit tunc scanfilem Regni thronum;
Inaugurata Quando tumultus, toxica, ac audax manus
est 17. Nov.

Sicariorum Principis petijt latus;
 Sed te cta summo numine effūgit nefas:
 Vultum ecce *Martia* Luna pallentem induit,
 Secum trahentem nubila & nimbos graues:
 Lux hæc *Eliza* Principi exequias parat,
 Quas imbre largo populus oculorum rigat.
September ortum, *Martius* obitum tulit,
 Sceptro *November* inaugurat, ritu sacro.

Pallida lu-
 na pluit.

Obiit 24.
 Mart.

Tobias Stoit Coll. Magd.

Illa eadem semper mutata est, sceptrum resignat,
 Deserit & populos *Elisabetha* suos.
 Nutavit sceptrum, sortes tremuere *Leones*,
 Et languent succo deficiente *Rosa*.
 Hinc cadit vbertim lachrymarum defluus imber;
 Te, Princeps, querulâ plebs tua voce gemit.
 At quoniam tibi morte tuâ, vita altera parata est,
 Lætatur plaudens *Anglia* tota tibi.
 In cœlis tibi vita data est, tua fama perennis
 In terris vivit, vivis vtrinq; *Dea*.

Iob. Brickenden Coll. Magd.

LVx ea quæ divæ festum natale *Mariz*
 Luncta præit, fuit illa dies natalis *Elizæ*,
 Quæq; salutatū venit Iove missus ad ipsam
 Seraphico è numero celer, alatusq; minister,
 Ista diem anticipans animam expiravit in auras:
 Hoc ego vaticinor, sociam se velle *Iosephi*
 Coniugis esse, parem proavis, divisq; secundam.

Nata est in
 vigili. Nativ.
 B. Mar.

Obiit in vi-
 gil. Annun-
 ciat.

R. Lake Coll. Magd.

Q Visquis ades, tumulum ne dedigneris Elizæ
Viscere, quam coleres si modò viva foret.

O Lim beatæ sceptræ Britanniz,
Eliza cepit non sine gloria:
Nunc quæ diu gessit, reliquit
Alterius manibus tenenda.

Huc ergo gentes ocyus exterræ,
Et vos *legati* munera principum
Quondam ferentes nostræ Elizæ,
Currite, iam celebrate funus.

Fallorne? votis annuitis meis,
Omnes adestis, Gallicus & Scotor,
Tristisq; Germanus sepulchrum
Compositis decoravit armis.

Miror, superbus quòd tua Pontifex,
Eliza, solus funera despicit,
Et dentibus frendens recusat
Italus exequijs adesse.

Vtriq; ovantes dissimulant metum,
Et nomen horrent, mortua sis licet;
Dirus quibus terror superstes
Atq; inimica gravis fuisse.

Guilhelmus Barclay Aedii Christi.

FRustrà lætitiæ, ioci, cachinni,
Risus, gaudia, lusus & voluptas,
Frustrà delitiæ, Venus, Cupido,
Et Musæ, & Charites, meam venitis
Mentem visere luctibus solutam;
Occumbit decus & dolor Britannum,
Hæc & condita cuncta sunt sepulchro
In quo condita diva tanta, talis,
Anglùm publica cura, foeminarum
Aeternum decus, & stupor virorum,
Musis addita quæ modò novenis,

Et quæ Gratia quarta Gratiarum,
 Fatis Elisabeth iacet malignis.
 Hæc sic vita perit: nimis fugaces
 Anni sic abeunt, rapit severa
 Sic mors omnia pulchra, rara, chara,
 Ast ô cœlicolæ timete divæ,
 Cum nunc Elisabeth sit aucta cœlo,
 Si sub iudice vestra sit venustas,
 Vobis eripiet Deabus aurum,
 Formæ pomifetam ferens coronam.

Rob. Percy ex Asda (Christi).

Si modo dent animo non impar fata sepulchrum,
 Non capiet tumulum terra Britanna tuum:
 Mentem dum vixit, cœli Elisabetha capacem
 Natq; habuit, sedem iamq; habet illa suam,

Mortua non moreris, Musis Regina superstes,
 Nempè in te vetitum est omnia posse mori.
 Ad tumulum spreto migrant Helicone Camænz,
 Prætulit hunc Delphis, Delphicus ipse suis.
 Non iam tota tuis cadis Elisabetha Britannis,
 Quam nunc desertam corpore, mente colunt.

Perrupit fatum mentis cum corpore nodum,
 Hoc versum in cineres, illa dicata Deo.
 Certa fuit moriens vitæ melioris Elisa,
 Spem dedit hanc veræ religionis amor.
 Longum conspicuo celeberrima stemmate vixit,
 Mortua iam fato est nobilitata suo.

(Tho. Hall Nov. Coll. Socius)

DUci dum fuerit sanguine turgida
 Carnem non sacius vorax remittit;

At venam vt vacuum sanguine senſerie
Hirudo exanimem libens relinquit.
 Qui Regina tui non memor extitit,
 Talis vere habeatur; at gulof
 Omnes nos magis, & nos magis impij,
 Qui ſub præſidijs Eliza veſtris
 Fœlices fuimus; qui tulimus boni
 Quicquid nos faciat beatiores;
 Si nullas tibi gratias, nec vllos
 Ritus funeribus ſoluerimus tuis:
 Tanta munera nec bene æſtimamus.
 An corpus ſimul ac vrna coerceat,
 Chara Eliza tui relicta cura eſt?
 At gratam potius quàm decet Angliam
 Tecum vt vivere, ſic obire tecum!
 Fœlix perpetuò tecum erit Anglia.

Dum fugit ardentis Daphne connubia Phœbi,
 Perpetuæ frondes Virginitatis habet.
 Sic Regina potens ædas exoſa iugales,
 Perpetuæ laudes Virginitatis habet.
 Frondes inter, aves concentibus æthera mulcent,
 Muſa inter laudes cantet Eliza tuas.

Cynthia cum lateat nigris obducta tenebris,
 Vltæius vitæ nil Catobleptæ tibi eſt.
 Sic Regina tui, quæ te ſuſpeximus, Angli
 Deſicimus vitæ deſiciente tua.
 Quam gratum fuerat te viva vivere Eliza;
 Tam foret acceptum te moriente mori.

Vir bone, quinq; tuis quod ſis fœliciter vſus
 Addita ſunt primis plura talenta tuis.
 Et bene quod Regina diu ruſceptra tulſti
 Maxima pro minimis accipe regna tuæ.

Apoſtrophe ad Regem.

ET bene tu primo quod regnes (Maxime) regno,
 Altera sunt regnis addita regna tuis.
 O cui succedis regno, succede regendo,
 Tempore, virtute & religione pari.
 Deniq; gestatas per secula longa coronas
 Exue, & ex veteres indue, Sancte, novas.

Thom. Sparke Nov. Coll. Sacius.

Παράδωκες ἡμῶν βασιλεὺς θεῶν καὶ ἀνθρώπων, ἡμεῖς μὲν
 Ἀσπασίω, χάριτι τῇ, ἐννομήσωμεν τὴν τιμάν.

Πρὸς τὸ ὑποτασσόμενον γὰρ μόνῳ θεῷ βασιλεύῃ,
 Νυνὶ δ' ὑποτασσάμενοι γ' εὐφραντο κοινῇ ἐχθρῇ.

Ἡ ἀποδοὺς βασιλεὺς θεῶν καὶ ἀνθρώπων, δίδωμι τῇ,
 Εὐφραντὶ τῇ θεῷ ἡμῶν δοῦναι τιμάν.

ELias petijt flammatis astra quadrigis,
 Æthera pacificis scandit Elisa rotis.
 Ille polum ascendens terris sua pallia liquit;
 Ista suum corpus liquit ad astra volans.
 Ille dedit vati geminatum pneuma future;
 Ista dedit regi pectus & arma novo.

Elisa nuper lecta cœlesti manu;
 Cœlestis ergo flos erat:
 Quin & coronâ tempore autumnî induit;
 Quam vere depoluit novo.
 Cœlestis ergo est terra nam flores parens
 Vere auget, autumnô rapit.

Qualis ob Hispanos dubio certamine victos
 Ille triumphanti fertur Elisa rotâ;
 Talis in aurato curru depicta triumphat
 Mortua, quòd q; ipsâ morte triumphet, habet.
 Ante feros virtus Elisia perdidit hostes,
 At nunc ipsa feram vicit Elisa necem.

Quæ duo iuncta polo fulserunt sidera quondam;
 Nunc disiuncta tuo funere Elisa micant.
 In cœlis virgo est, In terris libra remansit,
 Cœlo anima, at terrâ corpus Elisa tuum est.

Fœmina quæ sexu, leopetore, corpore virgo,
 Surpe sua princeps, Marte virago fuit;
 Imperijs Iuno, formâ Venus, arte Minerva,
 Morte sua Phoenix, funere di va, iacet.

Mortis fama tuæ iam totum exivit in orbem;
 Quid meruit vitæ fama volâsse tuæ!

Joan. Reynolds Nov. Coll. Societ.

Quid Mario *invicti* titulos Annæ dedisti
 Fortunâ fortem cur magis esse facis?
 Est aliquid, Marium semel & non amplius, ævo,
 Et potuisse capi, & non potuisse mori:
 Sed verè *invicta* si componatur Elizæ
 Sors Marij victrix, hoc aliquid nihil est.
 Exul inops captusq; semel fugiebat ab hoste,
 Sed non capta semel, non semel ista fugit.
 Occidi semel ille nequit scelerisq; minister
 Dicitur hostilem pertimuisse necem.
 O quoties non fas collum contingere Elizæ,
 Sanctam sacrilegâ nec violare manu?
 Virus sæpe suas vires, & sæpe venena
 Virtuti dedunt, cælica Eliza, tuæ.
 Quodq; alias subigit virus, tua sola subegit
 Cœlestis virtus, nescia sola mori.
 Credibile est cœlumq;, deumq; deiq; ministros
 Hoc super vnum omnes invigilasse caput.

Cumq; diu intactam servasset Numen Elizam
 Hostibus & tutum prodicione caput.
 Tandem inquit mihi quam servavi tempore longo,
 Post longo meritò tempore fumo mihi,

Quæ toti Musa una satis tibi? cuius in unâ
 Parte omnis, semper, sistere Musa potest.
 Non toti satis omnis erit cum Pallade, cuius
 Unâ in parte omnis sistere Musa potest,

Robertus Favus Nov. Coll.

De Eliza longo & felici imperio.

R Exerunt aliqui gentem feliciter Anglam,
 Qui tamen imper. um non tenuere diu;
 Regnare diu sed non feliciter isti;
 At neutro felix Anglia rege fuit.
 Sed regnare diu, simul & feliciter, vni
 Contigit hoc tantum munus, Eliza, tibi.

De maturâ Eliza morte.

N On immaturâ passus te morte perire
 Est Deus, aut primo veris honore tui;
 Nec tamen est passus nobis te semper adesse,
 Quamvis felicem iussit adesse diu.
 Sed cum debilitata gravi natura senectâ
 Amplius haud posset munus obire suum;
 Qui tibi viventi concesserat ante beatam
 Vitam, nunc mortem donat Eliza parem,

Peter Turner ex Ædo Christî.

O dolor! ô facinus! tenebris regnante Mariâ
 Anglica Cimmerijs gens adoperta fuit.
 Elizabetha tamen coelo delapsa supremo,
 Æternum patriæ lumen habere dedit.
 Et verè referens accensam lampada, lele-
 Abstulens, aljæ lux manifesta fuit.
 Sic tandè extincta est lux hæc, dùm quod dedit ipsa
 Omnibus, amiser, luminis orba iacet,

Joan. Webb ex Ædo Christî.
 hic

Hæc est illa tibi quæ terris vixit Eliza,
 Ut tecum cæli: viveret, alme Deus.
 Hanc tibi iure petas Deus, hanc sibi vendicet æther.
 Hanc simul esse suam coelica turba velit.
 Tam colit illa deum, tam sydera spirat Eliza,
 Tam mortale nihil, nec popolare sapit.

Gnilielmus Kempe ex Ædo Christi.

In pietatem Eliza.

Sic & de Latio, sic & de gente Philippi,
 Quid fremuere viri?
 Quodd non mendaci pietatis fallitur umbrâ
 Cultor Eliza Dei?
 Præ pietate Papas, & lberos spreuit Eliza,
 Hic pietatis amor!
 Hinc Itali discant, hinc & de gente Philippi,
 Numen amare Dei.

Tba. Kayvet ex Ædo Christi.

Vieta licet fatis Superos invisit Eliza,
 Mente tamen nostrâ vivas, & amore super sis:
 Hoc dolet invidiæ, quodd mors tibi gloria tanta;
 Livor ut invidet decus hoc tibi fara tulisse,
 Quod nec fata queant abolere, nec vlla vetustas.

Joan. Wrensforde Ædis Christi.

Descende cælo Melpomene, sciens
 Fractare mœstas funere nœnias,
 Attolle clamorem, & sepulchri
 Commemora meritos honores
 Audite primum mœsta Britannici
 Deslenda vobis nuntia, mortua est

Eliza Princeps, quâ tenente
 Imperium, & diadema summum;
 Pax fovit agros, almaq; faustitas;
 Polluta nulla est casta domus stupris;
 Nec facta cædes, lex verenda
 Omne nefas domuit nefandum.
 Audite, Phœbum qui colitis patrem;
 Sacris amici fontibus, & choris,
 Et veste pullata referte,
 Qui crucient animos dolores.
 Eliza vestros quæ coluit choros,
 Fovitq; Musas, & simul auxerat
 Immunitates, & statuta,
 Mortua cepit iter supremum.
 Audite, verè qui colitis Deum,
 Implete obortis cum lacrymis genas;
 Eliza, cuius terra vobis
 Perfugium fuit, ac asylum
 Quæ (vera Princeps) vndiq; publicam
 Professionem Evangelij sacri
 Promovit, amovit tenebras
 Pontificum, nece iam perempta est.
 Audite tandem Papicolæ impij
 Ac invidentes illa rumpite,
 Eliza, vitavit nefandas
 Insidiasq; manusq; vestras.
 Vitamq; septem iam decies suam
 Duxit per annos, sceptrâ Britannica
 Per lustra gessit iam novena,
 Invidia insidijsq; maior.
 Terras reliquit, mox super igneas
 Ascendit ædes, atq; ibi cum Deo
 Ascripta supremis piorum
 Ordinibus placidè quiescit.

Edm. Gunter ex æde Christi.

Quid pietas? quid forma? fides? quid fama valebunt?
 His cū quæ Princeps claruit, orba iacet
 Non tamen hanc nobis mors invida sustulit omnem,
 Hinc penitus totam non *Libitina* tulit;
 In cœlis anima est; in terris gloria mansit;
 Corporis exuvias sculptile marmor habet.

Iob. Pennington Magd.

SI Regina Deo summè dilecta, suisq;
 Vivere si princeps debuit vlla diut:
 Si pia, si constans, si religiosa, benigna,
 Laudarit cuius, gens inimica, fidem:
 Tu certè, *Elisabetha*, diu victura fuisses,
 Nomina sunt titulis, hæc nimis arcta tuis.

Tho. Massinger Magd.

SI (quod Flaccus ait) melius nil cœlibe vita;
 Pulchra tibi fors hæc *Elisabetha* fuit.
 Non tibi sunt lecti genialis fœdera, sponsus
 Non tibi, non vteri pignora chara tui.
 Da veniam tamen, & tu sponsa, & mater haberis;
 Te sibi vult sponsam Christus habere suam:
 Reginam & populos summa pietate colentes
 Vt matrem, natos hos reor esse tuos.

Quid minimâ illustrem monstro *Scintilla* Lunam;
 Quod facio titulos amplificando tuos,
 Deterere haud decuit tenui tua magna Camænâ,
 Augusta angustas non capit aula fores.
 Ergo ego de *Eliza* (quod de Carthagine *Crispus*)
 Cum satis haud possim dicere, dico nihil.

Guliel. Sparke Magd.

Atribus es magnis ô tu Dea victa deabus,
 Ipsa tamen ternas viceris antè Deas.
 Exuperas Iunonis opes, & Palladis artes,
 Et formâ cessit Cypria Diva tibi.
 At quæ cuncta domant, heu te necuere sorores,
 His pudor est, laurus sed tibi maior erit.

Sam. German Magd.

Fessa ministerijs regni curisq; gravata,
 Reddis supremo sceptrâ animamq; Deo;
 Maeste bonis avibus mortales deferre falces,
 Calica pro regnis accipere regna tuis.

Rob. Morbrea Magd.

Martius abstulerat, dederat September Elifam,
 Ver rapit, Autumnus quam dedit antè Rosam.

Iob. Huute Magd.

Quò magis in patriam, fueras pia mater Eliza,
 Hoc magis in luctus plebs tua tota fluit,
 Pars loquitur, pars mæsta filete de plebe, dolorem
 Exprimat in dubio est illa vel ista magis.

Hunfredus Fen Magd.

Fata, caduca tibi tollendo, æterna dederunt;
 Invida dic num sint, sint vel amica magis?
 Fata tibi terras poterant Regina negare,
 Non poterant cœlos præripuisse tibi.

Guilhel. Blagrone Magd.

Siccine Elifa iacet? crudelibus occubat umbris?
 Nullam Parca fugit Pericphonéue caput?

(156)

Occidit; at pietas non interitura manebit
Invidet infesto posthuma fama rogo
Ingenium vires fortuna heroica forma
Illuxere simul, iam cecidere simul.
Disce mori ex illa, qui vivis, vivere disce
Et memor esto ævum sic properare tuum.

Georgius Bosstock & Enna-nas. Gen.

L Vna facit solis defectus, terra labores
Lunæ: neutra Angli solis eclipsis erit.
Luna laboravit, lux occidit orbis Eclipsa:
Vnde igitur nostri solis eclipsis erit?

Cynthia deseruit solium, tria regna reliquit:
His iunxit quartum, qui dedit illa, Deus.

Guil. Herbertus Coll. Iosp. Gen.

A Vdiat Oceanus gemitus quos Anglia fundit,
Ob mortem Divæ Principis, immò Deæ;
Audiat, auditis miserescat, iamq; miserrus,
Mutua det riguis flumina larga genis.
Sic pius Oceanus, pia sic mihi flumina semper
Dicentur; populus sic pius Anglus erit.

Io. Laurence Coll. Iomnonis. Gen.

ΕΛΠΙΣΤΕΤ.

Καὶ ἀναγχαμμάλιστον, ἄδεις ἔτι.

A ἤλια ἡ γέγονεν ἀρβυρεον λυρδία τῇ οὐρανῷ
Αὐτὰρ σὺ πάλιν ἀπώλεια ἔστιν ἔτι;
Οὐτὼ γὰρ πολλὰ ζῶσα, πλεῖον ἢ θανάτου
Καὶ ἔτι σὺ Χρυσῇ, ἡ βασιλίσσα, ΛΑΒΕΣ.

*Io. Drake ex Anli Edmundi,
Quid*

(157)

Q Vid vel Roma Pias, vel Innocentes
Papae nuncupat? innocens vocetur
Et verè pia sola, fac, Eliza.

Tho. Wright ex Aëda Christi.

Mitte, quod occiderit nuper Regina, dolere;
Regna quoq, occasus sunt habitura suos.

Q Væ fuerat Samij sententia docta renati,
Ecce suam posthac est habitura fidem.
Quæ modo Elisa fuit, nonne est elisa Britannis?
Quamq; ea mentē habuit, nonne Iacobus habet?
Siste igitur lachrymas, semper tibi restat Elisa;
Semper restabit Rege manente tibi.

Ipsa libens moritur, moriens dat Sceptra Iacobo;
Quæ se deseruit, deseruitne suos?

Gualt. Kingesmillus Nov. Coll.

D Ent alij tumulo funebria thura, litentq;
Cum lacrymis pariter, balsama mixta, suis:
Augusta ô Princeps, victura ego carmina sacro
In tumulum, æternis carmina sculpta notis.
Nonne futura magis, quam balsama, carmina grata?
Vivere vis tumulo, non redolere tuo.

Inde Tui pietas divina (ô maxima Princeps)
Exornat famam post tua fata tuam:
Hinc pia Musa tibi, victuros spondet honores:
Efficiens tumulo, te superesse, tuo:
Sic pietate tuâ & Musâ tibi posthuma vivis:
Efficir ista homini vivere, & illa Deo.

In veterum tumulos pia lilia sparsa fuerunt,
Est honor & tumulo debitus iste tuo.

V 3

Lilia

Lilia vel Regni quoddam erant insignia, bustum
 Ergo insignirent, lilia sparsa, tuum.
 Vel quia Regina hic vixisti casta, mereris
 In tumultum spargi, lilia casta, tuum.

De ominatis Martij Mensis auspicijs.

FAllorū horrendas strages Martisq; tumultus
 Principis occasus, principis ortus, habet
 Evenit nobis ecce omen vtrumq; , nec vlla
 Bella tamen nobis omen vtrumq; tulit.
 Quodq; fuit nostro magis admirabile, sæclo,
 Non *Mars* ipse istis casibus arma tulit.
 Et tamen en nobis Princeps, *Gradus*, Calendis
 Exoriturq; tuis, emoriturq; tuis.

Franciscus Capp Nov. Cal.

Q Visquis es amissam qui ploras tristis Elizam,
 Non poscit lacrymas nobilis umbra tuas.
 Illa beata manet regnis melioribus hæres
 Incolit Elisas regia Eliza plagas.
 Desine funereo pertundere pectora planctu:
 Nec quod sit foelix, tu miser esse velis.

Ter tres virgo tuam celebrarunt inclyta divæ,
 Tres divæ vitam corripuere tuam
 At tibi restituent, quam tres rapuere sorores,
 Vitam, concelebrant quæ tua facta, novem.
 Quantum est æternam lucrari funere vitam?
 Te fatum vetuit vivere, mûsa mori.

Sic quicumq; sua numerandi nititur arte
 Possit virtutes vñ numerare tuas
 Hic terræ numeret frondes hic sidera cœli
 Et guttam immensi quamlibet Oceani.
 Si careant numero virtutes (maxima virgo)
 Quis poterit laudes enumerare tuas?

Tam *multos* annos tam *Santos* (Regia Virgo)
 Vixisti *annosa* & *religiosa* simul.
 Ut si Pythagoræ vera est sententia, credam
 Nestoris *esse animam*, quæ fuit ante, tuam.

Quod fuit æterno nimium dilecta Tonanti
 Ruperunt triplices stamina sacra Deæ:
 Illa petit cælos hæres generosa paternos
 Et modo quæ vixit foemina stella micat,
 Sic Nonas crinam dum nollet Iuno puellam
 Esse hominem, summo est à Iove facta Dea.

Franciscus Souch Nov. Coll.

Atque en (quod semper veriti sumus) illa malorū
 Venit summa; imi gaudet regnator Avernī,
 Anglia gens mæret, sibi demptam quærit Elisam,
 Mærentem cruciat, quærentem torquet Elisa.
 Religio, pietatis amor, virtusq; , fidesq;
 Terga dare, & tenebris trepidos abscondere vultus?
 Atqui en (quod nunquam meriti sumus) illa bonorū
 Summa venit: summi sic vult moderator Olympi.
 Anglica gens gaudet, plaudit sibi vere Iacobum.
 Nasci, mærentum recreat qui corda suorum.
 Nunc pietas, & religio, virtusq; , fidesq;
 Luce vigent; hilaresq; audent attollere vultus.

Walkedenus Woods Art. Mag. ex Aula Edmundi.

POmpha triumphalis, regum diadema coruscans,
 Gloria magnatum, tempore cuncta ruunt.
 Cuncta ruunt subito: quid ni? mortalia cuncta.
 Sceptra tenens hodie, cras sepelitur humo.
 En, filo tenui terrestris gloria pendet:
 Optimus heroum, pulvis & vmbra fugax.
 Sic cecidit patriæ custos, honor, atq; columna;
 Foeminei generis, dia *Sabatha*, decus.

Per:

Per quam relligio, pietas, pax aurea, per quam
 Splenduit in terris intemerata fides.
 Hinc timor & luctus, & acuti in corde dolores;
 Clamantes pariter: *non toleranda dies.*
 Nos tamen exhilarat, venientis fama Iacobi;
 Quem ius, quem pietas, quem Deus ipse probat.
 Anglis grata dies, Latio funesta Tyranno:
 Gaudent Christicolæ, pseudopropheta fremit.
 Turgent Hispani, dubitant Turciq; potentes:
 Horrescunt Itali, chrestologiq; vasti.
 Plaudite nostrates; hostes vincatq; precamur:
 Quid multis? sat sit subdere, *vivas, Amen.*

Tho. Taylor Art. Mag. Coll. Nov. Capl.

Iuppiter aspiciens, vultu luceret in vno
 Mascula vis quantum, gratia, candor, honos:
 Misit Tartareas oratum, parcere parcas,
 Perpetuus vitæ perstet ut iste tenor.
 Parcere Parca negat fas vlli: Iuppiter vni
 Quamvis immensas accumularat opes:
 Hinc Deus iratus, dedit illi summa tenere
 Inter cælicolas regis sceptrum deas.

Abelton Gethiv ex Aula Glacæst. Art. Mag.

Εἷς ἐνεργῆτις διδὲς Ἀγγλοῖς, ὅς τις ἰδὼκα
 Κλιμακίῃρα μίγαρ τοῖς βασιλεῦσι πηλὲς.
 Κλιμακίῃς ἡμῶν βασιλίσσῃ ζεῦς ἐπεβόλλει,
 Οὐδὲς ἦν ὃ βροτῶν μακρότερον βίβει.
 * Ἡμᾶρ θανυμὲζω λυχέβαρτα; μὴ πνεατιύον,
 Ω γαίω γὰ χερσὶν παρθεῖνος ἡδὲ θάεν.

Quod iacet Elisabeth, cur duri miles Iberi
 Temperet à lacrymis, cum fleat ipse Papa.

*Thom. Pope Magd.
 Orbis*

O *R* *h*is amor quondam *T* *u*us, admiratio mundi,
 Cum tristi medijs, fato succumberet, annis,
 Cur, ait, immeritus morior, cur vita negatur
 Tam benè viventi, cur sic extinguo in ortu?
 Nec similis, nec dissimilis, *R* *e*gina, videris:
 Est impar ætas, est dispar sexus utriq;
 Fortior hic illi, tibi sed magis illa senilis.
 O indigna mori Princeps, cur vita negatur
 Tam benè viventi? tibi non crudelia vitam,
 Sed te inviderunt nobis crudelia fata.
 Inspicio mortem? non digna es vivere. vitam?
 Non es digna mori: mors optima, & optima vita.

T Arpeio quondam præfaga in culmine cornix,
*E*st benè non dixit, sed *benè*, dixit, *eris*.
*E*st *benè* dixerunt omnes, dum vixit *E*liza,
 Dum cessit fato, quis *benè*, dixit, *erit*?
 Dico, *benè* est; Illi, quæ cælum fausta petivit;
 Nobis, quos faustos, magne *I*acobe, facis.

*E*st *benè*, dum capimus terram, quam fausta reliquit;
 Sed *melius*, quando cælum, quod fausta recepit,

Theoph. Hyggons Mag. Art. Edis Christa.

Quàm deslent homines, tuos, *E*liza
 Occasus, inopesq;, divitesq;,
 Orbati dominâ suâ Britanni,
 Belgæ finitimi suâ patronâ
 Orbati, reliquæq; nationes,
 Agrestes Saryti, domi penates,
 Sylvestresq; deæ, marisq; nymphae
 Et manes patrios sapit quid usquam;
 Tam gaudent superi tuo, ô *E*liza,
 Ortu, Cælicolæ, tibi sibiq;
 Et Musæ, Charitesq; gratulantur.
 Amissam siquidem suam parentem

X

Mor.

Mortales lachrymis dolent, repertâ
 Sed gaudent superi, suâ sorore.
 Eternum statuunt tibi sepulchrum,
 Quas tu plus oculis tuis amabas,
 Olim dum pia vixeras, sorores,
 Candor, certa fides, benigna virtus,
 Atq; ardens pietas, medulla mentis,
 Quæ virtus alia vndiquaq; restat
 En præbet monumenta sempiterna.
 Quæ, qualis fueras, loquentur ipsæ
 Lingue, queis varijs sciens loquuta es,
 Artes multiplices quibus nitebas,
 Adversis animiq; fortitudo,
 Urbanusq; lepôs, facetiæq;
 Quod possum canere elegantiarum.
 Totum illud simul abstulere fata;
 Ars, virtus, pietas, lepôs, Eliza
 En tecum tumulo iacent sepulta
 Hæc, si vel semel interire possint.
 Absit posse mori sed illa, quæ te
 Eternam facerent, licet cadentem.
 O invisâ, nefanda, vox (cadentem)
 Singultus resonantibus Britannis,
 Fletus, triste metrumq; neniaq;
 Et terræ patriæ his modis dolenti;
 Eternum valeas, Eliza, Eliza,
 Quæ vixisti alijs solo caduco,
 Cælo vive tibi redux perennis;
 Da, cum posse frui mihi negetur
 Te, vinbras & cineres tuos salutem.

Guliel. Norris Magist. Art. & En. Naf.

ELIS ABETTA:
 SILET BEATA.

Q Vam Deus omnipotens, quam cælum & terra fovebant,
 Cœlesti requie, Diva BEATA, SILET.

Quam

(163)

Quam furor haud potuit rabiosi extinguere Papæ;
Nec ferus Hispanus; nec Iesuita furens.
Hostica quam nunquam potuerunt arma movere,
Nec fraus vlla domi, vis nec aperta foris.
Hæc illa est, dilecta DEO, Magna ELISABETHA;
Quæ placidè occumbens, morte BEATA SILET.

*Gabriel Ponsius Ordovix Britannus
Davidis F. ex Aulâ B. Mariæ.*

In pompam funebrem diva Elisabetha.

Nil opus hic lacrymis ad funera cuncta locatis,
Nil opus atrati sedulitate chori;
Sponte aderunt, veras lacrymas verosq; dolores
In tua qui nimios funera, Elisa, dabunt.
Anglia, quæ dulcem experta est super omnia matrem,
(Matre super reliquas terra beata suâ)
Inq; tuâ modò quæ visa est sibi, vivere vitâ
Anglia, quæ visa est te moriente mori,
Ipsa libens proprio decoraret funere funus,
Iret & in lacrymas tota soluta pias.
Gallia quin etiam ereptam lugebit Elisam,
Cuius inops toties Gallia sensit opem.
Quamq; ab avaritia tumidi protexit Iberi,
Belgia patronam desseat orba suam.
Quamq; suorum odijs, Gallorumq; abstulit armis,
Scotia quin partes ~~vera~~ dolentis agat.
Quæq; piam semper Dominam sibi, sensit Ierne,
Materiam luctus, sit nisi cæca, videt.
Si qua & adhuc profugi tibi Lusitania Regis
Cura subit, nobis condoluisse potes.
Quosq; alibi Reges Populosve, armisq; virisq;
Iuvit, ad hos tristis turba venite rogos.
Talis in Elisæ ducatur funere *Pompa*;
Reges, & Populi, totaq; Regna flectant.

Edmund. Coles in LL. Bacc. N. C. Soc.

*In obitum divæ Elisabethæ, imperatricis Angliæ
serenissimæ Reginæ.*

O vtinam foret illa mihi data lingua Deorum,
Inclita quâ possim facta referre Deæ.
Non me Mercurius non me superaret Apollo
Rebus in ornandis, Elisabetha, tuis.
Parce tamen mihi, si summas, ter maxima, laudes
Nunc coner culpâ deterere ingenij,
Stemmata quid referâ? Prognata es sanguine Regum;
Chara soror, neptis, filia Regis eras:
Quid tua commemorem studia in iuvenilibus annis,
Queis nacta es clarum nomen in ore virum?
Non tamen hæc poterant defendere ab hoste maligno
Te, licet in solio sederit ipsa soror;
Cuius fraude malâ nec non livore furente
Ad tetra deducta es vincula *sicut ovis*.
Sed Deus eduxit te mæsto carcere latam;
Et nitido capiti post Diadema dedit.
Hoc Diadema dedit seruo nec Maïte, nec arte;
Sed tibi pace dedit, sed tibi iure dedit;
Lætitiâ populi summam procerumq; triumphos
Quid memorem *Eadem*: sic Dogmata Christi
Vnica cura fuit tibi, pandere dogma Iehouæ;
Imbuere et populum Religionis tuum.
Fulmina nec Quinti poterant nec fulmina Sixti
Tardare hoc veræ Religionis opus.
Non tu blanditijs, non tu terrore minaci
Sinceram poteras linq̃uere, Eliza, fidem.
Vt tu *Semper* eras *Eadem*: sic Dogmata Christi
A te capta semel, semper erant eadem.
Hinc tibi cesserunt semper felicia Regna;
Cesserunt votis cuncta secunda tuis.
Non privata tibi non vis armata nocebat;
Lædere non poterat perfidiosa manus.
Non furor Hispani, non machina subdola Papæ
Angere te potuit, tangere te potuit.
Tangere non potuit (quamvis conata frequenter)
Turba maligna domi, turba cruenta foris.

Summo chara Deo, diuino Numine mirè
 Defensa es semper stans, oriens, moriens,
 Illustris totum volitat tua fama per orbem;
 Tu defuncta licet sis, tua fama viget.
 Tu servatori soluisti pignus amoris,
 Illi fundasti * recta caduca solo.
 In te servator rursus demonstrat amorem;
 Hic tibi donavit recta beata Polo.
 In terris igitur fœlix, & in æthere Eliza,
 Viva Dei fueras, mortua iuncta Deo es.

*Griffinus Powellus primus electus
 socius Collegij Ies.*

* Collegiū
 Iesu in
 Civitate
 Oxon. ex
 fundatione
 Elizabe-
 thæ Regi-
 næ, sicut
 patet ex
 literis Re-
 gijs paten-
 tibus.

Flere Deæ, Charites lugete, ululate Camænæ;
 En, Regina perit, Diva, Camæna, Charis.
 Hoc impune licet? si fas occumbere Diuos,
 Quin Musæ, charites, Dijq; Deaq; cadunt?
 O ego cum (Princeps) in te diuina viderem
 Plurima; & humanum te sapuisse super;
 Cum data longæque meditarer tempora vitæ,
 Demissam dixi cælitus esse Deam.
 At nunc mortalem te agnosco invitus (Eliza).
 Quam nimis infœlix sentid posse mori.
 Et moreris tandem? sed non morieris (Eliza).
 Nescit humo virtus inviolata tegi.
 Vivent in cœlis tua numina, nomina terris,
 Et meliore tui parte superstes eris.
 Gallia te rebus dubijs adiuta loquetur,
 Præsidijq; minor Belgica terra tui.
 Nec non cum domito, deuictus Iberus Hiberno;
 Quæ fuerat, nolens, vis tua, testis erit.
 Summa sed ut belli laurus, sic pacis oliva
 Iure tuum cingit dulcis Eliza caput.

Religione tui statuens fundamina Regni,
 En constans moreris religione senex.
 Sed cautus subsisto, tuæ quæ laudis abyssus
 Ardua, si pergam, qui labyrinthus erit.
 Cui datur (Angligenis nec laus ea parua) *Iacobus*
 Quicquid & ad laudem grande *Iacobus* habet.

*Rolandus Searchfeld Theol. Bacc. Coll. D. Ioh.
 Bapt. Socinus.*

Viventem medicè, miserè qui vivere dixit,
 Vix credo, vitam novit (Eliza) tuam.
 Artis enim medicæ præcepta fuisse secutam,
 Quâ semper fueras vfa, dicta docet.
 At non crediderim miseram, quæ tempora vitæ
 Duxisti omnigenis accumulata bonis.
 Cuius enim ornavit cum Musis Musica mentem,
 Et mens in sano corpore sana fuit,
 Et caput insigni cinctum diademate, verè
 Diceris omnigenis accumulata bonis.

Ioan. Evelegbe Aula Cervina Principali.

ERgonè, supremo potuit mors improba telo,
 Tam sævum tentare nefas? Et victa iacebit
 Funereos inter tumulos *flos* principum *Eliza*?
 Quæq; Arabum superaret *Avem*, *Pylum*q; senectâ
 Insignem triplici, & *Tithonum* ætate minutum?
 Quin (scelus infandum est) etiam mors sola docebit
 Quantula sunt Regû corpuscula? pars quota glebz,
 Non satis immensi contentum limite mundi,
 Pellæum teget? exuvialq; in cespite condet?
 Quàm sunt ridiculi fines, quàm occasibus instant
 Ortus, exiguisq; rogam & cunabula findens
Isthmus, eòq; minor geminam qui dividit *vndam*.
 Qualis (anhelantes, vrit quum *Sirius*, agros)

Torrida materies, flammam imbibitura rubentem,
 Præcipientes, liquidum, crines diffundit in orbem,
 Itæ coelo clarum decus, attonitisq; notatur
 Agricolis, signum præter nihil inspecturis,
 Idem, cognatum, fumus nisi colligat ignem,
 In breve crescit opus, moriturq; cadente Cometâ:
 Talis purpureos Reges, horoscopus vrget,
 Augustumq; , suos, iubar ei aculantur, in orbes,
 Et speciem, vultusq; suos,volvendo recludunt,
 Et lubeunt oculos, iterum falluntq; cadendo,
 Mox vbi deficiunt quæ tanta incendia pascant
 Aptæ alimenta, abeunt in multam evanida noctem.
 Quodq; minus metuant lucentes deindè Cometæ
 Extiale sibi iubar est, Rex quisq; Cometa.

*Iob. Budden, Iuris Crvis Doct. è Coll. Beata
 Maria Magdalenæ.*

TErminus huc rerum, meus huc me terminus vrget:
 Non vltra Imperium, non Medicinæ movent.
 Irrita Fortunæ, quamvis immensa, potestas;
 Nec vaga constanti cum nece sœdus inicit.
 Nec valuit medici, quamvis divina, facultas;
 Ultima sic artem ludere fata solent.
 Quam tamen arte suâ salvam non præstat Elisam,
 Officio doctæ ploret Apollo lyræ.
 Phœbe tuâ rogus est citharâ non dignior vllus;
 Hoc Mausolæum si tibi pompa satis,
 Roma Titum luget? magis Anglia luget Elisam.
 Hic amor orbis, at hæc orbis amoris erat.
 Rex pro Reginâ, procures, vir Virgine clamant:
 Annuit, & Populo nupta fit atq; Deo.
 Vitam nec nimiam, nec parcâ duxerat ævi;
 Quæ vixit plusquam scœmina, maior obit.
 Pœne quidem decies septem transegerat annos;
 Sed dolor & pietas vix numerare sinunt.
 Fecerat illa satis famæ, pietatis amore;
 EVO naturæ; Religionē Deo.

Verba ipsi-
 us, Elisam
 juvenis.

Mor-

Mortua tam placide quàm vixerat Illa, quìeta
 Vita colendo Deum, mors patièdo fuit,
 Bello magna, domi mitis, prudensq; senatu,
 Casta thoro, sollo iusta, beata nece.
 Regia sacra dabunt proceres, lectulq; senatus,
 Exequias faciet Virgineusq; chorus,
 Si fatum redimi fato potuisset Elìzæ
 Conflaret multa morte redempta salus.
 Sin vitam populi votum superaverit; ætas
 Regis compenset, quo rediviva viget.
 Distribuat populis Rex vnus iura duobus;
 Et vitæ spatium duplicis vnus agat,
 Solus eris Solomon, Austri regina recessit,
 Et fidâ princeps gente fruire pius.
 Non careas medicis, egeas minus, inclyte Princeps;
 Ponitur in Regis tora salute salus.
 Hanc foveas, reliquis Rex instruatissimus, artes;
 Sic tamen, vt medicâ sis sine, saluus, ope.

Guil. Paddewze Ioannensis Medicina Dñlo.

Quid lachrymæ & luctus Reginæ in funere Elìzæ
 Effusi faciunt, tristefq; ad pectora planctus?
 Nulla dies illi melior, post limina vitæ
 Calcata affulfit, quam quâ contagia mundi
 Excutiens, liquidî petijt commercia Cœli.
 Nam quid in hac vita gratum atq; optabile cuiquâ
 Felicive homini, Regive obtingere magno
 Magnificoq; potest, quo non cum laude perenni
 Illa potita fuit, peregrè præclara domiq;
 Reppulit hostiles insultus; sæpe regessit
 In caput authorum, quicquid furialis Iberus
 Excudit vecors, totiesq; rebellis Hybernus.
 Si quid ab occulta concoctum est arte veneni
 Siqua manus tetrîs armatur perfida sicis
 Si quæ sint Magicis conflata & ficta susurris
 Siqua coit junctis fera, coniuratio dextris:
 Omnia sunt primo molimine cognita, miris

Et patefacta modis, legumq; coercita poenis.
 Religio, pietas, virtus, & summa bonorum
 Ornamenta hominum, nunquam magis incluta; nulli
 Sunt exculta magis. Decus hæc & gratia dignis,
 Perfugiumq; bonis, miseris spes, portus amicis,
 Mitis, amans, facilis, tractabilis, æqua, benigna,
 Larga manu, sincera fide, placidissima corde,
 Mente sagax, studijs prudens, animoq; virilis.
 Provida venturi, nimium nec lata secundis
 Nec depressa malis, fortunâ fortis vtrâq;
 Chara suis, paci; studens opibusq; suorum,
 Quos viva & moriens, se, & successore beavit;
 Iura colens, Iurisq; tenens, iustissima, normam.
 Cætera quæ non sunt memorata in carmine nostro
 Indus, Arabs, Afer, Seres, atq; vltima terræ
 Non invita sciunt, invita nec vltima Ponti.
 Morte igitur vitâq; & successore, suisq;
 Tot tantisq; bonis foelix Regina, quid vltra
 Quærere debebat, non novit; mensaq; vitæ
 Tam brevis est spatio, quicquid mortale petendum
 Autumat, atq; stetit fortuna in culmine summo.
 Hocq; gradu maneat scælis memoranda futura,
 Exemplarq; probi; donec præstantior alter
 (Quisquis is est tandem gratus cæloq; Deoq;)
 Præripet tantam (sed non sine Numine) Palmam.
 Quod tamen, aut nullis, aut Regibus accadat Anglis;
 Siq; aliquam, nostram maneant ea præmia gentem.

The. Docten Doct. Med.

QUæ Phoenix ævi, quæ sexus gemma fuisti,
 Gentis honor, Generis gloria summa tui,
 In titulos, Regina, tuos quàm plurima vellem!
 Quàm vix me sinis hæc scribere pauca dolor?
 Te vivam & Iuvenem, Regno, virtute, decore,
 Tres cecini Phrigias exuperasse Deas,
 Te nunc defunctam dijs omnibus, atq; deabus
 Præfero, quos, vel quas prodiga Roma parit.

Y

Cuius

Cuius sancta fides animosa morte relucet,
 Dum vitam sequitur mors celebranda piam.
 Sed quia sanguineos frānavit lege Papistas,
 Dicta (sed immeritò) sanguinolenta fuit.
 Illius ac regno, breue regnum, & triste sororis
 Confer, & inuenies qualis Eliza fuit.
 Talis Eliza fuit, qualem vix viderat ætas
 Villa prior, vel erit post habitura parem.
 Quicquid in aduersum mendax Iesuita susurrat,
 Romuleis iusto mitior illa fuit.
 Quorum quæ insidias repetet, studiumq; rebelle,
 Et coniuratas in pia sceptrā minas,
 Illorum *veniens* rabiem dum conspiciat *ætas*
 Afferet, *hys nimium misis Eliza fuit.*
 Gens inimica bonis, regnis infesta quietis,
 Dic nunc Regina quid tibi morte venit?
 Illa abiit: subiit regno successor avito,
 Qui zelo tribulos vltiore metet.
 Optima, chara Deo, mundo præcepta maligno,
 Tuta nitet celso virgo recepta sinu.
 I nunc Eliza finem, cum sis Philippi
 Confer, in viroq; & facta revolve Dei:
 Non est in cineres mihi mens scuire sepultos,
 Hoc satis; hæc virâ, & morte beata fuit.
 Illius & viuax resonabit gloria nomen,
 Eternâ dignum posteritate coli.
 Cui licet hinc Dominus regnum terre negavit,
 In cœlis regno dar potiore frui.
 Sic ego, sic tandem iustorum morte peremptus
 Curriculi absolvam puncta suprema ueni.

Henricus Buss Med.
 Doctor

Rotta è l'alta colonna, che sostegno
 Gran tempo al mondo fu d'imperio santo.
 Tolto è d'Anglia infelice il pregio, e il nanto
 Di fortunato, e glorioso regno.

ELISA è morta, il più grande, il più degno
 Rettor del mondo: che superbi tanto
 Pauentavano afflitti, afflitti quanto
 Habbeno di salute altero pegno.
 Lasso, e non piange il mondo, e gl'occhi, e i cuori
 Non si disfanno in pianto? Ah! piange, piange
 Tua santa chiesa, o DIO, dogliosa, e mesta.
 Piange la chiesa i suoi perduti honori.
 Ah! ciascun geme, ognun i affligge, & unge:
 Ah! Gentil prendi sconsolata nestra,

Doct. Alberico
 Gentile.

קִינָה לְיוֹבִיָּה

Lamentare Sion, Solymarumq; incola tristis;
 Pullatum querulus æthera rumpe modis;
 Nempe tuus requieuit honos tellure repõstus,
 Et cecidit capitis pulchra corolla tui.
 Aspexere tuam modò Gentcs vñdìq; formam
 Vixq; oculi tantum sustinuerè decus:
 Nunc rident, quassantq; caput, quæruntq; iocantes:
 Nunc vbinam facies? nunc vbi forma tua est?
 Nostrane sic læsum peccata incendere numen?
 Nostranè sic poterat culpa mouere deum?
 In nos iratas vt tenderet ille sagittas,
 Et fieret populi non memor ipse sui?
 Vt quem (ceu dextri pupillam nuper ocelli,
 Aut super ornatas, aurea signa, manus)
 Sub proprijs tutum semper ser uaverat alis,
 Gentibus in prædam, ludibriumq; daret?
 Quin igitur lachryma viduatæ filia Iudæ,
 Et penetra luctu marmora dura tuos:
 Quin tua circumdet iam-turpia corpora saccus,
 Squalleat & multo pulvere nigra cutis.
 At vos interea, (Domini qui statis ad aras
 Et datis irato thura precesq; Deo)

Lam lachrymis vestras repleti hoc tempus acerras,
 Et timido fundi postulat ore preces;
 Vt, Deborah quamvis saxo tumulata tenaci
 Cum patribus longum dormiat ista suis;
 Davides aliquis folio consurgat avito,
 Et ferat in viâ Regia sceptrâ manu:
 Hic sua restituat mœstæ ornamenta Sioni,
 Eternum Solymas nec lachrymare finat.

*Guliel. Thorne in sac. Theol. doct. & Hebr. Lingua
 Profess. Regius.*

A Ngliâ mœsta gemis? quin squallida rota liquecas
 In gemitus, lachrymis veltcere tota pijs.
 Occubuit mundi splendor, iulissima princeps:
 Virgo potens armis, pace potensq; pia.
 Quæ te lacte suo nutrix, Ecclesia, fovit,
 Occubuit, columen publica Resq; tuum.
 Corporis atq; animi donis ditissima princeps
 Occubuit, nulli virgo secunda viro,
 Percussit toties quam bruto fulmine Papa,
 Quam vi, quam voluit tollere mille dolis:
 Hanc annis saturam, summa quoq; pace fruentem
 E regno in regnum transtulit ipse deus,
 Reginz tantæ decores nunc funera fletu.
 Angliâ, nunc vestes indue mœsta nigras.
 Magno, sed sancto celebres hæc funera fletus
 Mam pro terrenis coelica regna tenet.
 Chara deo, populoq; tuo Regina superstes,
 Chara deo, viuas mortua, sceptrâ tenens.

*Henricus Aray Theol. Doct. Col.
 Regina Proposui.*

E Rgonè funcribus mors iungens funera, Elizam
 Abstulit? innumeri quin periere magis?
 Occidit? & tantæ quæris miracula mentis?
 En Ausler, Boreas, China, Quivira, sciunt:

Quæ vel mirari, laudes superantia vatum,
 Nemo tacendo satis, nemo canendo potest.
 Ergo nec immeritò amissam ploramus, inundans
 Oceanus lachrymis vndiq; miscet aquas:
 Ergo delicias nostras lugemus ademptas,
 Et populus, Proceres, Pieriusq; chorus:
 Tuq; Althea, decus terrarum, nunc decus Aulæ
 Ætherez, æterno perfruitura Deo,
 Diva vale; dum nos et ineluctabilis angor
 Torquet, & ad cœlos acceleramus iter.

*Thomas Singleton Theol. Doct.
 Colleg. Æneas. Principalis.*

*In obitum doctiss. potentiss. & sanctiss.
 Principis Elisabethæ.*

Quid præter solitum mihi lingua volubilis heret,
 Officiumq; mihi denegat illa suum?
 An quis præ nimio vox interrupta dolore
 Quæ cupit, et solita destitit ire, via t?
 An quia Reginæ laudes dictura tremiscit,
 Materiam vires exuperante meas?
 Scilicet hoc certe: nam quæ facundia tanta est,
 Aut quæ tam pleno carmine musa potens!
 Audeat ut tanto sese immiscere labori,
 Impositumq; humeris non vereatur onus.
 Nam Charites, Musæ, Pallasq;, & magna Tonantis
 Sive ea sit coniux, sive sit illa soror,
 Et Venus, & Phœbe, & sanctissima nomina sexus
 Fœminei, & superum nobilitata cohors,
 Vix omnes vnam complebunt Elisabetham,
 Nam quæ aderant alijs singula, cuncta tulit.
 Pallada doctrinâ, Venerem formâ, atq; sororem
 Maiestate putes exuperare Iovis.
 Artibus, ingenio, linguarum cognitione
 Multiplici, & toto fonte Heliconiadum.

Ipsas Pegafidas longe superavit, & alto
 Parnassi, ante alias, vertice, summa stetit.
 Quid, quod scemineo in sexu nec mascula virtus
 Defuit, & sebum Martis agebat opus.
 Contudit Hispanos, disiectosq; æquore toto,
 (Quà refluis vndis labitur alma Thetis)
 Aut victos bello cepit, captivaq; duxit
 Agmina, victrici non peritura manu;
 Aut ferro & flamma vastavit, & omnia latè
 Imperio fecit regna subesse suo:
 Huic captæ Gades flammisq; absumpta Corona,
 Portæq; incensæ magna Olysippo tuæ.
 Quid, quod & Americam latè victricibus armis
 Scemineo docuit subdere colla iugo.
 Vicinosq; omnes oppressos fraude tyrannum
 Armata salvos præstitit illa manu.
 Atq; ita Bellonæ similis maiortia virgo
 Præclarum toto nomen in orbe tulit.
 Nec tamen armorum quàm veræ religionis
 Laudibus increvit sancta virago magis.
 Hac namq; à teneris flammatum pectus habebat,
 Huic soli studuit virgo dicata Deo.
 Hanc propter varijs est tempestatibus acta,
 Obrueratq; eius pæne procella caput.
 Vt vero optatas rerum tractavit habenas
 Gestavitq; suâ sceptrâ Britanna manu:
 Impia Romani submovit dogmata Papæ
 Et quicquid falsæ religionis erat.
 Sinceramq; fidem de sacro fonte petitam
 Sedibus apposuit restituitq; suis.
 Non voces, non illa minas, non arma morata est,
 Nec quod Tarpeiâ fulmen ab arce venit.
 Sed semel acceptæ fidei constanter adhæsit
 Inq; illâ extremum mansit ad vsq; diem.
 Cætera quid memorem? sunt infinita, nec ullus
 Omnia pro meritis dicere sufficiat
 Quod superest igitur te nunc lugemus ademptam,
 O virgo summis annumeranda viris.

Te canimus, laudesq; tuas: & nomen Elizæ
Carminibus nostris perpetuare iuvat.

*Georgius Reeves Sacra Theolog. Doctor,
Novi Colleg. Custos.*

*In obitu lætissima atq; omni genere virtutis instructis-
sima Principia Elisabetha, Anglia, Francia,
& Hibernia Regina multo augustissima.*

In sandum pia Musa potes vulgare dolorem?
Non cadit in lachrymas tanta querela tuas.
Sit amen effari fas est, quæ causa doloris;
Fœmina sub lapide est, quæ fuit antè * Dea.

O quàm regales vultus; quàm affabile pectus?
Quàm verè augustâ fronte, serena quies?
Quàm dite ingenium numerosâ Palladis arte?
Quàm plena Hermetis munere lingua fuit?
Plura, quid? in gestu, cantu, motuq; tibiſq;
Regia Maiestas, Gratia suavis inest.

Adde, quod instaurat Genitor; quod Frater adornat;
Quod quinquennali dissipat igne Soror;
Illud Evangelium love plena reduxit Eliza;
Illud inoffenso est, Christe, professa pede,
Orbereluctanti; Papâ frendente; minante
Hispano, est verbum, Christe, professa tuum.
Adde; benigna suas vtrâsq; beavit Athenas;
Nec passa est humili Musam habitare casâ.
Adde, eadem semper, leges servavit easdem;
Nec potuit senior facta probare Novas.

Indè, reportat ovals terrâq; mari-q; triumphos,
Nec valet in mortem Vis; Aconita; Dolus.
Indè, frequens alijs vênit Legatus ab oris;
Miraturq; suos, huius in ore, sonos.

* Psal. 82. 6.

Eccl. 10. 17.

Anno Reg.
13. 14. 18.

Indè

Indè, Decus mundi, muliebris Glorix Sexus;
Exemplum seræ posteritatis erit.

**Iacobus 1.* Hæc fuit Anglorum verissima gloria : qualis;
Nulla futura Dea est, sed * Deus vnus erit.

An. 1588.* **AVrea tunc ætas, verè Saturnia secla;
Halcyonis verè vidimus ille dies.
Quos sensere alij, vix nos vel * vidimus hostes;
Nulla domi audita est; & tuba rara foris.
Pax, aditu : medio, pax : & pax, fine : Capellæ,
Seruat, Deponit Regna, quiete, sua.

ET mortalis eras, quæ tanta, & talis, Eliza?
Ergo immortalis foemina nulla : scio.

IVlius in stellam, Brute ingratisime, versus;
Est Deus in cœlis, Cæsar in orbe prius.
Nec minor Elliza est. nam quæ disparuit istæ
Stella cadens; illæ splendida fixa manet.

IVlius in cœlo Deus est, qui Cæsar in orbe?
Brute, Hominem occidis, sed facis esse Deum;
Terris stella cadens, in cœlis splendet Eliza?
Reginam occidens, Mors, facis esse Deam.

Ergo, quid in tumulto? *Tumultus*. nã corpora, mentis
Nil nisi divinæ viva sepulchra, voco.
Fœlix hoc corpus, quod mentis tale sepulchrum;
Fœlix terra, huius corporis vna brevis.

**Antigonè ad Invidiam.*

PAsceris in vivis, Livor. Post fata quiesce,
Est maior, quàm cui dente nocere potes.

*Thomas Ravis, Ecclesiæ Cantuariæ
Christi Oxon. Decanus.*

Ad Elizam.

SI quid Eliza vacant & adhuc tua funera flet;
 (Copia nam luctus extitit ampla tui)
 En ego quos Elegos, quæ suspirantia fundo
 Carmina, quas lachrymas, qualia lucta feros
 Nec mea, fera licet, tam tristitia lucta recuses,
 Sæpe solet serus serius esse dolor.

Ad Elizam:

CVra coquens sero loquitur, lachrymosus & imber
 Tardigradis miseri fletibus ora rigat:
 Parua per ora volat cita, garrula cura: sed ingens
 Alta sedet, vocem vincit, & ora fugit.
 Hinc & Eliza venit tibi nenia sera, quod alto
 Fixus corde sedet, non volat ore dolor.
 Qui cito, voce tenus, dolet, haud dolet ille, sed imo
 Pectore, tam sero qui dolet, ille dolet.
 Serus & iste dolor sero mansurus in ævo
 Vivet, cum subito cura suborta, cadet.

Ad Anglos Nenia.

Nunc est dolendum, pectora nunc manu
 Pulsanda tristi, nunc lachrymabili
 Fordare, lugubres ocellos
 Tempus erat gemitu, Britannii.
 Permevit annos, Elisabeth, tuos
 Clotho malignans, & scidit Atropos:
 Hæc fata nobis & ruinam,
 Funus & imperio pararunt.
 Tristem memento his rebus in asperis
 Servare mentem victa Britannia,
 A gestienti temperato
 Lætitiâ, peritura tellus,
 Indigna post tam funera, post necem,
 Et fata Eliza, quam precor, impotens

Sperare fortunam, Britanne,
 Cernere vel poteris salutem?
 Fatis sed omnes cogimur, omnium
 Mors instat; horæ ceu fugiunt citæ,
 Sic vita festinat per annos
 Exilium subitura longos.
 Hanc si dolores reddere, vel preces
 Vel vota possent, viueret integra,
 Sed pensa, fusus, & sororum
 Fila trium nequeunt reuerti.
 Regia cedas imperio, throno,
 Tectis & altis, quæ Thamisis lavat.
 Cedas, sed extructas in altum.
 Divitias capiat Iacobus,
 Et regna serus possideat, diu.
 Interfit Anglis, tardus ad arduum
 Cœlum remigret, nec Britannis
 Hunc adimat facinus Britannum
 Magnos triumphos ducat, & Angliæ
 Princeps vocari gaudeat, & pater;
 Papæ nec expectet venenum,
 Nec ferat Italicos furores.

Adesse summum semper expectes diem,
 Fusæ Sorores explicant, pœnulum trahunt,
 Et Parca semper vna de ternis necat,
 Fatalis hora scribitur, & ætas fugax
 Volat, ut sagitta missa Phœbeâ manum
 Nec vis Puellas vlla lanificas mouet.
 At ô Deorum quisquis in fata imperas,
 Quid immerentes, integras agnas rapis?
 Et tot nocentes, impios mitus lupos?
 O parce 'anctis, nostra quos ætas (malis
 Fœcunda) nigro rariùs cygno tulit.
 Vitioliores tolle; pravorum gemens
 Succumbit oneri terra; ne vitient bonos,
 Graviore terram pondere malorum leua.
 Tamen ab iniqua lege Parcarum, diu

Vivere negatur integris : manes vorant,
 Et avara rectum fata corripunt virum.
 Hinc mors Elizam meruit, & subitâ colo
 Pernevit illi Lachesis extremum diem.
 At nox tenebit atra ? perpetuus sopor
 Obruet Elizam ? vitia Brutigentum nefas
 Meruere tantum ? Castitas, Verum, Pudor,
 Iustitia, Pietas, quando repperient parem ?
 Durum, Sed illud ferre patienter decet,
 Corrigere quicquid genere mortali nefas.

*Anglia de regimine Eliza
 & Iacobi.*

DOnec femineum decus
 Elizam, proavis regibus editam
 Aspexi, populo potens,
 Vel Româ vigui clavior, Anglia.
 Regem nacta sed inclytum
 Iacobum, proavis regibus editum,
 Accessu populi novi
 Cunctis emineo gentibus altior.
 Elizâ mihi sospite
 Pax dulcis, requies, almaq; faustitas
 Florebant ; mala bellica
 Nam nostris pepulit diva penatibus ;
 Et dum sospes erit mihi
 Iacobus, (Deus hunc det mihi sospitem
 & vis perpetuis) colet
 Pax agros, reprimet Mars ferus impetum.
 O sed quæ tibi præmia?
 Quod, Regina, decus pro meritis feram?
 Et quæ Rex tibi munera,
 Quas grates referam, quam tibi gloriam?
 Istis pro meritis Deus
 Dat Regina tibi fidereas domus
 Et Rex magne tibi dabit
 Tantis pro meritis sidera serius.

*De morbi genera qua
Eliza interijt.*

VT memorant, Regina, tuus per guttura morbus
Ivit, Cecropio sedit & ore dolor,
O durum lethi genus, atram flectere mortem
Quæ toties vitam vox dedit, illa nequit?
Sed vocis festinat iter mors claudere, docta
Ne posset duram lingua movere necem.

*Academia Oxoniensis ad
Elizam desuclam,*

Si mihi Praxitelis manus, excultæve Myronis
Artes, si docti dextera docta Scopæ,
Si vel Mentoreos poteram superare labores,
Reddere Phidiaci siue toreuma poli,
Quas ô Eliza tibi statuas? quæ templa? quot aras?
Et quantum instruerem divitis artis opus?
Sed quoniam nec docta manus, nec ditia fata,
Hoc opus ingenij dulcis Eliza cape.
Ipsa per hoc fugies ingrata silentia Lethæ,
Ipsa per hoc victâ morte superstes eris.
Marmora rodit edax ætas, annosa vetustas;
Findit ebur, statuas temporis ira terit
Secula carminibus sed donant Secula, sola.
Hæc monimenta fera nescia mortis erunt.

*Academia Oxoniensis
ad lectorem.*

Lvgubre dum raptæ defletur funus Eliza,
Et canitur Coæ nœnia mæsta senis,
Castalos ibam latices, et culmina Pindi,
Quò mea Pierius tingeret oraliquors,
Et te Phœbe precabar opem, quo numinè plena,
Mens mea lucifonos funderet ægra modos.

Sed mihi Melpomene nec planctus præcipit, vitam.
 Nec phœbus miseris cantibus addit opem:
 Ergo nec ille nec illa dedit mihi carminis artem,
 Sed novus ingenio fio poeta meo.
 Imo Phœbus enim suspirans corde, sororem
 Inquit, in hac Diva luget Apollo suam.
 Et Charitem spectans quæ stabat proxima Musis,
 O quantum, dixit, Gratia vulnus habes.
 Vulnus & Euterpe quantum, Polyhymnia quantum?
 Et tu Calliope quam grave vulnus habes?
 Pallas & ipsa (sacris nam Musis absuit ipsa)
 Qualia prohi, dixit, vulnera Pallas habes?
 Phœbus, Musa, Charis, Pallas, cum funus Elizæ.
 Plangant, quale putas vulnus Eliza dedit?
 Tale dedit, quali Clarius fons aret, Apollo
 Languet, Pieridum turba novena stupet.
 Si damus ergo modos Musis nec Apolline dignos.
 Et quos Pegaseo fonte carere scias,
 Nil mirum; nam triste gemunt dum funus, iniquus
 His & Apollo fuit, Musa nec æqua fuit.

Ad Iacobum & Elizam.

Vix ea grata venit, quæ mixta dolore voluptas:
 Et dolor exultans, desinit esse dolor.
 Ergo tibi dedimus puros Rex magne triumphos,
 Nunc & Eliza tibi funera pura damus.
 Qui simul & dolet, & gaudet, lætante dolore
 Nec satis hic gaudet, nec satis ille dolet.

Ad librum.

Quod gestare solet te plebs, cum plebe senatus,
 Quod te densa manus, quod sinus omnis habet;
 Quod Procerum sis multus amor, quod Regia cura,
 Ne nimium placeas tu tibi moeste liber.
 Delectas namq; ipse parum, sed amaris abunde,
 Hos & Eliza dedit, quicquid amoris habes.

(182)

Funere nullus erit qui delectatur Eliza;
Has tamen exequias funeris, omnis amat.

Ad Librum & Elizam.

G Rata licet toties des carmina, parve libelle;
Quælibet & meritâ pagina laude sonet;
Diligeris populo non propter carmen; Eliza,
Propter te populus flebile carmen amat.

In funere
celebran-
do lachry-
mæ & lau-
des veteri
lege obser-
vatz. Naz.
*Pio 10.8.
*Ecc. 22.10

S Atis est dolorum, mœsta Melpomene file:
Lachrymas Eliza dedimus, & *laudes* tibi,
Decorare sola triste quæ funus solent.
Extulimus altum, laude sed tenui, decus,
Memoria * iusti, laude quod vivat sua.
Fumus & amarum flevimus; viui mala
* Quod acerba passi, morte sublato gemant.
Hoc ergo superest, *laude* tu vines tua,
Longamq; nostris *lachrymas* vitam dabis.

*Io. Housonius Vicecancell. Oxon. Sac. Theol. Doct. &
Præbendus in Ecclesia Christi.*

FINIS.



and

3